




28 5671 R



413





Wunderbarlich

onnd Seltsame Historien

Vyl Eulenspiegels / eines Bawren

Son/bärtig auß dem Land zu Brannschweig

Newlich auß Sächsischer Sprach / auff gut

Hoch deutsch/verdeutschet/sehr

Ertzweilig/mit schön

nen Figuren.



Gedruckt zu Francsfurde

am Mayn/durch Weyß

14 Hand Sam 8

Handwritten text in a Gothic script, likely a library inventory or title page, appearing as bleed-through from the reverse side of the leaf.



Handwritten text in a Gothic script, likely a library inventory or title page, appearing as bleed-through from the reverse side of the leaf.

Vorrede.

Man Zälet nach
der Geburt Christi / **AN.**
CCCC. lrrrñ. Bin ich durch etlich

Personen vnd gute gänner geberet
worden / die Historien vñ seltsame schalcks list-
ge bessen Tyl Eulenspiegels eins Bawrn Son /
zusamen zubringen / vnd zu beschreiben / welchs
ich nit wol füglich hab können abschlagen. Die
weil denn menschlich natur vnd wesen / auß fröle
chem gesprech / oft vnd viel bewegt wirdt / das
trawrigkeit / Frandheit / hasz vnd neid wirdt ge-
miltet / vnd vergessen / hab ich so viel mit mög-
lich / verfasst / Nicht in meinung / das man dar
auß böß / sonder allein dz böß zu vermeiden lern
auch sich vor listigen menschen dest basz könn hñ

ten. Denn jetz leider sonst alle Welt Vntrew
vnd boszheit voll ist / Verhoff derhals

ben / ein jeder werde sich selber inn

dem fall / wol Können hierinn

richten / vnd diß mein

schreiben zu dem

besten auffe

wemen.

Z

H

D

Die Erste History.
Wie Tyl Eulenspiegel geboren/ vnd
zu dreien malen getaufft ward.



Es ist im Landt zu
Sachsen/ im wald Gelb
gelegen/ ein dorff genant Anetlin
gen/ da ward das fromb Kinde
Eulenspiegel geboren/ des Vats
ter hieß Claus Eulenspiegel/ sein Mutter Anna
Weibeckin/ vnd da sie des Kinds genasz/ schick
ten sie es zu der Tauff/ ins Dorff Amplen/ da
bey ein Schloß genannt Amplen/ erbawet/ vnd
von den Magdenburgischen/ neben anderer mit
hilff/ für ein Raubhauß vertilget ward/ vnd
liessen

lieffen es neuen Tyl Eulenspiegel/ Nach gescheh
 ner Tauff aber da die alten Mütterlin sich betten
 als in Sommers zeit/an der weiten reiß erhitzt/
 vnnnd darüber mit tauben trüncken miltiglich er-
 kält/denn da zumal gewonheit was/das man ds
 Kind bald nach der tauff in ein Bierhaus trug/
 auff das sich die Gefattern auch erfreuten/kam
 die zeit/das man sich mit dem Kind Tyl Eulen-
 spiegel widerumb an heim gefüget. Wiewol nun
 die Wehmutter/ so das Kind trug/vnderwegen
 in angst vnd not kam/wenn die von einem hohen
 steg hart vnd inn grossen gefahr fiel/darüber sie
 gieng vnnnd vngewis getretten hat. Jedoch wie
 man auch sagt/das vnfrant nicht bald verdürbt/
 geschahe dem Kindt kein leid/allein das sichs im
 Kot vbel besudelt hatte/da halff man ihnen bald
 widerumb auß dē schlam/. Also ward Eulenspie-
 gel eines tags drey mal getaufft/ erstlich nach ge-
 meiner ordnung/darnach in der Pfügen/vnd zu
 letzt in warmem wasser/Vnd war das erste zeich-
 en/des grossen vnfalls/ so das Kindt/wie es her-
 nach beschrieben/im ganzen lebē warten muste.
 Den vntrew schlug auch etwan sein eigen Herrn.

Die is. History.

Wie alle Bawen vnnnd Bawrin vber den jungen
 Eulenspiegel klagten /vnd wie er auff ei-
 nem Pferd hinder seinem Vatter
 saß/vnd stillschweigend die
 Leut in Arsz ließ
 sehen.

Wunderbarliche Historien/



DEs bald nun Eulenspiegel auß dem Staub
erzogen/ vnd gehen kund/ macht er sich vn
der die jungen Kinder/ vñ mustert sich weid
lich auff dem Gras/ wenn er auch nit wes
nig/ hinden vnd vorn ein gestützten Affen gleich
sah. Da er aber vier Jar alt was/ name er zu/
won tag zu tag/ In der Bährey/ das auch der
Vatter teglichen vberlauffen wurde/ von den
Nachbar leuten/ die vber Eulenspiegel klagten/
wie er ein böser vnsinniger schalck wer.

Au wiewol der Vatter Eulenspiegel deshal
ben mit vielen worten strafft/ vñnd Eulen
spiegel sich als oft schalckhafftig verantwortet.
Jedoch das er der Vatter der warheit bey kom
men möcht/ gdacht er Eulenspiegel auff ein zeit/
so die baurn auff die gassen versamlet wern/ hins
sich

sich auff's Pferd zu setzen vnd hinfür zuheitten.
 Da nun die zeit kam/ gebot er das Eulenspiegel
 still vñ züchtig hinder im solt sitzen/ Wz erdacht
 aber Eulenspiegel das gehorsam Kind? Er hebt
 senberlich auff das hembd vor dem Arsz vñ ließ
 die Bauren sich in ein neuen Spiegel beschn/
 vnd setz sich wider stillschweigend nider/ da hu-
 ben die Leut vber Eulenspiegel zu schreien/ pfay
 des kleinen bösen schalcks/ noch wußt der gut vat-
 ter nicht wie das zu gieng/ wenn sich Eulenspie-
 gel als bald gegen dē vater beklagt/ vnd sprach/
 Höre lieber Vater/ du sichst/ dz ich stillschweigend
 sitz/ vnd nimand etwas args thu/ noch sagen die
 Leut ich sey ein schalck. Der Vatter besanne sich
 nicht lang/ vnd setz sein lieben son für sich. Aber
 Eulenspiegel dieweil er vor dem Vater nichts an-
 ders thun mocht/ sperret er doch das maul auff/
 mit außgreckter zungen/ da lieffē die leut vñ sag-
 ten/ seht doch zu/ wie ein junger schalck ist dz/ der
 gut einfeltige Vatter kundt kein schuld vermer-
 cken/ vnd sagte/ Du bist je lieber son in einer vn-
 glückseligen stund geboren/ vnd het in also lieb/
 das er sich in dz Magdeburgisch Land/ auff die
 Sal/ danō sein weib wat/ bgab/ starb auch bald
 darnach/ vnd verließ weib vnd Kind in merck-
 licher armut. Eulenspiegel aber/ wiewol er kein
 Handwerck kundt/ vnd bey Sechsehen ja-
 ren alt/ so was er doch fertig vnd
 gehbt in der Gaudē

lery.

¶ iii

Die

Wunderbarliche Historien/

Die iij. History.

Wie Eulenspiegels Vatter von Anetlingen hin
weg zohe an das wasser/die Saal genant/
Vnd wie sein Son Eulenspiegel
auff dem Seil lernet
gehen.



Nad wie man sagt/wen die Katz auß dem
hausz ist/so haben die Meusz ein gewun
nen spiel. Also geschahs nach Eulenspie
gels Vatters tod. Nach dem die Mutter
als ein alt/siech/vnd kranck Weib / sie des Eu
lenspiegels auch nicht mechtig was/ begundt er
auß müßiggang/ fürwitz vnd spitzbüberey vben
vnd zulernen/ den als sein muter wont im hausz/
des

des Hof an das wasser die Saal gieng/ vnd trug
 grosse sorg/ von wegen des Eulenspiegels/ von
 dem sie also schwach kein thorheit nit leidē noch
 dulden wolt/ Aber Eulenspiegel macht sich auff
 den Boden des Hauses/ vnd lernt auff dem Seil
 gehen/ so lang/ bis er eins mals von der Mutter
 mit ein starckē Anstrel auff dem Seil ergriffen/
 vnd durch ein Fenster auffs Dach/ da sie in nicht
 erreichen kundert/ versagt wurde/ das mußt er lei-
 den so lang/ bis er ihr entwuchs/ vnd zu seines
 alters vnnnd der Mutter schwachheit halben gar
 kein sorg mehr hett/ auch in ver stolner weisz ein
 guten theil auff dem Seil zu gehen erlernet / ge-
 dacht drauff sein geschickligkeit offentlich zu be-
 weisen/ vnd zoh das Seil vom hinder hausz vber
 die Saal/ band das an ein ander hausz dargegen
 vber/ Da der gemein pöfel jung vnd alt/ solch vn-
 gewönlich spiel vernam/ ward ein grosz gedrang
 vmb das Seil/ vnd verwunderten sich hoch/ das
 Eulenspiegel so gewisz vnd prechtig auff dem seil
 hertrat/ vnd sich sehen ließ/ Aber glück/ das sel-
 ten etwas in lautern freunden zergehn leßt/ warff
 des leides samen vnder diese ding/ damit die mut-
 ter von dem grossen geschrey des ihen ward/ vnd
 damit sie iren Son nach vermögen/ als mit listē
 darumb straffen möcht/ schlecht sie in das hinder
 hausz/ vnd schneid das sel enzwey. Da pflumpf-
 set der gute Meister Eulenspiegel mitten inn die
 Saal/ mit grossen spot/ vnd badet sehr wol/ erst
 hub sich von alln ein grosz gelechter/ dz verdroß
 Eulenspiegeln so sehr dz er kein wort reden kunt/

Wunderbarliche Historien/

vnd acht des gefehrlichen badens nit als sehr/
als des gspöts der alten vnd jungen/die im nach
lieffen/vnd dr bad segneten / aber Eulenspiegel
gedacht gar fleißig/ wie er das gspöt widerumb
vergelten künd/ also was nun dem gute Eulen-
spiegel sein erst meisterstück vbel gerathen.

Die iiii. History.

Wie Eulenspiegel den jungen Anaben bey zwey
hundert die Schuh abredet/vnd macht
das sie einander raufften.



Nach wolt Eulenspiegel sein schaden
des badens rechen/ vnd zog das seil vñ
ein andern hausz ober die saal/ verwe-
net die Leut/wie er aber auff dem seil
gehn

gehn wolt/das Volck samlet sich bald dazu/jung
vnd alt/ vnd Eulenspiegel sprach zu den jungen
das sie im reichth ein jeglicher sein linckē schuch/
er wolt in ein hübsches stück auff dem Seil weiß
sen/mit den Schuhen die Jungen glaubten das
vnd zohen die Schuch auß/vnd gaben sie Eulen
spiegeln/der waren bey zwey schock/das ist zwey
mal sechzig/die zohe er an ein schmir/vnd steig
damit auff das seil/da sahen die Alten vnd Jun
gen dem Eulenspiegel zu/vnd meinten/er wolte
etwas nütlichs damit thun/ Nun waren die jun
gen ein theil betrübt/ wenn sie ihr Schuch gerne
hätten wider gehabt. Als nun Eulenspiegel auff
dem seil saß/vnd verbracht sein spiegelgeden/
da rüffet er auff dem Seil/mentlich neme war/
vnd ein jeglicher suche seinen Schuch wider/vnd
schneid damit das Seil entzwey/vund warff die
Schuch auff die Erden/dz ie ein Schuh vber den
andern porzlet / vnd sich gar vermengten/ Da
drungen sich die alten vnd jungen hinzu/vnd er
wüschet einer hie ein schuh / der ander dort/dies
ser sprach der ist mein/iener sprach/du leugst/er
ist mein/vnd fielen also einander in das har/vnd
begunten einander zu schlagen/der ein lag vnden
der ander oben/der ein schrey/der ander weynt/
der dritt lacht/das weret also lang/das die alten
auch backenstreich theilten. Aber Eulenspiegel
lacher auff dem seil/das in der bauch erschuttert/
vñ rieß/he he/nu sucht die schuh/wie ich gestern
auß dem bad must/vnd beleitet ward/ vñ lieff al
so von dem Seil/ ließ sich die Jungen vnd Alten
vber

Wunderbarliche Historien/

uber den Schuhen rauffen vnd schlagen / vnnnd
dorfft vor den jungen vnd alten nicht herfür ko-
men/saß also im Hausz bey seiner Mutter/vnd
plegt Helmslörtische Schuh/Des ward sein mut-
ter ganz erfrewet/vnd meinet/ so er begündt zu
arbeiten/sein sach solt gut werden/sie wißt aber
nit von seiner verbrachten schalckheit / darumb
er nicht dorfft vor das Hausz gehn noch riechen.

Die v. History.

Wie Eulenspiegels Mutter ihn vnderweis-
sen wolt/das er ein Handwerck
lernen solt.



Die Mutter was fro / d-
ie Son so still war/vnd straffet ihn/das
er kein handwerck wolt lernē. Da schwe-
ge er

ge er ganz still / vnd die Mutter ließ nit nach zu straffen. Da sagt Eulenspiegel / liebe Mutter / warzu sich einer begibt / des wird im sein lebrtag gung. Da sagt die Mutter / Ich laß michs wol bedencken / denn ich hab in vier wochen kein brodt in meinem Haus gesehen noch gehabt. Eulenspiegel sprach / Das dient nit auff meine red. Jedoch ein arm Mann der nichts zuessen hat / fastet wol mit S. Nicolausen / vnd wenn er etwas hat / so iszt er wol mit S. Martinus abendt / also essen wir auch.

Die vj. History.

Wie Eulenspiegel einen Brodbeckler betrog / vmb einen Sack mit brods zu Stassfurt.



Wunderbarliche Historien!

Ach lieber Got hilff/gdacht Eulenspiegel/
wie wil ich meine Mutter stillen/ Wo sol
ich Brod vberkomen/ vnd sie versorgen/
vnd gieng auß dem Flecken/darinn seine
Mutter wonet/gen Staszfurt in die Stat/ vnd
vermercket daselbs eins Brodbeckens handlung/
gieng zu im vnd sprach/ob er seinem herren wolt
senden für zehen schilling brodt/ vnd nemet den
herren / der auch zu Staszfurt in derselben stadt
sein solt/vnd nant ein herberg/darin er wer/ da
rauff der becker ein Knaben mit im schicken solt/
im die herberg/ da wolt er ihm das gelt geben/
der Beck sagt ja/ vnd Eulenspiegel het ein sack/
der hat ein verborgens Loch/vnd ließ ihm das
Brod in denselbigen sack zehen. Nun sandt der
Becker ein jungen mit ihm/ das Gelt zu empfan-
gen / als nun Eulenspiegel ein Nembrost schuf
von des beckers hausz kam/ließ er ein weißbrod
auß dem holn loch falln in den Fat/ setz den sack
nider/vnd sprach zu dem jungen/Ach/das besu-
dels brodt darff ich für meinen Herren nicht brin-
gen/ lieber lauff bald mit dem Brodt widerumb
an heim/ vund bringe mir ein ander Brodt da-
für/ich wil deiner hie warten/ der gute jung ließ
baldt hin / vund holt ein ander Brodt / diewe-
was Eulenspiegel verschwunden/den er war vo-
der Stadt inn ein Hauß geschlichen/ da was ein
Berne auß seinem Flecken/darauff leget Eule-
spiegel seinen Sack/ gieng darneben/ vnd war
in seiner mutter hausz gefurt/vnd da der mit dem
brod wider ka/ vnd Eulenspiegel hinweg ware

lieff der Jung wider zu rück / vnnnd sagt das dem
Brodbeckter / der gieng in der Herberg / die ihm
Eulenspiegel genennet hatt / darinn fand er nie-
mands / sonder sahe das er betrogen was. Eulen-
spiegel kam zu Hausz / brachte der Mutter das
Brod vnd sprach / Seh hin vnd isz / dieweil du
etwas hast / vnd fast mit Sanct Nicolausen / wess
du nichts mehr haben wirst.

Die vij. History.

Wie Eulenspiegel das Weck oder Semel
brodt mit andern jungen vbermacht
essen must / vnd darzu ge-
schlagen ward.



Wunderbarliche Historien/

Un ware in dem Flecken/darlin Eulenspiegel mit seiner Mutter wonet/gewonheit/Welcher Hauszwiert ein Saw abnam/ zu dem giengen des Nachbawren Kinder ins Haus/ vnd assen da ein Suppen oder ein Brey/das hieß das weckbrod. Nu wonet ein Meyer im selben Flecken/ der w3 karg an seiner Kost / vnd dorffte doch den Kindern das Weckbrodt nicht versagen / vnd erdachte einen sinn/ wie er sie des weckbrods müde wolt machen/ vñ schniert in ein möleken Far/von fetten rinden des Brodts. Als die Kinder kamen/ als Anaben vnd Töchterlein/ vnd Eulenspiegel anch mit was/ lies er sie ein/ vnd schloß die Thür zu/begoss die Suppen oder das weckbrodt / vnd der Ruben waren vil mehr/ denn die Kinder mochten aufessen/ so nu eins darnon gieng/ vnd voll was/war der Bawr vorhanden/ vnd het ein gute ruten/schlug sie vmb die lenden/ das ein jeglicher vber macht essen mußt/vñ der Hauszwiert wißt wol von Eulenspiegels Büberey/also/dz er auff in acht het/ weß er einen andern vmb die Lenden hiew/ so traffe er Eulenspiegel noch bass /das trieb er so lang / biß sie die Mucken des Weckbrodts gar musten auff essen / denen bekam das so wol/ als den Hunden das Gras / darnach wolt keiner mehr gehen inn des kargen Mans Haus/ das Weckbrodt zu essen.

Die viij. History.

Wie Eulenspiegel macht/ das des kargen Bawren Hüner das Luder zohen.



Adem andern tag/da der man außgieng
 der die kind er betrogen hett/begegnet im
 Eulenspiegel/vnd er fragt in/lieber Eu-
 lenspiegel/wenn wiltu zu mir kommen/
 auff das Weckbrod: Ja sagt Eulenspiegel/wenn
 sich deine Hünner vmb das Luder ziehen/je vier
 vnd vier vmb ein bißsen brods/da sprach er/ja/
 so wilt du langsam kommen. Da sprach Eulen-
 spiegel/ob ich aber eh kem denn der feiszen Sup-
 pen zeit wer/vnd gieng darmit für sich/vnd ge-
 dacht daran so lang/bis er die zeit hette/vnd
 eben desselbigen Manns Hünner auff der Gassen
 giengen/da hat Eulenspiegel bey zwengtz fadē/
 je zwen in der mitte zusammen gebunden/vnd an
 jegliches ende des Fadens ein bißsen Brods/

B vnd

Wunderbarliche Historien/

vnd warff es den Hünern alle mit einander für?
Als nu die Hünern hie vnd dort schluckten die bis-
sen Brods in die Hells / künden sie die doch nit
einschlingen/denn an dem andern end zohe dar-
an ein ander Hün/also/ d: se eins das ander hün
dersich ruckte/vnd künde keins das Brod hinab
schlucken/nach daruon widerumb ledig werden/
von der größ des bitten brods/stunden als mehr
denn dreissig Hünern/ se eins gegen dem andern/
vnd huben sich an zu würgen.

Die ix. History.

Wie Eulenspiegel in einen Bynstock kroch/vnd
zwen Dieb bey nacht kamen/ denselben zu
steln/vnnd wie er macht das sich
die zwen rauffeten/vnd
liessen den Stock
fallen.

Wie ein zeit begab sichs/das Eulenspiegel
mit seiner Mutter gieng in ein Dorff/auff
die Kirchweihe/ vnd als sich nun der gut
Eulenspiegel voll geflossen/vnd sucht sein
end/da er sicher vnd frölich schlaffen möcht.Also
sind er hinten in dem hof ein hauffen byn stehn/
dabey lagen vil stöck/der zu nebst bey den bynen
lag/vnd meint er wolt ein wenig schlaffen/ vnd
schlieff von mittag an/bisz das es schier Mitter-
nacht ward/vnd sein Mutter die meinet/er wer
widerumb heim gangen/da sie in niergend künde
sehen.



sehen. Nun kamen in derselben nacht zwen Dieb
vnd wolten ein Wynstock stelen/vñ sprachen zu-
samen/ wie sie allwegen gehört hatten / welcher
der schwerest Wynstock ist/der ist der best/also hu-
ben sie die Körb vnd stöck auff / je einen nach de
andern/vnd da sie kamen zu dem/darinnen Eulenspiegel lag/der war der schwerest/da sprach-
en sie dz ist der best / vnd namen in auff je helfs/
vnd trugen in von dannen/in dem erwacht Eulenspiegel/hört je anschleg/vnd es war ganz fin-
ster/das einer den andern kaum sehen mocht /al-
so greiff Eulenspiegel auß dem stock/den forder-
sten ins har/vñ gab im ein guten rupff/ der war
de zornig auff den hindersten /meint er hett in al-
so bey dem har gezogen/vnd ward im fluchē/dre-
hinderst sprach/traumt dir oß gehstu im schlaff/

B ij wie

Wunderbarliche Historien.

wie soll ich dich bey dem Har rupffen / mag ich doch kaum den Bynstock mit beyden Henden halten. Eulenspiegel lachet heimlich / vnd gedacht / das Spiel wil sich recht stellen / vnd verhart / bisz sie ein Ackeleng weiter giengen / da gab er dem hindersten auch ein guten rupff / dz er sich rümpffte / der ward noch zorniger / vñ sprach / ich trage das mir der halsz kracht / du sprichst / ich zieh dich bey dem har / vnd du zeuhest mich bey dem har / das mir die schwart kracht. Der forderst sprach / das leugstu du schalck / wie solt ich dich bey dem Har ziehen / ich kan doch kaum den weg vor mir gesehn / weiß auch dz fürwar / du zeugst mich bey dem Har. Sie trugen den Stock mit gezend. Nicht lang darnach / da sie am gröstē sandt waren / zeuht Eulenspiegel dē fördersten nachmals bey dem har / das er den kopff hart an den bynen stock stieß / vñ schlug dem hindersten finsterling mit dē feusten nach dem kopff / der hinderst verließ auch den stock / vñ fiel dē fördern ins har / also dz sie vber einander fielen / vnd je einer verließ den andern / wußt keiner wo der ander war / vnd kamen also von einander in der finster / ließen dē Bynē stock also ligen. Da Eulenspiegel horte / dz sie beide hinweg warē / schauet er auß dem Forb / vnd sahe / das es noch finster war / blieb darinnen ligē / vñ schlieff bisz es heller tag ward / da kroch er auß dē Bynstock / vñ wiste nicht wo er war / jedoch gieng er einem weg nach / kame zu einer Burg / darinn verdinget er sich / für einen Hofjungen.

Die v. History.

Wie Eulenspiegel sich für einen Hoffjungen ver-
dingt/ vnd vom Herren geleret ward/ auff
das Braut Kanff wo das wer/ zuscheis-
sen/ da scheis: er in Senff/
denn er meint Kanff
vnnnd Senff
were ein
ding.



Wild darnach kam Eulenspiegel auff ein
Burg zu einem Juncfern/ vnnnd gab sich
auf: für ein Hoffjunge/ Nun must er als
baldt mit seinem Juncfern eheiten vber
Seldt/ vnnnd bey dem wege stundt ein Braut das
heisset mann im Landt zu Sachssen Henep/ da
vff sprach

Wunderbarliche Historien/

Sprach sein Juncfer/Anecht / Sihestu dz Kraut
das hre steht / das heißet Renep / Eulenspiegel
sprach ja/das sehe ich wol. Da sprach der Juncf
er/wo du darzu komest/so scheiß drein/ den mit
dem Kraut bindt vnnnd hendt man die Reuber/
vnnnd die sich on Herren dienst auß dem Sattel
erhehren/ Eulenspiegel sagt/ ja/dz ist wol gthan.
Der Edelma oder Juncfer rheit mit Eulenspie
gel hin vnd her in viel Stedt/ der halff stels/rau
ben vnd nemen/als sein gwonheit was. Nun be
gabe sichs eins tags/dz sie zu hausz waren/vnd
lagen still. Als ma nun essen solt/geht Eulenspie
gel in die Kichen / da sprach der Koch zu ihm/
Juncfer geh hin in Keller/da steht ein jedener ha
fen/darinn ist Senff/ den bring mir her/Eulen
spiegel sprach ja/vñ het sein lebenlang kein senff
gsehen / vnd da er in dem Keller dē hafē mit dē
Senff fand/gdacht er/Was mag oder wird der
Koch mit dē Senff thun wölln/ich mein er wöll
mich damit bindē/gdacht auch weiter/ mein Jū
cker hat mir ja befohlen/ wo ich solches Krauts
find/da soll ich drein scheiffen/setzt sich vber den
Hafen/scheiß drein/vñ bracht in dem Koch/wz
geschah/der Koch gedacht niergend an/richt ei
lends inn ein schüssel den Senff/vnd schickt s zu
tisch/der Juncfer vñ sein Gest tuncften in senff
er schmactt ganz vbel/der Koch ward beschickt
wz er vor Senff gmacht het: Er kostet auch den
senff/speit auß vñ sprach/ō senff schmectt gleich
als wer drein gschiffen/vñ als Eulenspiegel dar
über schmiert/sprach der Juncfer/wz lachestu
Weinstu

Meinstu das wir nicht schmecken was das sey/
wiltu es nicht glaube/ so kom vnd koste es auch.
Eulenspiegel sprach/ich isz sein nicht/wisset ihe
nicht was ir mich gheissen habt auff der strassen
wo ich das Kraut sehe/ da solt ich darauff schei
fen/man pfeget die Mörder vnnnd Rauber das
mit zu henden/des halbe da mich der Koch in kel
ler nach dem Senff schickt/hab ich daren gehan
nach ewerem heissen.

Da sprach der Juncker/du arger schalck vñ
Wßwicht/das Kraut das ich dir gezeigt hab/
dz heiszt Senep oder hanff/vñ das dich der Koch
bringen hiefs/das heiszt senff/hatt ich wil dich
das Kraut lernen kennen/da was Eulenspiegel
behend/entlieff im/vnd kam nicht wider.

Die xj. History.

Wie Eulenspiegel die gebratenen Hener vom
Spiss aß.

En Dorff ligt in dem Land zu Braun
schweig/in dē stift zu Magdenburg/ge
heissen Budenstet/dahin kam Eulenspie
gel in des Pfaffen hause/der Pfaff dingt
in für ein knecht/aber er kant in nit/vnd sprach
zu im/er solt gut tag/vnd ein guten dienst bey im
haben/essen vnnnd trincken/das best/als gut als
sein Eglerin/ vnd alles dz so er thut müßst thet er
mit halber arbeit/Eulenspiegel sprach ja darzu/
er wolte sich wol darnach richten/vnnnd sehe das
die Pfaffen Kellerin nur ein ang het/die nñ gleich
zwey Hener/vnd steckt sie an dē spiss zu brate/

B iij hiesz

Wunderbarliche Historien/



hieß Eulenspiegel nider sitzen vñ sie bräten / Eulenspiegel was bereit / wand die hñner vmb / vñ da sie nun schier gebraten waren / gðacht er / der pfaff sprach im verdingen / ich solt essen vñ trincken als gut als er vñ sein Kellerin / das möchte an disen hñnern fehlen / vñ würden des Pfaffen wort nit war sein / wo ich auch von den Hñnern nicht is / ich will aber so weiß sein / auff dñ seine wort war bleiben / brach also das ein von dem spieß / vñ aß es on brod. Da es nun essens zett wolt werden / Kompt des pfaffen Kellerin / die wñ eineugig / zum fiewr / vñ wolt die hñner betreuffen / so sieht sie dñ nur ein Hñn am Spieß wñ / sagt zu Eulenspiegel / der Hñner waren doch zwey / wo hin ist das ein Hñn kommen ? Eulenspiegel sprach / Graw thut ewer ander Aug auch auff / so seht

So seht jr die Hünner beid/ vnd da er der Kellerin
das ein Aug verweiß/ ward sie zornig auff Eulenspiegel/ vnd lieff zum Pfaffen / vnd sprach zu
im/ wie sein hübscher Knecht sie verspottet hette/
mit irem einen Aug/ vnd so sie besahe wie er bris
te findet sie nur ein Hun / der Pfaff gieng in die
Küche/ vnd sprach/ Eulenspiegel/ warummb hast
du meiner Magdt gespot / vnd sihe wol das nur
ein Hun am Spisz steckt/ seind jr doch zwey ge
weist/ Eulenspiegel sprach/ ja / jr sein zwey ge
wesen. Der Pfaff sprach / wo ist denn das ander
blieben/ Eulenspiegel sagt / das steckt doch da/
thut ewer beide Augen auff/ so sehet jr wol/ das
ein Hun am Spisz steckt / also sagt ich zu ewer
Kellerin/ da ward sie zornig/ der Pfaff lacht vnd
sprach/ das kan mein Magd nicht/ das sie beida
Augen auffthu/ denn sie hat nur eins/ Eulenspie
gel sprach/ Ey das sagt ihr / ich sags nicht/ der
Pfaff sagt / das ist geschehen vnnnd bleib dabey/
aber das ein Hun ist hinweg/ Eulenspiegel sagt
ja/ das ein ist hinweg/ ich habe es gessen/ als ihr
denn gsprochen habt/ ich solt es so gut essen vnd
trincken/ als ihr vnd ewer magd/ so war mir leid
das ihr gelogen herten / wenn ihr die Hünner alle
beide solten on mich verzehrt haben/ auff das jr
nun nicht zum Lügner würden / als ich das ein
Hun gar auff / der Pfaff war zu freiden / vnnnd
sprach/ mein lieber Knecht/ es ist mir vmb ein ge
braten Hun zu thun / aber thu forthin nach dem
willen meiner Kellerin/ Eulenspiegel sprach/ ja
lieber Herr/ was ihr mich heisset / darnach was

Wunderbarliche Historien/

die Kellerin Eulenspiegel hieß thun/das thet er halben theils/wenn er solte ein Eimer mit Wasser holen/so bracht er ein halben/vnnd wenn er zwey hölzer solt holen an das Feuer/so bracht er eins/solt er dem Stier zwey gebundt Heus geben/so gab er ihm nur eins/vnd dergleichen in vielen stücken/Also/das sie merckt/das er solchs zu wider driesz that/vnd wolt ihn doch nicht darumb anreden/verklagt ihn aber vor dem Pfaffen/Knecht/mein Magt klagt vber dich/vnd ich batte dich doch/das du thun sollest alles dz sie gern sehe/ia Herr sagt Eulenspiegel/ich hab auch anders nit gethan denn wie jr mich geheissen habt/jr sagten/ich möcht ewer ding mit halber arbeit verrichten/ewr Magd sehe gern mit beiden Augen/vnd sihet doch nur mit einem Aug/des halben hat sie nur ein halb gesicht/also thet ich halbe arbeit/der Pfaff wurde lachen/die Kellerin ward zornig vnd sprach/Herr/wenn jr de leckerischen Schalck wollen lenger bhalten/so wil ich von euch lauffen.Also muste 3 Pfaff dem Eulenspiegel vrlaub geben/doch so halff er im weiter./denn der Meszner des selben Dorff war kürzlich todt/vnd nach dem die Wawren keines Mesznets kundren entberen/macher der Pfaff/das sie Eulenspiegeln anhamen.

Die vij. History.

Wie Eulenspiegel ein Mefzner wardt inn
einem Dorff / zu Budenstedt / vnd
der Pfarrherr in die Kir-
chen scheiff.



ALS nun Eulenspiegel im Dorff Mefzner
war / kundert er nicht singen / als ein Mefz-
ner zu gehört. Als nu der Pfaff eins mals
vor dem Altar stund / ther sich an / vñ wolt
Mefz halten / da stund Eulenspiegel hinder jm /
vñ schärzter jm auff d; Mefzgwand / da ließ der
Pfaff ein grossen furz / das es vber die Kirch er-
schall / Da sprach Eulenspiegel / Herr / wie ist
dem / opffert ihr das vnserem Herren für Weith-
rauch hie vor dem Altar: Der Pfarrher sprach /

WVND

Wunderbarliche Historien/

was fragstu darnach? ist doch die Kirch mein/
ich hab macht / das ich möcht mitten in die Kir-
chen scheissen/ Eulenspiegel sprach / dz gelte mit
vnd euch ein thunnen Biers / ob ihr dz thut. Ja
sprach der Pfaß es gilt wol/ vnd werthen mit ein
ander/ Meinstu saget der Pfaß / ich sey nicht so
fetsch/ Eret sich damit omb/ vnd scheisset ein gros-
sen hauffen in die Kirchen/ vnd sprach/ siehe Herr
Custor/ ich hab die Thunn Biers gewonnen.

Eulenspiegel sprach/ mein Herr/ wir wollen
es messen / ob es mitten inn der Kirchen sey/
als ihr denn saget / also maß es Eulenspiegel/
da fehlet es weit der mitte in der Kirchen/ damit
gewan Eulenspiegel die thunn Biers.

Nun ward die Kellerin aber zornig / vnd
sprach / ihr wöllet des schalckhafftigen Anechts
nicht müßig gehen / biß er euch inn alle schande
bringer.

Die viij. History.

Wie Eulenspiegel in der Ostermetten ein
Spiel macht /das sich der Pfarherr
vnd sein Kellerin mit
den Bawren
schlugen.

Es sich nu nahet de Ostern/da sprach
der Pfarherr zu Eulenspiegeln dem
Kirchner /es ist ein gewonheit hie /das
die Bawren allwegen zu Ostern inn der
nacht ein spiel machen/weiß vnser Herr erstanden
ist



ist auß dem grab/darzu mußt du helfen/wen es
wer recht/das die Kirchner das zu rüßten/Eu-
lenspiegel gedacht/wie sol das Marten spiel zu-
gehn mit den Bawren/vnd sprach zu dem Pfarr-
herr/nun ist doch kein Bawer hie/ der da geleert
ist/ihr müßet mir ewer Magd zu leihen/die kan
wol schreiben vnd lesen. Der Pfarrherr sprach ja
nimb darzu wer dir helfen kan / auch so ist mein
Magd vor mehr darbey gewesen. Es war der
Kellertin lieb/ sie wolt der Engel sein im Grab/
denn sie fundt denselben reimen auswendig. Da
suchet Eulenspiegel zwen Bawren/vnd nam sie
zu im/die wolten drey Marten sein/vnd Eulens-
piegel lernt den einen Bawren zu Latein seinen
reimen/vnd der Pfarrherr war vnser Herr gott/
der solt auß dem Grab erstehen/da nun Eulen-
spiege

Wunderbarliche Historien/

spiegel für das grab k̄ mit seinen Bawren/ als
denn die Marien angelegt waren/ sprach die Kell-
lerin: Quem queritis: wen suchet jr hie: Da saget
der Bawr/ die förderst Maria/ als in Eulenspie-
gel gelernt het. Wir suchen ein alt einengig Pfaf-
fenhur. Da sie das höret/ das sie ver-spottet war
mit irem einen aug/ ward sie zornig vber Eulen-
spiegeln/ vnd sprang auß dem Grab/ vnd meinte
sie wolt in in das Angesicht fallen/ mit den Feu-
sten/ schlug vngewiß/ vnd trass den einen Baw-
ren das in das Aug geschwall/ da der ander Ba-
wer das gesah/ schlug er auch dar/ vnd trass die
Kellerin für den Kopff/ das ir die flügel auff die
Erde fielen. Da d; der Pfarrerheer sahe/ ließ er die
Sahn fallen/ vnd kam seiner Kellerin zu hilff/ vñ
fiel dem einen Bawren ins har/ vnd zogen sich für
das Grab hinten/ da das die andern Bawren sa-
hen/ lieffen hinzu/ vnd ward ein grosses gschrey/
der Pfaff lag mit der Kellerin vnden/ denn ob/
jetzt die Bawren vnden/ denn oben / das sie die
andern Bawren musten vñ einander ziehen/ aber
Eulenspiegel hette der sach war genomen / vnd
thet sich zeitlich darnon/ vnd lieff zu der Kirchen
hinauß/ Gott geb wo sie ein andern Bärchner ne-
men:

Die viij. History.

Wie Eulenspiegel sich außgab/ das er
zu Magdenburg von der

Lauben flogen

wolt.



So bald nach dieser zeit/als Eulenspiegel ein Meszner war gewesen/ka er ghen Magdenburg vnd trieb viel anschleg/ davon sein Nam von erst bekant ward/das man von Eulenspiegeln wiß zu sagen/vñ ward angfochten von den fürnemisten der Bürger vñ der Stadt / das er etwas abentewriges treiben solt/da sagt er/er wolt es thun/auff dem Rathhausz/vnd von der Lauben herab fliegen/mach et ein geschrey in der Stadt/das sich Jung vnd alt säleten auff den marckt/vñ wolten es sehen.

Also stund Eulenspiegel auff der lauben vor dem Rathhausz / vnd bewegte sich mit den Armen/gleich als ob er fliegen wolt/die leut die stunden/theten ihre Augen vñnd Meuler auff/vñ meinten er wolt fliegen.Eulenspiگل lacht vñ sprach/

Wunderbarliche Historien/

Sprach/ Ich meint es wer kein Tor oder Nar in der Welt mehr/denn ich/so sihe ich wol/das hier schier die ganze Stadt vol Toren ist/vnd wenn je mit all sagten/dz sie fliegen künden/ich glaubs nit/ich bin doch weder ein Gans noch Vogel/so hab ich nit flügel / vnd on federn kân niemand fliegen/nu sehet jr offenbar / das erlogen ist/vnnd ließ also vö der lauben/ ließ des volcs ein theil suschen/dz ander lachen/vnnd sprachen/das ist ein Schalksnarr/dennoch hat er war gesagt.

Die xv. History.

Wie sich Eulenspiegel für ein arzt aufgab/vñ des Bischoffs von Magdenburg Doctor arzneiet/der von ihm betrogen ward.



Der Magdenburg war ein Bischoff der hieß
bruno/ ein Graue von Quersfurt / der hort
die anschleg von Eulenspiegel/ vnd ließ ihn
ferdern zum Greuestein. Dem Bischoff gfa-
len Eulenspiegels schwend ganz wol / gab ihm
Ereider vnd gelt / vnd die diener mochten ihn fast
leiden. Also hett der Bischoff ein Doctor bey im/
der daucht sich gar geleert sein/ ihm was des Bi-
schoffs Hofgesind nicht gänstig/ vnd derselb Do-
ctor het ein weiß an ihm/ das er nicht gern Torn
ymb sich leiden mocht / derhalben sprach er zum
Bischoff vnd seinen Rethen/ man solt weise leut
an der Herrn Höf halten/ vnd nicht solche Nar-
ren/ durch mancherley vrsach willen/ Die Ritter
vnd das Hofgesind sprachen dazu / das wer gar
nicht ein recht meinung von dem Doctor/ wer sei-
ne Thorheit nicht sehen möchte / der köndte wol
von ihm gehen/ were doch niemands zu ihm ge-
zwungen. Der Doctor sprach dawider/ Narr bey
narren/ vnd weise bey weisen/ hetten die Fürsten
weise leut bey in/ so wirdt alles fürsichtig gehan-
delt/ vnd so sie Narren bey in halten/ so leren sie
narrerrey/ da sagten etlich / wer sind den die wei-
sen/ man findt sie wol die von Narren sind brogen
worden/ es zimpt sich wol Fürsten Herrn/ Narren
vnd allerley volck's an iren Höfen zu halten/ deme
mit Torn vertreiben sie mancherley fantasey. Als
so kamen die Hofleut zu Eulenspiegel/ vnd bat-
en ihn/ das er ein sinn erdecht / sie wolten ihm dar-
zu helfen/ des gleichen der Bischoff/ auff das der
doctor in weißheit zum narren möcht werden/ als
er denn

Wunderbarliche Historien/

er denn gehört hett/ Eulenspiegel sprach ja/ ie ed-
len vnnnd Ritter/ wenn ihr mit dartzu wolt helf-
fen/ der Doctor solt bald bezalt werden/ sie wurde
der sach eins. Also zoge Eulenspiegel vier woch-
en vber feld / vnnnd bedacht sich wie er mit dem
Doctor wolte leben / er was aber bald erinnert/
vnnnd kame wider zum Grenesteyn/ verkleidet sich/
vnnnd gab sich auß für ein Arzt/ wenn der Doctor
bey dem Bischoff was offft siech im Leib. Da sag-
ten die Ritter dem Doctor/ wie das ein Doctor/
hoch berämpft/ in der arznei/ wer kommen / der
Doctor kam aber Eulenspiegel nicht / gieng zu
im in sein Herberg/ vnnnd nach wenig Worten nam
er in mit im auff das Schloß/ kamen mit einader
zu Worten/ vnnnd sprach der Doctor zu dem Arzt.
Wänd er ihm helfen von der krankheit/ so wolt
er im wol lohnen / Eulenspiegel antwort im mit
worten / als die Arzte pflegen / vnnnd gab für/
wie das er ein nacht bey im ligen müß/ auff dz er
dester basz mercken möcht / warauff er geneiget
were/ wenn er ihm gern vor/ ehe er sich legte/ ein
Puluer eingeben wolt / das er dauon schwitzte/
vnnnd im schweiß / sagt Eulenspiegel / wil ich
mercken was ewer gebrechen ist. Der Doctor ließ
im sagen/ vñ meinet es were alles war/ gieng al-
so mit Eulenspiegel zu Beth. Also gabe Eulens-
piegel dē Doctor ein scharpffe purgatz/ der mei-
nere er solt dauon schwitzen/ wußt aber nicht das
es ein scharpffe Purgatz was. Eulenspiegel
vberkame ein hollen Stein / vnnnd thet ein hauf-
fen seines katts darein/ vnnnd legt den hollen Stein
mit

mit dem dreck zwischen der Wand vnd dem Doctor auff das bethbret / vnd Eulenspiegel lage vor
 nen im beth / der Doctor hett sich gegen der wand
 gekert / da standt im der Dreck vnder die Augen /
 der in dem hollen Stein lag / das er sich umbwen
 den must / vnnnd so baldt er sich zu Eulenspiegel
 keret / liefs der Eulenspiegel einen stillschweigen
 den furz / der fast vbel stück / da keret sich der Doc
 tor wider hinumb / so stancke denn der dreck in dē
 hollen Stein noch viel vbler / das thet er dem doc
 tor schier die halbe nacht. Darnach kam die Purg
 gaz / vnd treib scharff / schnell vnd starck / das sich
 der Doctor ganz vnrein macht / vnd stancke fast
 vbel / da sprach Eulenspiegel zum Doctor / wie
 nu würdiger Doctor / ewer schweiß hat lang vbel
 gestuncken / wie kompt es / das jr solchen schweiß
 schwitzt / er stinckē zumal vbel: Der doctor lag vñ
 gedacht / das schmecke ich gar wol / vnd was des
 geschmacks voll worden / das er kaum reden
 kundt / Eulenspiegel sprach / lieget nur still / ich
 wil gehn vnd ein Licht holen / das ich sehen kan
 wie es ein gestalt vmb euch hat / in dē als sich Eu
 lenspiegel auffricht / da liefs er noch ein starcken
 scheiß schleichen / vnd sprach / O weh ich werde
 auch schwach / das hab ich von ewer krankheit.
 Der Doctor lag vnnnd was so krank / das er sein
 Haupt kaum kundt auffrichten / vnd dancket gott
 das der Arzt vonn ihm kam / vnnnd er ein wenig
 Luft haben mocht / denn wenn der Doctor in
 der nacht auff wolt stehen / so hielt in Eulenspie
 gel das er nicht auff mocht komen / vñ sprach / er

E ij soltu

Wunderbarliche Historien/

solte vor gnug schwitzen/da nu Eulenspiegel auff
stund/vnd gieng von der Kammern/vnd lieff hin
weg/in dem ward es tag/da sah der Doctor den
hohen Stein an der Wand stehn mit dem Dreck/
vnd er was so krank / das sein Angesicht von
gestand gesudelt was. Als nun die Reuter vnd
Hofleut des Doctors war namen/vnd boten ihm
ein guten morgen / da redt schwachlich der gute
Doctor / vnd kundte inen nicht wol antworten/
vnd leget sich in den Saal auff ein Band. Da
holten die Hofleut den Bischoff darzu/vnd frage
ten in/wie es im gungen wer mit dem Arzt / der
Doctor sprach/ich bin vberladen gewesen mit ei
nem schalck/ ich meinete es wer ein Doctor in der
Arznei/so ist er Doctor in der leckerey/vnd sagt
es inen alles/wie es im ergangen wer/Da sienge
an der Bischoff vnd alle Hofleut sehr zu lachen/
vnd sprachen/es ist ganz geschehen nach eweren
worten. Ir sagten nun/man solt sich nit mit nar
ren bekümmern/wenn der Weisest wird Töricht
bey Toren/aber ir sehen/das einer wol durch nar
ren weiß wird gemacht/ denn der Arzt was Eu
lenspiegel/den habt ir gar nit gekant/ vnd habet
im glauben geben/ von dem seid ir betrogen wor
den/aber wir/die sein Narrenrey annehmen/kand
ten ihn wol/wir wolten euch aber nicht warnen/
nach dem als ir so weiß wolt sein. Nun ist nie
mand so weiß/er solt Toren kennen / vnd wenn
niemandt kein Narr wer/ wo bey wolt man den
Weisen kennen? Also schweige der Doctor still/
vnd klaget sich nicht mehr.

Die vij. History.

Wie Eulenspiegel zu Peine in einem Dorff
ein Franck Rindt scheissen
macht.



Rvnstliche bewerte Arzney scheuhet man
sich zu zeiten vmb eins Kleinen Gelds wil
len/ vnd man musz den Landleuffer offte
noch so viel geben/ also geschah auch et
wan in dem Stiffte Hildesheim/ dahin kam auch
Eulenspiegel in ein Herberg / da was der Wiert
nicht daheim/ vnd Eulenspiegel was da wol bes
kant/ die Wiertin het ein Franck Rindt / da fras
get Eulenspiegel die Wiertin / was es für ein
Franckheit het. Die Wiertin sprach/ das Rindt
C is kan

Wunderbarliche Historien/

Kan nicht zu Stul gehen / dem ist gut zu helfen/
sprach Eulenspiegel/die Fraw sagt/hülff er im/
sie wolt im geben was er wolt/Eulenspiegel sagt
dafür nem er nichts es wer im ein leicht Kunst/ru
het ein Klein weil/es sol bald geschehen. Nun her
die Fraw im Dorff etwas zuthun/vnd gieng also
ins Dorff/dieweil scheiß Eulenspiegel einen gros
sen hauffen an die Wandt/setzt bald des Kinds
Stül in darüber/vnd setzt das Kind drauff. Die
Fraw kam wider auß dem Dorff/sah das Kind
auff dem Stül sitzen/vnd sprach / ach wer hat
das gethan/Eulenspiegel sprach/ich habe es ge
than / Ir sagten das Kindt künde nicht zu Stul
gehn/so hab ich es drauff gesetzt/da ward sie ge
war was vnder dem Stül lag/vnd sagt/sehet
zu / das hat dem Kindt in dem Leibe gebrosten/
des habt immer danck/ das ir dem Kindt gehol
fen hat/ Eulenspiegel saget/der Artzney Kan ich
viel machen mit der hilff Gottes/die fraw bath
freundtlich/das er sie die Kunst auch lernen wolt/
sie wolt im geben was er wolt/da sagt Eulenspie
gel/wie er wegfertig wer/so er aber wider kem/
wolt er sie es lernen/vnd satlet sein Pferd/ reit
auff Rosental zu/kert doch wider vmb/reit ghen
Peinen zu/vnd wolt reiten gen Zell/da stunden
die nackenden Spitzbuben vor der Burg / vnd
fragten Eulenspiegel vonn wannen er daher ke
me/Eulenspiegel sprach/ich komm von Baldin
gen/er sahe wol das sie nicht viel an ihm hatten/
sie sprachen/hör doch / wo kommest du her? von
Baldingen?was entbeut vnns denn der Winter?
Eulenspie

Eulenspiegel sprach/ der wil euch nichts entbie-
ten/ sonder selber ansprechen/ theit also von dan-
nen daher/ vnd ließ die nackenden buben stehen.

Die xvij. History.

Wie Eulenspiegel die Kranken in ein Spittal
auff ein Tag ohn Arzney ge-
sund macht.



Auff ein zeit came Eulenspiegel gen Nhem-
berg/ vnd schlug groß brieff an die Kirch-
thüren/ gab sich auß für ein guten Arzter/
zu aller Kranckheit. Nun ware ein grosse
zal Krancker Menschen im neuen Spittal / vnd
der Krancken Menschen were der Spittelnceister
geren eines theils losz vnd ledig gewesen / vnd
hett ihn gesundtheit wol mögen gönnen / gieng

Wunderbarliche Historien/

zu Eulenspiegel dem Arzt/ vnd fragt in nach sel-
nen Brieffen/ die er angeschlagen het. Ob er den
Krancken auch helfen könd/ Eulenspiegel sprach
ja wenn er im zwey hundert Gilden wolt geben/
der Spittelman sagt im das gelt zu / so ferr er
den Krancken hülff/ Also verwilliget sich Eulen-
spiegel des/wo er den Krancken nicht recht hülff/
so solt er im nicht ein Pfennig geben/ das gefiel
dem Spittelman wol/ vnd gab ihm Zwenzig
Gilden darauff. Also gieng Eulenspiegel in den
Spittel/ vnd nam zwen knecht mit im/ vnd fragt
die Krancken/ ein jeglichen was im gebrech/ vnd
zuletzt/ wenn er von einem Krancken gieng/ so be-
schwur er in/ vnd sprach/ was ich dir offenbaren
wird/ das soltu niemands entdecken/ das sagten
die Siechen Eulenspiegel zu/ drauff saget er ein
jeglichen besonder also / sol ich nu euch Krancken
zur gesundheit helfen/ vnd auff die füß bringen/
das ist mir vnmöglich/ ich verbreß denn ewer ein
zu puluer/ vnd geb dz den andern in Leib zutrin-
cken/ das muß ich thun/ drumb welcher der Kren-
ckst vnder euch allen ist/ vnd nit gehn mag/ den
wil ich zu Puluer brennen/ auff das ich den ande-
ren mög helfen/ so werd ich den Spittelman
nehmen/ für die Thür des Spittels gehen / vnd
mit lauter stim rüffen/ welcher nicht krank ist/
der komm herauß/ das verschlasse du nicht/ also
sprach er zu jeglichem in sonderheit/ denn der le-
ste muß die Zech bezahlen. Solcher sach nam ein
jeglicher acht/ vnd auff den gemelten tag da eile-
ten sie mit den Arhcken vnd lamen Beinen / als
Feuer

Feiner der leyst wolt sein/ da nu Eulenspiegel nach
seinem anzeigen rufft/da begundten sie von statt
lauffen/das der Spittal ganz lehr ward/da be-
geret er sein lohn/der im zu grossen danck gereicht
ward/da reit er hinweg. Aber in dreien tagen ka-
men die Francken all her wider/vnd beflagten sich
ihrer Franckheit / da sprach der Spittelmeister/
wie gehet es doch zu/er hett ihn doch den grossen
Meister zubracht/der in geholffen het/ ds sie al-
le darnon selber gangen weren/da sagten sie dem
Spittelmeister/wie er ihn gedrawet hette / wel-
cher der leyst zu der thür hinausz wer/so er ruf-
fet/den wolt er verbrennen zu puluer.Da merckte
der spittelmeister/das er betrogen was/aber der
Arzt was hinweg/ also blieben die Francken wi-
der im Spittal/vnd war das Gelt verlorn.

Die viij. History.

Wie Eulenspiegel Brodt kauffet / nach sprich-
wort/als man sagt/wer Brodt hat/
dem gibt man Brodt.

Diew gibt brodt / da nun Eulenspiegel
den Doctor also het betrogen kam er dar-
nach ghen Halberstat / gieng auff dem
Markt umb / vnd sahe das es kalt vnd
Winter was/gdacht er/der Winter ist kalt vnd
hart/vnd weht der wind starck dazu/ du hast offe
gehört/wer Brod hat/dem gibt man Brod/vñ
kaufft für zwen schilling Brod/borgt ein Tisch/
setzet in für den Thumb zu S.Steffan/vnd hielt

C v sein


Wunderbarliche Historien/



sein gaucklerey so lang/das ein Hund kam/nam
 ein brod vom tisch/lieff dem Thumbhof zu/ Als
 Eulenspiegel dem Hund nach lieff/kam ein saw/
 mit zehen iungen ferklin/stieß den tisch um/vnd
 ergreiff ieglichs ein brod/lieff damit hinweg/ da
 ward Eulenspiegel lachen vnd sprach. Nun sihe
 ich offenbar/das die wort falsch sindt/ als mann
 spricht/wer brodt hab/dem geb man brodt/vnd
 das ward mir genomen/vnd sagt weiter/O Hal
 berstadt/Halberstadt/der nam vonn der Damm/
 dein Bier vnd Kost schmeckt wol/aber dein pfen
 ning Sackel sind von Sewleder gemacht/
 vnd zohe also wider ghen
 Braunschweig.

Die xiv. History.

Wie Eulenspiegel zu Braunschweig
sich verdinget zu einem
Brodbecker.



Nu Eulenspiegel ghen Braunschweig
kam zu der Beckerstuben/wonet ein be-
cker nah dabey/der rufft im in sein hauss
vnd fragt in/was er für ein Gesell were
Er sprach ich bin ein Beckerknecht.

Der Brodbecker sprach/ich hab sezone eben
keinen knecht mehr/wiltu mit dienen? Eulenspie-
gel saget ja. Als er nun zwen tag bey im gewesen
was/hieß in der Becker bachten auff den abend/
denn er kund im nit helfen bis an den morgen/
Eulenspiegel sprach ja/ was sol ich aber bachten?
Der

Wunderbarliche Historien/

Der Beck war ein schimpfflich man/was doch zornig/ vnd sprach in spott/bistu ein Beckertnecht/ vnd fragst erst was du Bachen solt: was pflegt man zu Bachen. Eulen oder Meerfazen: vnnu gieng damit schlaffen. Da gieng Eulenspiegel in die Bachstuben / vnnu machet den Teig zu ettel Eulen vnd Meerfazen/vnd buch die.

Da der Meister des morgens auffstund / vnnu wolt ihm helfen / vnd gehet in die Bachstuben/ so findet er weder Semel noch Wecken/ sonder ettel Eulen vnd Meerfazen/da ward der Meister zornig vnnu sprach/Hilff Herr Gott/ was hastu gebachen: Eulenspiegel sprach/ was ihe mich geheissen habt. Der Beck sprach/was sol ich nu mit der narrerey thun: solchs Brodt ist mir niergenn zu nütz / vnnu ergreiff ihn bey dem halß / vnnu sprach/bezale mir den Teig. Eulenspiegel sprach ja / wenn ich euch den Teig bezale / soll denn die Wahr mein sein / die dauon gebachen ist: Der Meister sprach/was frag ich nach solcher wahr/ also bezalt er im sein Teig/vnd nam die gebachen Eulen vnd Meerfazen in ein Korb/trug sie inn die Herberg zu dem Wilden Mann/vnd gedahte in im selber/ du hast offte ghört/man künd nichts so seltsâ ghen Brannschweig bringen/ man löst gelt drauß/ vnd was an der zeit/das am andern abent S. Nicolaus abent w: / also stund Eulenspiegel vor der tîrchen mit seiner kauffmâschaz/ vnd verkaufft die Eulen vnd meerfazen all/ vnd löset viel mehr gelt darauff/denn er dem Becken für den Teig geben hatt. Das ward dem Becken Funde

Fundt gethan/den verdross es/vnnd lieff für Se
Nicolausen Kirchen/vnd wolt ihn anfordern für
den Kofen/die ding zu bachen. Da was Eulens
piegel erst hinweg mit dem Gelt/da hat der Bo
der das nachsehen.

Die xx. History.

Wie Eulenspiegel in dem Mofchein das
Mehl in den Hof beutelt.



Eulenspiegel wandert in dem Land vmb/
vnd kam ghen Vlsen/ da was er aber ein
Beckerknecht/ als er nun bey einem Me
ster wz/ da richtet der meister zu bachen/
vnd solt Eulenspiegel beuteln in der Nacht/ das
es auff den morgen fröh fertig wer/ Eulenspiegel
sprach/

Wunderbarliche Historien/

Sprach/Meister / ihe solt mir ein Licht geben/
das ich sehe zum Beuteln/ Der Meister saget zu
im/ich geb dir kein Licht/ ich hab meinen Knech-
ten zu dieser zeit nie kein Licht geben/ sie müssen
mir in dem monschein beuteln/also must du auch
thun. Eulenspiegel sprach/ haben sie denn also
hin gebeutelt/so wil ich es auch thun/ Der Mei-
ster gieng schlaffen / vnd wolte ein bar stunden
schlafen/ dieweil nimpt Eulenspiegel den Beu-
tel/richtet ihn zum Fenster auß/ vnd beutelt das
mehl in den hof/da der Mon her schein/ als dem
schein nach. Als nun der Becker auffstandt/ vnd
wolt backen / stundt Eulenspiegel vnd Beuteler
noch / da sah der Beck dz Eulenspiegel das mehl
in Hof beutelt / der was ganz weiß von Mehl/
sprach der Meister/ Was den Teuffel was mach-
stu hie/hat das mehl nit mehr gekost / wenn das
du das in den dreck beutlest. Eulenspiegel saget/
habt jr michs nicht geheissen in dem Mon beute-
len on Licht/also hab ich gethan. Der Becker
sprach/ich hies dich beuteln bey dem monschein.
Eulenspiegel sprach / wolan Meister seindt nur
zu frieden/es ist geschehn/vnd ist nit viel verlor-
ren/denn ein Sandtuol Mehl/ das wil ich baldt
wider auff hebt haben/ das schadet dem Mehl
nicht ein mett. Der Brodtbecker sprach/dieweil
du nun das Mehl aufftraffest/dieweil macht man
den Teig nicht/ so wird es denn zu spat gbachen.
Eulenspiegel sprach/ Mein lieber Meister/ Ich
weiß ein guten rath/wir wollen so bald backen/
als vnser Nachbar/sein Teig ligt in der malden/
wolt

wolt jr das haben/so wil ich ihn holen / vnd wil
 vnser Mchl an die stadt legen. Der Meister ward
 zornig / vnd sprach / du wilt den Teuffel holen/
 geh hin an den Galgen/vnd hol Dieb herein / ja
 spricht er/vnd gieng an Galgen/da lag ein Reiff
 von ein Dieb/der was herab gefallen/ den nam
 er auff den Hals vnd trug in heim/ vnd sprach/
 waru wolt jr das haben/ich wiß nicht waru es
 am aller besten wer. Der Becker sprach/bringest
 du sonst nichts mehr? Eulenspiegel sprach/es wa
 re sonst nichts mehr da/der Meister ward zornig
 vnd sprach du hast in meiner Herren gericht gsto
 len vnd ihn ihren Galgen beraubet/ das wil ich
 dem Bürgermeister vber dich klagen / das soltu
 bald sehen /vnd der Beck gieng auß dem Haus
 auß den Markt / Eulenspiegel gieng im nach/
 vnd dem Becker was so not/das er sich nit vmb
 sahe/wußt auch nicht das im Eulenspiegel nach
 gieng / Also stundt der Bürgermeister an dem
 Markt/da gieng der Becker zu ihm/vnd fieng
 an zu klagen/Eulenspiegel was behend / so bald
 sein Meister anfieng zu klagen/da stundt Eulen
 spiegel hart neben im/ vnd spert seine beyde Au
 gen weit auß /da der Beck Eulenspiegeln sahe/
 wardt er so grimmig/das er vergaß was er kla
 gen wolt/vnd sprach zu Eulenspiegel/ was wilt
 du? Eulenspiegel sagt/ich will anders nichts ha
 ben/denn jr sagt/ich solt sehē/wenn jr mich wolt
 verklagē vor dem Bürgermeister/ sol ich das nu
 sehen/so muß ich die augen hart aufsperrn/das
 ich ds sehē kã/der Becker sagt zu im/geh mir auß
 dem

Wunderbarliche Historien/

den Augen / du bist ein Schaleck. Eulenspiegel sprach / seß ich euch in den augē / so müß ich euch auß den naszlöchern kriechen / wenn jr die augen zuthet. Da gieng der Bürgermeister von in / denn er horte wol das es Narrenwerck was / vnd ließe sie stehen / da Eulenspiegel das sahe / lieff er hinweg / vnd ließ den Becken also stehn.

Die xvj. History.

Wie Eulenspiegel allwegen ein falsb Pferd rheit / vnd was nicht gern wo Kinder waren.



Eulenspiegel der was allzeit gern bey Geselschafft / vnd dieweil er lebet / meidet er dreierley sachen. Zum Ersten rheit er kein graw /

gew/sonder allwegen ein salbs Pferd/ von ges
 spöts wegen. Das Ander / So wolt er nieregender
 bleiben wo Kinder waren / denn mann acht der
 Kinder nöthlicher mehr denn sein. Die Dritte sacht
 was/wo ein alt milter Wiert was/bey dem was
 er nicht gern zu Herberg / denn ein alter milter
 Wiert der acht Eulenspiegels guts nicht. Auch
 segnet er sich alle morgen für gsunder speisz/vor
 grossen glück/vnd vor starckem tranck. Er seg-
 nete sich vor der Speisz auß der Apotecken/wie-
 wol sie gesund ist / so ist sie doch ein zeichen der
 krankheit. So wer das gross glück/wen ein stein
 von dem dach fiel/so möcht man spreche/ wer ich
 da gestanden/so hett mich der Stein zu todt ge-
 schlagen/dz were mein glück/ solch glück wolt er
 gern entberen / Der starck tranck were dz wasser
 denn es grosse Milteder omb treibt/auch so trin-
 cket mancher den todt daran.

Die xxij. History.

Wie Eulenspiegel sich zu dem Graue von Anhalt
 verdinget für ein Hauszman/vnd wenn
 die Feindt darckamen/so bliesz er
 sie nicht an / vnd wenn
 kein Feind da was/
 so bliesz er sie

III

D Nicht

Wunderbarliche Historien/



V Icht lang darnach kam Eulenspiegel zu dem Grauen von Anhalt zu dem verdinget er sich für ein Hausman/der het viel Feindschafft/also das er in dem Schloß auff die zeit Reuter vnd Hofuoldt bey einander/die man alle tag speisen must. Also ward Eulenspiegels vergessen auff dem Thurn/das ihm kein speiß ward gbracht/denselben tag kam es dazu/das des Grauen Feinde für das Stedtlin odder Schloß randten/namen die küh darnor vnd trieben sie hinweg. Eulenspiegel aber lag auff dem Thurn/vnd sahe durch das Fenster/vnd machte auch kein geschrey/weder mit blasen oder schreien. Da came das gemärmel für den Grauen/das er mit den seinen ihnen nachteilet / vnd bald nach forschet/ vnd sahen etlich auff den Thurn/

das

das Eulenspiegel im Fenster lag vnnnd lacht/ da
rufft im der Graue vnd sagt/ Wie ligstu also im
Fenster/ vnd bist so still? Eulenspiegel rufft wi-
der/ vor eissens so ruff ich oder thu es nicht gern.
Der Graue rufft wider/ wiltu nicht die feinde an-
blasen? Eulenspiegel antwort ich darff nicht sein
de blasen/ das feldt ist sonst voll/ vñ feind mit dem
kñhen ein theil hinweg/ bliesz ich erst mehr feind/
so schlage sie euch zu todt/ wolan es ist gut sprach
der Graue/ eilt den feinden nach/ vnd kempfften
mit einander/ Eulenspiegel ward abermals wi-
der vergessen seiner Speiß halben/ vnd der Gra-
ue ward ein weil zusehden/ bracht auch ein hauf-
fen Speiß von seinen Feinden/ darzu hielt man
sich mit sieden vnd braten. Eulenspiegel gedacht
auff dem thurn/ wie er auch etwas von der Beut
möcht bringen/ vnd nam acht wenn es eissens zeit
wolt sein. Da sieng er an zu ruffen vnnnd blasen/
Seindio/ Seindio/ der Graue lieff eylends vñ dē
Tisch/ da die kost auffstund/ mit den seinen/ legt
harnisch an/ vñ waffen in die hend/ eilten bald zu
dem Thor/ in dz feldt/ vnd sahen sich vmb nach
den Feinden/ dieweil lieff Eulenspiegel behende
von den thurn/ kam vber des Grauen tisch/ nam
von der Tafeln gsottens vnd gebratens/ was im
geliebt/ vnd gieng wider auff den Thurn.

Da nu die Reuter vnd das Fußvolck kam/ ver-
namen sie von keinen feinden/ vnd sprachen zusä-
men/ der haufsmā hat dz vñ schalckheit gethā vñ
zogen wider heim/ dem thor zu/ der graff rufft zu
Eulenspiegel/ bistu vnfinig worden? Eulenspiegel

D i j schweig

Wunderbarliche Historien/

Schweig still. Der Graue sprach/warumb hastu
feind geblasen/vnd ist keiner da gewesen: Eulenspiegel sprach/da keine vorhanden waren/ must
ich etlich feind herzu blasen. Da sprach der Graff
du krawst dich mit schalcksniegeln/wenn feind da
sind/so wiltu sie nit anblasen/vnd wenn keine da
sein/so blasest du Feind an/ das mocht wol Vee
reterey sein/vnd sagt in ab/ vnd macht ein ande
ten Gaußman. Nun must Eulenspiegel zu Fuß
mit in aufclauffen/für ein Trabanten vnd Fuß
Knecht/ds ward in gar sehr verdriessen/ vnd wee
gern von dainen gewesen/ kund doch mit glimpff
nicht von im kommen. Deshalben wenn sie auf
zogen an die feind/so hindert er sich/vnd was all
zeit der letst/wenn sie geschafft hetten/vnd wider
heim kerten/so was er der erst zu dem Thor hin
nein/Da sprach der Graue zu im/wie er das ver
stehn solt von im/ wenn er aufzög mit im an die
feind/so wer er stets der letst/vund so man heim
züg/wer er der erst:Eulenspiegel sprach/ir dörf
set darumb nicht zömen/ denn wenn ir vnd ewer
hofgesind assen/so saß ich auff dem Thurn/ vnd
must die Klawen saugen/ dauon bin ich onmed
tig worden/solt ich den der erst an die feind sein/
so must ich die zeit einbringen vnd ereiln/das ich
der erst an der Tafel wer/ vnd der letzte darvon/
damit ich wider stark ward / so wil ich der erste
vnd der letst an den Feinden sein/ so hör ich wol
sagt der Graue/ds du das lang woltest halten/die
zeitlang/als du auff dem thurn saßest/da sprach
Eulenspiegel / warzu ein jeder recht hat / das
nimpt/

nimpt man im gern. Der Graue sprach / du solt
nit lang mein Diener sein / vnd gab ihm verlaub /
des was Eulenspiegel wol zu Frieden.

Die xxvij. History.

Wie Eulenspiegel seinem Pferd guldene
Eisen ließ auffschlagen.



In solcher Rauffmann was Eulenspie-
gel / da sein frombkeit für manchen Ker-
ren kam / das man von im wist zusagen /
das mochten die Fürsten wol leiden / vnd
gaben im Kleider / pferdt / gelt vnd kost. Also kam
er zu dem König von Dennmarck / der bat in ein
abenthewriges stück zu beweisen / er wolte ihm
sein Pferd lassen beschlagen von dem aller besten

Wunderbarliche Historien/

Ruffschlag/Eulen. fragt den Kön. ob er solt den
worten glauben: Der König sprach ja/so er nach
seinen worten thet. Eulenspiegel rheit mit seinem
Pferdt zu dem Goldschmidt / vnd ließ ihm sein
Pferdt mit gilden Ruffschlän / vnd mit Silberin
Näglin beschlagen/ gieng damit zu dem König/
vnd sprach ob er im wolt den Ruffschlag bezalen:
Der König sprach/ja vnd saget zum Schreiber/
das er im den Ruffschlag thet bezalen. Also mei-
net der Schreiber / es were ein schlechter Ruff-
schmidt/ da fürer in Eulenspiegel zu dem Gold-
schmidt/ der wolt haben hundert Devisch marck/
der Schreiber wolt das nicht bezalen/vnd gieng
hin/sagt das dem König/der König ließ Eulen-
spiegel holen/vnd sagt das zu im. Eulenspiegel/
Was für ein thewren Ruffschlag machstu: Wenn
ich meine Pferdt also solt beschlagen lassen / so
müß ich bald land vnd leut verkauffen/ Ich mei-
net nicht das man das Pferdt solt mit Goldt be-
schlagen. Eulenspiegel sprach/ Genediger Herr
König/ir sagten/es solt der best Ruffschlag sein/
so hab ich eweren worten gnug wöllen thun/ der
König sprach / du bist mein liebster Hofdiener/
du thust was ich dich heisz/ vnd warde Lachen/
vnd bezalt also die hundert Marck/ da kam Eu-
lenspiegel/ließ die gilden Eisen abbrechen/vnd
sein Pferdt mit andern eisen beschlagen/
vnd bleib bey dem König biß
an sein end.

Die xviij. History.

Wie Eulenspiegel des Königs von Poln
Schalkenarren mit grober schalk-
heit vberwand.



Bey den zeiten des hochgebornen Fürsten
Casimiri Königs zu Poln / bey dem was
ein abenthewrer / gar selzamer schwentz
vnd gaucklerey / vnd kund wol auff der sid-
len. Also kam Eulenspiegel auch in Poln zum Kö-
nig / vnd der König het auch viel von Eulenspie-
geln hören sagen / derhalben war er im ein lieber
Gast / vnd hett ihn vmb seiner abenthewrer vor-
langest gern gesehen oder gehört / auch so het er
sein Spielman ganz lieb. Zu kam Eulenspiegel

D iij vnd

Wunderbarliche Historien/

vnd sein Narr zusammen/da w3 es/als man sagt/
zwen Narren in ein Haus/ die thun selten gut.
Des Königs Schalcksnarr wolte Eulenspiegel
gar nicht leiden/ vnd wolt sich auch nit verrei-
ben lassen/das merckt der König/ vnd liesz sie
beyd fordern in seinen Saal. Nun wolan sprach
der König/welcher die abenthewrlichste Narres-
rey verbringet/ das im der ander nit nach thut/
den wil ich new kleiden/vnd geben zwenzig Gül-
den dazu/ das sol jetzt geschehen. Die zwen schick-
ten sich zur Thorheit/ vnd trieben viel Aßenspiet
mit kummen meulern/vnd seltsamen reden/was
einer f3e dem andern erdencken kundt/ vnd was
Eulenspiegel thet/d3 thet ihm derselb Narr auch
nach. Der König lacht/ vnd alle seine Ritters-
schafft/vnd sahe mancherley abenthewr. Eulen-
spiegel g3acht auch/ zwenzig gülden vnd ein new
Aleid das wer gut zu verdienen/ ich wil darumb
thun das ich sonst vngern thet/vnd sahe wol das
des Königs meinung war/ d3 es im gleich galt/
welcher vnder ihnen den preisz gewinne. Also
gieng Eulenspiegel in den Saal/ hub sich hinten
auff/vnd schei3 einen grossen hauffen in den sal-
nam ein Löffel/theilt den drect mitten enzwey/
vnd rüßet dem andern/vnd sprach/Narr/ komm
her vnd thu mir die Lederey auch nach/ als ich
dir vor wil thun/vnd name ein Löffel/ vnd fass-
set den halben Drect darein/ iszt den auff/ vnd
reichet den Löffel dem schalcksnarren/vnd sprach/
seh hin iszt du das ander halb theil/vñ darnach so
mach du ein hauffen/vnd theil den von einander/

so wil ich dir nach essen. Da sprach des Königs
 Ratz/Mein mir nicht also/ das thu dir der Teuf
 fel nach/solt ich mein lebtag nackend gehn/so isz
 ich von mir oder dir nit. Also gewan Eulenspie
 gel die Meisterschafft von der Büberey/ vnd der
 König gab im das new Kleid/vnd die xx. gülden/
 da theilt Eulenspiegel hinweg / vnd bracht von
 dem König das lob.

Die xxx. History.

Wie Eulenspiegel das Herzog
 thumb zu Lünenburg
 verboten
 was.



Wunderbarliche Historien/

Der Zell in dem Land zu Lünenburg / da
thete Eulenspiegel ein Abentheurliche
Vüberey / das ihm der Hertzog von Lüne-
nburg das Land verbotten hette / vnnnd
wenn er auch darinn gefunden wärd / solt man in
fahen / vnd darnach henden. Also meinet Eulen-
spiegel / er wolt das Landt nicht raumen wenn
ihm der weg dartrüg / so rheit oder gieng er nicht
dester minder durch das Landt. Es begab sich
auff ein zete / da er durch Lünenburg wolt rhei-
ten / da begegnet ihm der Hertzog / vnnnd da er
sah / das es der Hertzog war / gedacht er / es ist
der Hertzog / vnd so du flüchtig wirst / so vberles-
gen sie dich mit ihren Geulen / vnd Stechen dich
vnder das pferdt / so kompt denn der Hertzog mit
sorn / vnd hendet mich an ein Baum. Also bedacht
er sich eins kurzen raths / vñ steig ab von seinem
Pferdt / schneid ihm den Bauch halb auff / schüt-
tel das eingeweid herauß / vnd stund in dem loch.
Da nun der Hertzog mit seinen Reutern geritten
kam an die statt da Eulenspiegel in seins Pferds
Bauch stund / sprach ein Diener / seht Herr / wie
steht Eulenspiegel in eins Pferds haut. Da rheit
der Fürst zu im vnd sprach / bistu da / weistu nit
das ich dir verbotten hab mein land / vnd weiß ich
dich darinn sind / so wolt ich dich an ein Baum
henden lassen / Da sprach er / O Gnediger Herr
vnd Fürst / ich hoff ic wolt mich des leibs begna-
den / ich hab doch nit so vbel gthan / das hendens
wert ist. Der Hertzog sprach / Komb her zu mir /
vnd sag doch kein vnschuld / vnd wß meinstu doch
damit /

damit das du also in des Pferds haut stehst Eulenspiegel kam herfür/ vnd antwort also/ Gnediger vnd Hochgeborner Fürst / ich besorget mich für ewer vngnad/ vnd söcht mich ganz rbel/ so hab ich mein Lebtag gehset / das ein jeder sol fried haben in seinen vier pfelen/ da ward der herzog lachen vnd sprach/ wiltu auch nun hinfürth auß meinem Land bleiben/ Eulenspiegel sprach/ Gnediger Herr/ wie ewer Fürstliche Gnad wil/ der Herzog reit von im/ vnd sprach/ bleib als du bist. Da sprang Eulenspiegel eilendes auß der Haut/ vnd sprach zu seim todten pferd/ danck habe mein liebes Pferd/ du hast mir dauon geholffen/ vnd einen Gnedigen Herren gemacht/ lig nu hie/ es ist besser das dich die Rappen fressen/ denn das sie mich hetten gessen/ vnd ließ also zu Fuß darvon.

Die xvij. History.

Wie Eulenspiegel einem Bawren seines Landts ein theil abkauft.

¶ Arnach kam Eulenspiegel wider in das Land/ gieng bey Zell in ein Dorff/ vnd wartet wenn der Herzog wider gen Zell wolt reitē/ da gieng ein bawr zu acker/ vnd Eulenspiegel her ein ander pferd oberkomen/ mit sampt ein stutzkarrn/ fuhr zu dem Bawren/ vnd fraget ihn / wes derselbe Acker wer ? Der Bawer sprach/ er ist mein/ ich habe ihn ererbet/ Eulenspiegel sprach / was er ihm wol geben solt für

Wunderbarliche Historien/



für den Schutkaren vol Erden von dem Acker/
 Der Bawr sprach/ ein Schilling nem ich dafür/
 Eulenspiegel gab ihm ein Schilling Pfennig/
 vnd warff den Karren vol Erden/ froch darein/
 vnd fuhr für die Burg zu Zell für die Eller/ Ma-
 nu der Herzog kam geritten/ da ward er Eulens-
 spiegels gewar/ das er auff dem Karren saß / in
 der Erden biß an die Schultern/ Da sprach der
 Herzog/ Eulenspiegel ich het dir mein Land ver-
 boten/ wenn ich dich drinn fünd/ so wolt ich dich
 lassen Hencken/ Eulenspiegel sprach/ Genediger
 Herr/ ich bin nit in ewrem Landt/ ich sitz in meis-
 nem Land/ das hab ich gekaufft von ein Baw-
 ren/ der sagt mir/ es wer sein erbtheil. Der Her-
 zog sprach / fahr hin mit deinem Erdrich auß
 meinem erdrich/ vnd kom nit wider/ ich wil dich
 souß

Tyl Eulenspiegels.

24

Tonst mit Pferd vnd Barren hencken lassen / also
sprang Eulenspiegel bald auff das Pferd / thut
aus dem Landt / liesz den Barren vor der Burg
stehn / also ligt Eulenspiegels Erdtrich vor der
Brücken.

Die xxviij. History.

Wie Eulenspiegel dem Landtgrauen zu Hessen
malet / vnd ihn vberredet / wer Vnch-
lich wer / der künde es
nicht sehen.



Wentherwliche ding treibe Eulenspiegel
im land zu Hessen / da er das land zu Sach-
sen fast vmb vnd vmb gwandert het / vnd
fast wol bekant was / das er sich mit seiner
Bühnen

Wunderbarliche Historien/

Büberey nicht wol mehr behelffen mocht / da
thet er sich darnach inn das Land zu Hessen/ vnd
kam gen Marburg an des Landgraues Hof/
vnd der Herr fragt in was er känd. Er antwort
vnd sprach/ ich bin ein Rämpfner/ des frewet sich
der Landgraue/ denn er meint er köndte mit der
Alchimey / denn der Landgraue het groffe Ar-
beit mit Alchimey/ also fraget er ihn / ob er ein
Alchimist wer/ Eulenspiegel sprach / Gnediger
Herr/ nein. ich bin ein Maler/ desgleichen in viel
Landen nicht gefunden wirdt/ denn mein Arbeit
vberreißt andere Arbeit weit. Der Landgraue
sprach/ laß vns etwas sehen. Eulenspiegel sagt/
Gnediger Herr/ ich/ vnd hett erlich Kunstreiche
Tücher/ die er in Flandern gekaufft hatt / die
sogt er auß seinem Sack/ vnd zeigt die dem Für-
sten/ die gefielen dem Herren so wol/ vnd sprach
zu ihm / Lieber Meister was wölt ihr nemen/
vnd wölt vns vnsern Saal malen/ von dem her-
komen der Landgraue von Hessen/ vnd wie sich
der befreundt hab mit dem König von Vngern/
vnd anderen Fürsten vnd Herren/ vnd wie lang
das gestanden sey/ vnd wöllen vns das auff das
aller köstlichst machen. Eulenspiegel antwort/
Gnediger Herr / als mit ewer Gnade anzeigt/
das würde wol vierhundert Gilden kosten. Der
Landgraue sprach / Meister / macht das nur
gut / wir wöllen euch das wol lohnen. Eulen-
spiegel name das also an / doch mußte ihm der
Landgraue Hundert Gilden drauff geben/
damit er Farben kaufft/ vnd Gesellen vberkeme:

Als

Als aber Eulenspiegel mit dreien Geseln wil die arbeit aufahn/so bedingt er junor/das niemand sol in den Saal gehen/dieweil er arbeit/denn allein seine Geseln/darmit er nit verhindert werde/das verhiess im der Landgraue.

Also ward Eulenspiegel mit seinen Geseln eins/vnd legte mit in an/das sie nichts sagten/vnd lieffen zu sorgen/sie dörrften nicht arbeiten/vnd solten dennoch iren Lohn haben/vnd jr grösste arbeit solt sein im Bret Spiegel. Das wardten sie wol zu frieden/das sie mit müßig gehn gleich so wol solchen Gelt verdienen/das weret also ein wochen oder vier/das den Landgrauen verlanget/was doch der Meister mit seinen Kumpen möchte malen/ob es doch so gut wolte werden als die Prob/vnd sprach Eulenspiegel an: Ach lieber Meister/vns verlanget gar sehr zu sehen ewer arbeit/wir begereu mit euch zu gehn in den Saal/vnd ewer Gemähl zu besehen..

Eulenspiegel sprach zu ihm / Ja Genediger Herr/aber eins wil ich ewern gnaden sagen/wer mit ewern gnaden geht/vnd das Gemehl bescha wet/wer denn nit recht Ehelich geboren ist/der mag mein Gemeld nit wol sehen. Der Landgraue saget/meister/das wer ein groß ding/in dem giengen sie in den Saal/da het Eulenspiegel ein lang Leinen Thuch an die wand gespannt/da er malen solt/vnd zoh das Thuch ein wenig hinder sich/zeigt mit ein weissen steblin an die Wand/vnd sprach also/seht Herr disen Man/das ist der erst Landgraue von Hessen/ein Colummefor von Rom

Wunderbarliche Historien/

Rom gewesen / vñnd hat zu einer Fürstin oder
Frawen gehabt / des milten Iustianus Toch-
ter/ein Hertzogin von Beyernd / der nu darnach
Kaiser war. Sehet zu Gnediger Herr / von dem
geboren ward Adolphus. Adolphus der da ge-
bar Wilhelm den schwarzen. Wilhelm gebae
Ludwigen den frommen / vñnd also forthin biß
auff ewer Fürstlich Gnad/so weiß ich dz fürwar/
das niemandt mein arbeit straffen kan/so künst-
lich vñd auch von schönen farben. Der Landgra-
ue sahe anders nicht/denn die weiße Wand/vñd
gedacht in ihm selber / solte ich immer ein Zuren-
Kind sein/ so sihe ich doch anders nichts denn die
weiße Wand / Jedoch sprach er vñb glimpffs
willen / lieber Meister/vns benüget wol / doch
haben wir nicht genug verstands das zu erkennē
vñ gieng damit auß dem Saal. Da nu der Land-
graue zu der Fürstin kam/fragt sie ihn. Ach Gne-
diger Herr was malet doch ewer freier Maler/je
habt es doch besehe / wie gefelle euch sein arbeit/
ich hab schwachen glauben dazu / er sieht wie ein
schalck. Der Fürst sprach/ Liebe Fraw mit gfele
sein arbeit sicherlich wol/vñ thut im noch recht/
Gnediger Herr sprach sie / müssen wir es nicht
auch besehen. Ja mit des Meisters willen/sprach
der Herr/sie ließ Eulenspiegel fordern/ vñd be-
geret auch zu sehen das gemald / Eulenspiegel
sprach zu ihr wie zum Fürsten/wer nicht Ehlich
ist/der kñnn sein arbeit nicht sehen / da gieng sie
mit acht Jungfrawen vñd einer Törlin in den sa-
al/ da zoh Eulenspiegel das Thuch aber hinder
sich

sich wie vor/ vnd erzalt der Grentin auch das her
 Fomen der Landgrauen/je ein stück nach dem an
 deren. Aber die Fürstin vnnnd ihre Jungfrawen
 schwiigen still/ niemant lobt oder schalt das ge
 mel/ir etlichen was leid das sie vnehllich sein sol
 ten von Vatter vnd Mutter. Vnnnd zum lezten
 da hub die Törrin an vnd sprach / Lieber Mei
 ster/nun sihe ich nichts von gemel/ vnd solte ich
 schon mein Lebtag ein Zuren Kindt sein/. da ga
 dacht Eulenspiegel/das wil nit gut werden/wöl
 len die Toren die wathheit sagen/so muß ich war
 lich wandern/vnd zogs in ein glechter/ da gieng
 die Fürstin hinweg wider zu ihrem Herren? Der
 fragt sie auch wie ir das gemel gefiel/ sie antwort
 vnd sprach. Gnediger Herr es gfelt mir alr wol/
 als ewern gnaden. Aber vnser Törrin gefelt es
 nicht / sie spricht auch / sie sehe kein gemel/ des
 gleichen auch vnsern Jungfrawen/vnd bsorgen
 es sey Båberey inn der sach. Da gieng dem Für
 sten zu hertzen/vnnnd ob er schon betrogen war /
 so ließ er Eulenspiegeln sagen / das er sein sach
 schickte/denn das ganz Hoffgünd müßt sein ar
 beit besehen / vnd der Fürst meinet er wölt sehen
 welcher Ehelich oder Vnehllich vnder seiner Rir
 terschaft were/ der Lehen weren ihm verfallen/
 da gieng Eulenspiegel zu seinen Gesellen/ vnnnd
 gabe in vrlaub/ vnd fordert noch hundert Ghl
 den vom Rentmeister/ entpfeng die/ vnd gieng
 in dem dauon / des andern tags frager der Fürst
 nach seinem Maler/ der was hinweg. Da gieng
 der Fürst des andern tags inn den Saal mit al

Wunderbarliche Historien/

Item sein Hofgesind/ob jemandts etwas seins Gemeldts sehen kündt/aber niemandt kündt sagen/ das er etwas sehe/vnd da sie alle schwiegen/Da sprach der Landgraue/nu sehen wir wol das wir betrogen sind/ mit Eulenspiegeln habe ich mich nie bestimmet/ dennoch ist er zu vns kommen/ doch die zwey hundert galden mögen wir wol erdulden/ so er noch dennoch ein schalck muß bleiben/vnd muß darumb vnser Fürstenthumb merden. Also was Eulenspiegel von Marburg weg kommen/ vnd wolt fürthyn sich keins malens annemen.

Die xxxij. History.

Wie Eulenspiegel zu Prag in Behemen auff der hohen Schul mit den Studenten Conuersiert/vnd wol bestund.

Also zog Eulenspiegel ins Behemerlandt/ gen Prag/da er von Marburg tohe/ vnd gab sich auß für ein grossen Meister/su berichten grosse fragen/die denn sonst andere Meister nicht auflegen/ oder auch bericht künden geben. Da ließ er ein zettel machen vnd schreiben/vnd schlugs an die Kirchthüren/ vnd an die Collegien/das wardt den Rectorern verdriessen/die Doctores vnd Magister warn vbel dran/vnd giengen zusammen/ rathfragten wie sie dem Eulenspiegel möchten Questiones auffgeben/ die er ihnen nicht Soluieren kündt/ so er denn vbel bestündt/so kündten sie mit glimpff an ihn kommen/



men/vnd in verschmechen/dem ward vnder in al
 so verwilliget vnd zu gelassen/ vnd ordinierten/
 das der Rector die frag thun solt/vñ lieffen Eu-
 lenspiegeln gebieten durch iren p'dellen/ des an-
 dern tags zu erscheinen die fragen/ so er im denn
 in schriftten gab/vor der ganzen Vniuersitet/zu
 verantworten/auff das er also probiert/vnd sein
 Kunst recht funden wird / sonst sol er nicht zu ge-
 lassen werden. Dem Eulenspiegel also antwort/
 sag deinen Herren/ ich wil den sachen also thun/
 vnd hoff noch für ein frommen mann zu bstehn/
 als ich vor langst hab than/ des andern tags ver-
 samleten sich vil Doctores vnd Geclerten/in dem
 Kam Eulenspiegel/ vnd bracht mit im sein wiert
 erlich ander Bürger/vnd sonst gut geseln / vmb
 vberfals wiln/der im von Studenten geschehen

¶ ij möcht/

Wunderbarliche Historien/

möcht/ vnd da er nu in jr versamlung k̄a/ da hies/
sen sie in auff dē Stul steigen/ vñ antworten auff
die fragen die im für gelegt wārdē. Vnd die erste
frag die der Rector an ihn thet/ das er sagen/ vñ
mit der warheit bewern solt/ wie mancher tropffe
wassers im Meer were/ wo er diese frag nicht auff
lösen vnd berichten k̄ndt/ so wolten sie in für ein
vngelereten anfechter der Kunst verdammen vnd
straffen. Zu der selbigen frag er behent Antwort/
Wirdiger Rector/ heissend die andern wasser still
stehn/ die auß aln ende in d̄ meer lauffen/ so wil
ich euch messen/ beweisen/ vnd die warheit daruō
sagen/ vnd es ist begreifflich zuthun. Dem Rec-
tor was vnmöglich die wasser zu behalten/ zog al
so ab / vñd er liesz in des messens. Der Rector
stund d̄ verschampt/ vñ thet sein ander frag/ vñ
sprach / Sage mir wie viel tag seind vergangen
von adams zeiten her/ biß auff disen tag. Er ant-
wortet kurtz/ nur sieben tag / vñd so die verlauffē
sind/ hebē sich ander sieben tag an/ das weert biß
zu ende der welt. Der Rector thet die dritte frag/
vñd sprach/ sag mir bald / wie oder waran sich
das mittel der Welt helt : Eulenspiegel der ant-
wort / das ist hie / das steht recht mitten in der
Welt/ vñd das es war sey/ so laß es messen mit
einer schuur / vñd wo es euch fehlet vmb ei-
nen Strohalmen / so wil ich vnrecht haben.
Eh der Rector das messen wolt/ eh verliesz er Eu-
lenspiegeln dieser frag. Vnd thet die vierdt frag
an Eulenspiegeln ganz in zorn vñd sprach/ Sag
an wie fern ist von der erden biß in Himmel: Eu-
lenspieg

lenspiegel antwort/es geht nah hiebey/den wenn
man redt oder rufft im Himmel/das kan man hie
niden wol hören/steigt jr hinauff/so wil ich hie ni
den senfft ruffen/das solt jhr im Himmel hören/
Vnd höret jr das nit/so wil ich aber vnrecht ha
ben. Der Rector wt mit jm bestanden/vnd fragt
jn die fünfft frag/ Wie weit der Himmel wer: Eu
lenspiegel antwort jm bald/vnd sagt/Er ist tau
sent flaffter breit/vnd tausent Elenbogen hoch/
das mag mir nit fehlen/wöljt jhr das nicht glau
ben/so nemet Sonn vnd Mon/vnd das Gestirn
von dem Himmel/vnd meszt es recht vber/so fin
det jr das ich recht hab. Was solten sie sagen/Eu
lenspiegel was jnen alln zu bescheiden/vnd musz
ten jm recht geben/vnd er verzog nicht lang/ als
er die Gelehrten überwunden het mit schalckheit/
Da was jn leyd das sie jm nit erwz kundten auff
geben/dadurch er zuschanden kem/vnd zog auß
den langen Rock/vnd wandert gen Erfurd.

Die xxix. History.

Wie Eulenspiegel zu Erfurd einen
Esel lernete lesen inn
einem Alten
Psalter.

Eulenspiegel het ein groß verlangen ghen
Erfurd/als er die schalckheit zu Prag het
ausgericht/den er besorgt sich/wie sie jm
möchten nacherin. Als er nu jert gen Erf
E ij furdt

Wunderbarliche Historien/



furdt kam/da ein grosse vnd hochberhämpte Vniuersitet ist. Da schlug Eulenspiegel sein Brieffe auch daran/Vnd die Collegaten der Vniuersitet hetten nu vil gehört von seinen listen. Vñ rat schlagten was sie ihm auffgeben/auff das es ihm nicht gieng/wie es den von Prag mit im gangen was / die mit schanden bestunden/ nun wurden sie zu rath/das sie Eulenspiegeln ein Esel in die Ler wolten thun/ denn es sind viel Esel zu Erfurt alt vnd jung. Sie fragten Eulenspiegeln vnd sagten zu im/Magister ihr habt kunstlich Brieff angeschlagen/ wie ihr ein jeglich Creatur wolt lernen schreiben vnd lesen in kurzen tagen/so seind die Herrn von der Vniuersitet hie/vnd wöln euch ein Esel in die ler thun/trawt jr in auch zu lernen/

Er

Er sprach ja/aber er muß zeit darzu haben/das
 rumb so es ein vngernnfftig Thier wer/des wa-
 ren sie mit im zu frieden/auff zwenzig iar. Eulen-
 spiegel gedacht/vnser ist drey/stirbet der Rector/
 so bin ich frey/stirb den ich/wer wil mich manē/
 stirbt denn mein Discipel/so bin ich aber ledig/na-
 me dz also an/vñ galt fünff hundert alter schock/
 darauß gaben sie im erlich Gelt. Also name Eul-
 enspiegel den Esel an/vñnd zog zu dem Tornier
 in die Herberg / zu der zeit was da ein selzamer
 Wiert. Also bestellet er ein Stall allein für seinen
 Schüler/vnd vberkam einen alten Psalter / den
 legt er inn die Krippen / vnad zwischen jegliches
 Blatt legt er Habern/des ward der Esel gewar/
 warff die Bletter mit dem Maul herumher vmb
 des Haberns willen. Vnd so er denn kein Habern
 mehr fand zwischen den bletteren rüßte er/ Ja Ja.
 Da Eulenspiegel das merckt von dem Esel sei-
 nem Schüler/da gieng er zu de Rector/vñ sprach.
 Herr Rector wenn wöllet jr ein mal besehe/ was
 mein Schüler macht: Der Rector sprach/Lieber
 Meister wil er sich der Ler auch annemen: Eulen-
 spiegel sprach/er ist auß der massē vō grober art/
 vñ ist sehr schwer zu lernen/doch hab ich ihn mit
 grossen fleiß vnd arbeit darzu gebracht/ dz er et-
 lich Buchstaben/vnd sonderlich erlich vocal kent
 vñnd nennen kan. Ists euch gelegen / geht mit
 mir / so seht ihr das hören sagen vnd sehen. Nun
 het der gut Schüler gefast biß vmb drey nach mit-
 tag. Als nu Eulenspiegel mit de Rector vñ erliche


E . iiii Magister

Wunderbarliche Historien/

Magistris kam/leget er seinem Schüler ein new Buch für/so bald er das in der Krippen fand/da warff er die Bletter hin vnd her/ den Habern zu suchen/als er nichts fand/ begundt er mit lauter stim zu schreiben/Ja/Ja/da sprach Eulenspiegel/lieber Herr/hört die zwen Vocal/J. vnd A. die kan er jezund/ich hoff er sol noch gut werdē/ also starb der Rector in einer Kurg/hernach verlies Eulenspiegel sein Schüler/vnd liesz in gehn als sein Natur aufzeiſt. Also zohe Eulenspiegel mit dem gelt/so er daran empfangen / hinweg/vnd gedacht/soltu die Escl zu Erffurd alle weiß vnd verſtendig machen/ das würd vil leibs brauchen/er mocht es auch nit wol thun/vnd liesz sie also bleiben.

Die xxx. History.

Wie Eulenspiegel zu Angesteten in dem Landt zu Düringen den Frauen die alten Beltz wusch.

 Eulenspiegel kam in das Landt zu Düringen/in das Dorff Angesteten/vnd bath umb ein Herberg/Da fraget in die Wiertin/was er für ein Gesell wer: Eulenspiegel sprach/Ich bin nit ein Handwercks Gesell/Sondern pfleg die warheit zusagen/ die Wiertin sprach/die herberg ich gern / vnd bin sonderlich gänſtig denen/ die die wachett thun sagen. Vnd als nun Eulenspiegel hin vnd wider sah/ so ſicht er das die Wiertin ſchilet/vnd sprach / Schile frau/



fraw / Schile fraw / wo sol ich hin sitzen / vnd wo
 leg ich meinen Stab vnd Sack hin ? Ach das die
 nimmer guts geschehe / mein Lebtag hat mir nie
 mand verwisen das ich schiel bin. Eulenspiegel
 sprach / liebe fraw: sol ich nun stets die warheit
 sagen / kan ich das nicht verschweigen. Die Wier-
 tin was des zu frieden / vnd lachet damit. Als nu
 Eulenspiegel die Nacht da bleib / war er mit der
 Wiertin zu reden kommen / wie er alte Beltz we-
 schen künde / das gefiel der frawen wol / vnd ba-
 the in das er die Beltz waschen wolt / sie wolte es
 ihren Nachbawrin sagen / das sie ihre Beltz her
 brachten / vnd er sie wusch. Eulenspiegel sprach /
 ja / die fraw samlet ire Nachbawrin zusammen /
 vnd brachten ihre Beltz. Eulenspiegel sprach / ir
 müst milch habē / die frawen wurden verlangen /

¶ v vnd

Wunderbarliche Historien/

vnd hetten ein lust zu den newen Belzen/vñ hol-
ten je milch/die sie in heusern hetten/Eulenspie-
gel satz drey Kessel zu dem Fewr/ goß die milch
darcin/vnd stieß die belz dartzu/vnd ließ sie koch-
en. Als in im gut daucht/da sprach er zu den frau-
en/ihr müßer mit jung weiß Linden Holz brin-
gen/vnd streiffet das ab / inn dem das ihr wider
Kompt/so wil ich die belz aufheben/denn sie sind
gung geocht/vnd wil sie denn aufsweschen/dazu
muß ich das holz haben. Die Weiber giengen
williglich nach dem holz/ vnd ihr Kinder lieffen
bey ihn her / sprungen vnd sungen / O ho gute
newe Belze. Eulenspiegel stund vñnd lacht/vnd
sprach/ia harret/die Belz sind noch nicht recht.
Als sie nun in dem holz waren / stieß Eulenspie-
gel immer vnder/vnd ließ die Kessel mit den bel-
zen stehen / vnd gieng auß dem Dorff hinweg/
sol noch wider Kommen/die belz auß zuwaschen.
Die Frauen kamen wider mit dem linden holz/
funden Eulenspiegeln nicht/vñnd meinten nicht
das er hinweg wer/da wolt je ein vor der andern
ihren Belz auß dem Kessel thun /die waren gar
verbrähet/ das sie von einander fielen. Also lie-
ßen sie die Belz stehen/ vnd meinten er kem her/
wider. Eulenspiegel aber danckte Gott / das er
also mit glimpff dauon was Kommen.

Die xxxi. History.

Wie Eulenspiegel mit einem Todten haupt umb-
sohe/die Leut zu bestreichen/ für
Heilthumb.



Es hett sich Eulenspiegel in allen Landen mit seiner bosshait bekant gemacht/ vnd wo er ein mal gewesen was/ da was er mit wilkomen/ es wer denn sach / das er sich verkleidet/ vnd man in gar nicht kantz. Deshalben er sich mit müßig gehen nicht mehr trawt zu ernehren/ was er doch guter ding vonn Jugend auff gewesen/ vnd hett Gekes genug vberkomen mit vielerley Gauckelspiel. Da aber sein Schalkheit in allen Landen wissen vnd bekant wardt/ vnd ihm sein narung hinder sich gieng/ gedachte er/ was er treiben solt/ das er gut vberkome mit müßig gehn / denn er sahe wol das mancher mit müßig gehen besser tag hett / denn mancher mit schwerer arbeit. Vnd nam in für/ sich für ein Stationier auß zu thun/ vnd mit dem Heilthumb im
Land

Wunderbarliche Hissorien/

Land vmb her zu reithen/ vnd verkleidt sich mit
einen Schüler in eins Priesters gestalt / nam ein
Todrenkopff/vnd ließ den in Silber fassen/vnd
kam ins Land zu Pommern/ da sich die Priester
viel mehr an das Sauffen halten/denn das Pre-
digen. Vnnd wenn denn etwann in einem Dorff
Kirchweyhung was/ Hochzeiten/vnd ander ver-
samlung der Landleut / macht sich Eulenspiegel
zu dem Pfarrherr/bat in das er Predigen / vnnd
den Bawen das Heilthumb verkündigen wolt/
das sie sich ließen bestreichen / vnnd was er für
Opffer vberkem/das wolt er im halb geben. Den
Vngelernten Pfaffen was wol damit/das sie nicht
mehr denn Gelt vberkemen/vnd wenn am aller-
meisten Volck's in der Kirchen was / so steig er
auff den predigstul/vnd sagt inen etwas von der
alten Ehe / vnnd zohe die newe Ehe darein mit
der Archen vnd Gildenem Eimer/Da das Him-
melbrodt innen lag / vnd sprach dazu / das es
das größte Heilthumb wer / vnderweilen sagt er
von dem Haupt Brandonis / der ein Heiliger
Man gewesen wer/des Haupt er da hett/das im
befohlen wer damit zu samlen zum Gebew einer
newen Kirchen/ vnd das thun mit reinem gut/
vnd bey seinem leben kein Opffer nemen solt von
Ketner Frauen die ein Ehebrecherin wer / vnnd
welche solche Frauen sind/sollen still stehen/den
so sie mit etwas Opffern werden/die da schuldig
seind in dem Ehebruch / so neme ich es nicht/
den sie werde vor mir verschampt/darnach wisse
sich zu achten / vnnd gabe also den Leuten das
Haupt

Haupt zu küssen / das vielleicht eirs Schmiedts
 haupt gewesen was / vnd er ihn auff einem Kirch
 hoff gnommen hat / gabe den Bawern vnd Bern
 ein den Segen / vnd gieng von der Kanzel für
 den Altar stehn / fieng der Pfarrherr an zu sin
 gen / vnd seine Schellen an zu klingen. Da gieng
 gen die bösen mit den guten weibern / zum Altar /
 die ein bösz gschrey hetten / vnd da auch etwas an
 was / die wolten die Ersten sein mit ihrem Op
 per / Da nam er das Opffer von guten vnnnd bö
 sen / vnd verschmehet niemands / vnd so fest
 glaubten die einfeltigen frawen / vmb sein listige
 Schalkhaffrige sach / das sie meineten / welche
 Fraw still were gestanden / die were nicht fromb.
 Desselben gleichen / welche Fraw kein gelt hett /
 die Opffert ein Göllden oder Silbern Ring / vnd
 ihr eine het acht auff die ander / ob sie auch Opf
 fert / vnd welche Opffert / die meiner sie het ihre
 Ehe bestatigt / vnd ihr bösz geschrey damit geno
 men. Auch waren etlich da / die zwey odder drey
 mal Opfferten / auff das das volck solt sehen /
 vnd auß ihrem bösen geschrey kernen. Eulens
 spiegel ober kam das schönest Opffer / desz gleich
 en vor nie gehört ist worden / vnd da er das Opf
 fer hinweg het gnommen / gebot er bey dem Ban
 allen denen die ihn geopffert hetten / das sie nicht
 mehr mit Báberey solten umbghen / denn sie we
 ren allenthalben ganz frey. Also würdē die fraw
 en allenthalben fromb. Vnnnd wo Eulenspiegel
 hin kame / prediget er / dardurch ward er reich /

Wunderbarliche Historien/
vnd die Leut hielten in für ein fromen Prediger/
so wol kund er die Båberery verhehlen.

Die xxxij. History.

Wie Eulenspiegel die Scharwechter zu Nürem-
berg wacker macht/das sie ins
Wasser sielen.



Als Eulenspiegel mit dem Heilthumb weit
umbzogen war/ vnd die Leut fast betro-
gen het / denn er war in der Schalckheit
sehr Kunstlich/ Came er ghen Nüremberg/
vnd wolt sein gelt verzeren/ das er mit dem Heil-
thumb gewonnen hett/ da er nun ein zeitlang da
was gelegen / vnd viel umbstendte gesehen hette/
Fundt er von Natur nicht lassen/er must da auch
ein

ein schalckheit thun / vnd sahe das die schwarwächter in einem großen Kasten schleffen vnder dem Rathhaus in Zarnisch / vnd Eulenspiegel hette da weg vnd steg wol gelernt / vnd sonderlich den steg zwischen den Gewinckel vnd dem Henslin / da es nachts böß ist drüber zu gehen / wenn man die gute Diern / so sie wöln Wein holen / da umb gezogen wird. Also wartet Eulenspiegel mit seiner schalckheit biß die Leut schlaffen waren gangen / vnd es ganz still was / brach er ab von dem selben steg drey Dielen / vnd warff sie in die Pegnitz / gieng für das Rathhaus / vnd begundt zu fluchen / vnd hiew mit einem alten Messer in das Pflaster / das Feuer hernach sprang. Da das die Wechter horten / waren sie bald auff / vnd lieffen ihm nach. Eulenspiegel name die flucht zu dem Gewinckel / vnd kam mit noth ihnen vor an die stadt / da er die Dielen hat abgeworffen / behalffte sich wie er mocht / das er vber den Steg kame / vnd ruffet mit lauter stimm. Ho ho / wo bleibt sie nu jr verzagten Bößwichter Da das die Wechter horten / lieffen sie ihm eilend nach / ein jeglicher wolte der erste sein. Also fiel einer nach dem andern in die Pegnitz / vnd was die lück des Stegs so eng / das sie auff jeglichem ort die Meuler zerfielen. Ho ho rufft Eulenspiegel / laufft ihr noch nicht / morgen eilt mir mehr nach. Zu diesem bad weret ihr Morgen früh noch wol kommen / also fiel einer ein Bein entzwey / der andere einen Arm / der Dritte ein Loch in Kopff / das keiner von Schaden darvon kam / da er nu die schalckheit volbracht

Wunderbarliche Historien/

volbracht het/bleib er nicht lang zu Nürnberg/
vnd soh wider hinweg/wenn im was nit lieb/wo
es von im außkam/das er nit gestümpfft würd/
denn die von Nürnberg möchten es nicht für ein
schümpff annemen.

Die xxxij. History.

Wie Eulenspiegel zu Bamberg
ymb Gelt aß.



Wit listen so verdiente Eulenspiegel Gelt
eins mals zu Bamberg/als er von Nür-
emberg kam/ vnd fast hungerig was/
vnd came in einer Wirtin Haus / die
hieß frau Königin/die gar ein fröliche Wirtin
was/

was vnd hieß in wilkom sein/ daß sie sahe an sel-
 nen kleidern dz er gar ein selzmer gast sein mag.
 Als man nu des morgens essen wolt/ fragt in die
 Wiertin/ wie ers halten wolt/ ob er vbers mahl si-
 gen/ oder das Pfenningwert wolt essen? Eulens-
 spiegel antwort/ er wer ein armer gsell/ vñ bat sie
 dz sie in etwz vñ Gottes willen wolt zu essen ge-
 ben. Die Wiertin sprach. Freund in den Fleisch-
 bencken gibt man mir nichts vergebens/ ich muß
 gelt darumb geben. Desz halben muß ich für das
 essen auch gelt haben. Eulenspiegel sprach/ ach
 fraw es dient mir auch wol vmb gelt zu essen vnd
 trincken/ die fraw sprach/ an den herrn tisch vmb
 xxiij. Pfenning/ vnd an der nechsten Tafeln darne-
 ben für xxiij. Pfenning/ bey dem Hausgesind für
 xij. Pfenning. Eulenspiegel sagt/ das meiste Gelt
 dienet mir am besten. Vñ nach dē er auch dē bauch
 mit essen vnd trincken wetdlich gefüllet het/ Bat
 die wiertin in abzufertigen/ wenn er armuts hal-
 ben wandern müßte. Lieber gast/ sprach die wier-
 tin/ gebt für ein Malzeit xxiij. Pfenning/ vnd
 geht ewr strasz/ dz euch got gleit. Nicht also liebe
 Wiertin/ sprach Eulenspiegel/ sonder ihr seind
 mir xxiij. Pfenning zu thun schuldig/ wenn ihe
 berichtet mich wie man an der tafel aß vñ trāck
 vmb xxiij. Pfenning/ das hab ich vollbracht/ so
 wil Gelts zuwerdienen/ denn es ist mich je schwer
 vnd hart ancomē/ ich aß dz mir der schweiß auß-
 brach/ als ob es mir leib vnd leben goltē het/ so
 möcht ich auch nit mehr esse. Die wiertin sagt/ far
 hin lieber gast/ dz sey dir gschefft/ kom mir wider.

Wunderbarliche Historien/

Die xxxviii. History.

Wie Eulenspiegel gen Rom kam/den
Päpst zu besuchen/der in
für ein Rezer
hielt.



Auff das Sprichwort / Als wander ghen
Rom frommer mann / Komb herwider Ne-
quam / gedacht auff ein zeit Eulenspiegel /
deszhalben soh er ghen Rom mit lust / sein
Schalckheit auch daselbst zu versuchen / vnd ka-
me in ein herberg zu einer witten / die fragt von
wannen er wer / vnd was er zu Rom außzrich-
ten het / Er were ein Sachsz / sprach Eulenspie-
gel / des halben er gern mit dem Päpst wolt zu-
reden

reden kommen. Lieber freund antwort die Wier-
 tin/ich bin hie geboren vnd erzogen/nach kund ich
 nie mit jm zu reden kommen/wie wolt ihrs denn zu
 wegen bringen/ich geb noch drumh hundert Du-
 caten/das ich füglich mit jm in ein gesprech kom-
 men möchte. Lieb Wiertin sagt Eulenspiegel/weß
 jr mit jm geredt hert/wolt ihr mir auch die hun-
 dert Ducaten geben: Die Frau gelobt sie jm/wor-
 er das vermöcht. Aber sie vermeint es wer jm vor-
 möglich mit dem Papst zureden. Nun weil jeder
 Papst in vier wochen ein Mess in der Capeln ge-
 nant Jerusalem zu S. Johans lateran/lesen mus-
 ste/erfragets Eulenspiegel/ vnd wie die zeit ka-
 me/drang er sich in die Capell/auffs nechst so er
 mocht/zum Papst/ stundt bey der Mess/ vnd
 wenn der Papst den seggen gab/keret Eulenspiegel
 dagegen den Rücken. Das ward nach dem Auf-
 gang der Mess dem Papst angezeigt/der Papst
 schicket nach Eulenspiegeln/ vnd da Eulenspie-
 gel erschein/fraget in der Papst/ob er ein Christ
 wer: Eulenspiegel antwort fein demütig/ja/weß-
 ter fragt in der Papst/was glaubens: Eulenspie-
 gel sprach/er hert den glauben/den seine Wier-
 tin het/die nennt er bey dem Namen. Die Frau
 ward beschickt/für den Papst gfordert/vnd vor-
 ihm gefraget/wes glaubens sie wer/ die Wiertin
 antwort/sie het den Christen glauben/ vnd was
 jr die Christlich Kirch geböt vnd verböt. Eulen-
 spiegel der dabey stundt/ hielt sich eusselich im
 grosher andacht/vnd sagt/Aller Gnedigster Vat-
 ter/disen rechten vnd feste glauben hab ich auch.

Wunderbarliche Historien/

Warumb Erst du denn sprach der Papst/den Ru-
cken gegen dem Altar in der Stillness? Eulenspi-
gel antwort/wie er ein armer grosser Sünder/
vnd vor der Beicht die Sacrament zusehen nicht
würdig were/dieser rede nach verlies der Papst
Eulenspiegel / der gieng in sein Herberg/vnd
begert die hundert Ducaten/ die im gegeben mus-
sen werden. Aber Eulenspiegel bleib ein schalck
wie vor/vnd ward von der Römischen sirt nicht
viel gebessert.

Die xxxv. history.

Wie Eulenspiegel die Jüden von Franckfurdt
am Mayn/betrog vmb tausent Gulden/
denn er verkaufft ihn Dreck für
Propheten Ber.



En schalt muß den andern fahen vnd betriegen/ Also geschah den betrieglichen in den zu Franckfurd/ wie Eulenspiegel von Rom dahin kam/ als in der mess/ besah er den handel in der ganzen stadt/ vnd kam für ein wolgetleidten starcken Mann der auß Alexandris Bisam gbracht het/ vnd den auß der massen sehr thewer verkaufft/ gedacht Eulenspiegel. Ich bin auch ein starcker fauler schelm der vngern arbeit/ Fand ich mich so leichtlich ernehren/ so stünde es wol mit mir. Drauff speculiert er die nechste gantze nacht/ in dem so sticht ihn ein Floh zwischen den Beinen/ dem greiff er nach/ vnd ergreiff etliche Ancklin im Hindern/ das muß der groben eine sein/ gedacht er/ die man nent Leraluandro/ dauon der Bisam herkömpt/ als er nun des morgens früh auffstund/ Kauffet grawen vnd roten Fendel/ band darein die Ber/ kauffet andere specerey darzu/ vnd richtet einen Kram auff/ darzu kamen viel Lent/ bsahen vnd fragten nach seltsamer Wahr. Aber Eulenspiegel wolt niemands antworten/ so lang bisz drey reiche Jüde zu im kamen vn fragten nach der wahr/ den antwort er/ es weren ware Propheten Ber/ das solten sie im versuchen befinden. Die Jüden kerten sich baldt wider vmb/ vnd vnderredten sich/ zu lest da sagt der eldest Jüd/ hieuon möchten wir wissen/ wenn vnser Messias kommen solt/ Weissagen/ vnd beschloß die Wahr gar auff zukaffen. Traten also wider zu Eulenspiegeln/ vnd fragten/ was doch mit ein wort ein ber gelten solt. Eulenspie-

Wunderbarliche Historien/

Gel gedacht/fürwar wie die wahr ist/ also hab ich
Kauffleut/den Jüden diener dieser Bisam wol/
vnd sagt zu in/ ich gib eins für Tausent galden/
wenn jr Hund mir nicht die dafür geben wölt/ so
packt euch hinweg/ vnd leßet mir den Dreck ste-
hen/auff das sie ohn zorn die wahr vberkommen
möchten/salten sie im das Gelt/vnd namen dar
für ein Propheten her. Bald ließen sie die Jüden
in jr Synagoga fordern/da stund auff der elteste
Kabi/vnd sprach/ sie solten drey tag fasten vnd
beten. Wenn in nach Gottes willen Propheten
Her zuhanden kommen weren/die solle als denn
einer in Mundt nemen/ vnd von Messia inen zu
Troste Weissagen/ vnd vber drey tag name das
Isaac in Mundt mit grosser Reuerenz/Da frag-
get in Moses. Lieber Isaac Gottes diener/wie
schmecket es doch? Der antwortet/wir seind von
dem Gecken betrogen/ es ist anders nichts denn
Leutsdreck/Die Jüden schmecketen an die Pro-
pheten Her/vnd erkantens erst/ da sie das Holz
so das auff gewachsen/ sahen daran geschmiert
vnd geklebt. Eulenspiegel was aber hinweg/
schlempet vnd dempfft redlich/dieweil der Jüden
Gelt wert.

Die xxxvj. History.

Wie Eulenspiegel zu Quendlinburg Hünner
kaufft/vnd da der Hwein ihren
Han zu pfand ließ für
das Gelt.

Du



De leut warn etwan nit also schalkhaff-
 tig als jetzt / sonderlich die Landlent/
 Auff ein zeit kame Eulenspiegel ghen
 Quendlinburg/da was markttag/ vnd
 het Eulenspiegel nit auszlerung/denn wie er sein
 gelt gewan/also gieng es wider hinweg/vnd ge-
 dacht wie er wider zering wolt vberkomen. Also
 saß ein Bawrin da zu Markt/ vnd het ein Korb
 vol hāner mit hanen feil/Eulenspiegel fragt was
 das par gelten solt:sie antwort im/ das par vmb
 zwen steffan groschen.Eulenspiegel sprach/wilt
 ihr sie nicht neher geben? Sie sprach/Vein/Also
 name Eulenspiegel die Hāner mit dem Korb/
 vnd gieng zum Burghthor zu. Da lieff ihm die
 Fraw nach vnd sprach/Kauffman / wie sol ich
 das versehen / wilt du mir die Hāner nicht alle
 S iij bezai

Wunderbarliche Historien/

beralen: Eulenspiegel sprach ja/ Ich bin der Ep-
tiffin schreiber. Darnach frag ich nit/ wilt du die
Süner haben/ so bezal sie/ ich hab bey der Epti-
ffin nichts zuthun/ mein Vatter hat mich gelet/
ich sol von denen nichts kauffen oder zu borg ge-
ben/ vor den man sich muß neigen/ drum bezal
mit die Süner. Eulenspiegel sprach/ Fraw ir seid
von kleinem glauben/ damit das ir aber des ewe-
ren gewiss seid/ so nempt hin den Han zu pfand/
bist ich euch den Korb vnd das Gelt bring / die
gut fraw nam iren Han zu pfand/ aber sie wurde
betrogen/ Eulenspiegel bleib gar auß.

Die xxviii. History.

Wie der Pfarrherr von hohen Egelsheim
Eulenspiegeln ein Wurst frass.



D V Bildesheim was Eulenspiegel/ vnd kauft
 te ein gute rote Wurst/ vnd gieng damit ge-
 gen Egelsheim/ da was er wol bekant mit
 dem Pfarrherr/ vnd es was am Sonntag zu
 morgen/ da hielt der Pfarrherr die Frühmess/ auff
 das er zeitlich essen wolte/ also gieng Eulenspie-
 gel in des Pfarrherrs hausz/ vnd bat sein Magd
 das sie ihm die Wurst kochen wolt/ die Magd sa-
 get ja/ er gieng in die Kirchen/ da was die Früh-
 mess auß/ vñ ein ander pfaff hub die hohmess an/
 die höret er gar auß/ dieweil was der Pfarrherr
 zu hausz gangen/ vnd sprach zu der Magd / ist
 nichts gar gekocht/ das ich ein bißchen essen mag/
 Die Magd sprach / es ist noch nichts gekocht/
 denn ein rote Wurst / die Eulenspiegel gebracht
 hat/ die wolt er essen / wenn er auß der Kirchen
 kam/ der Pfarrherr sprach/ lang mir her die rote
 Wurst/ ich wil ein bißchen dauon essen/ die Magd
 langt im die Wurst/ dem Pfarrherr schmeckt sie
 als wol/ das er sie gar fraß/ vnd sprach zu im sel-
 ber/ gseggen mirs Gott/ es hat mir wol geschme-
 cket / vnd saget der Magd / gibe Eulenspiegeln
 Speck vnd Bolen zu essen/ als sein art ist. Nach
 dem Ampt/ als es auß was/ da gieng Eulenspie-
 gel wider in den pfarrhof/ wolt von seiner wurst
 essen/ Nun hieß in der Pfarrherr wilkumb sein/
 danckt im für die Wurst/ vnd sagt wie sie ihm so
 wol geschmackt hat/ vnd sagt im Speck vnd Bül
 kraut für. Eulenspiegel schweig still/ als was denn
 da gekocht was / vnd gieng am Montag wider
 hinweg/ der pfarrherr rufft Eulenspiegeln nach/
 f v hörstu/

Wunderbarliche Historien/

hörstu / wenn du wider kompst / so bringe zw
Würst mit dir / eine für mich / vnd eine für dich /
was du darumb gibst / wil ich dir wider geben /
vnd so wollen wir redlich schlemmen. Eulenspie
gel sprach / ja Herr es soll geschehen / vnd gieng
da wider gen Hildesheim / vnd es gieng nach sei
nem willen / das die Schinder ein todte Saw für
ten auff die Schelmengenben / da bat Eulenspie
gel den Schinder / das er wolt nemen Gelt / vnd
wolt ihm zw rote Würst machen vō der Saw /
vnd salt im dar etlich silberin pfenning / der schin
der thet das / da nam Eulenspiegel / vund sode
sie halb / als man Würsten pflegt zuthun / kam
des andern Sontags wider ghen Hildesheim /
vnd traff das der Pfarrherr die Frähmess aber
hielt / da gieng er in Pfarrhof / vund brachte die
Würst aber der Kellerin / vnd bat das sie die solt
braten auff dem Rost / der Pfarrherr solt die eine
haben / vnd er die ander / vñ gieng also in die Kir
che / sie briet die Würst / da die Mess auß was /
ward der Pfarrherr Eulenspiegels gewar / gieng
von stund an auß der Kirchen in den Pfarrhof /
vnd sprach / Eulenspiegel ist hie / hat er auch die
Würst gebracht / sie sprach ja / sie seind bald beyd
gebraten / name die ein von der Glut / vnd ward
der Würst auch lustig zu essen / setzten sich beyde
zusammen nider / vnd assen die Würst / da begun
ten ihnen die Meuler zu scheumen / darzu kompt
Eulenspiegel von der Kirchen / da sprach in der
Pfarrherr an / was hastu für Würst bracht / sib /
wie mir vñ meiner Kellerin die meuler scheumen /
Eulen

Eulenspiegel sprach/ Gott gesegens / sprach er/
 euch geschicht nach ewern willen/ als ir mir ruf-
 fet/ ich solt zwö Wurst bringen/ dauon wolt ihr
 essen/ das euch der Mundt misst scheumen/ aber
 des schaumens acht ich nit / wo nicht das speien
 hernach kompt/ ich versih mich wol es werd bald
 hernach komen. Wenn daruon die zwö wurst ge-
 macht seind/ das was ein Todte Saw/ darumb
 must ich das fleisch wol senffen / vnd daruon
 kommet euch das scheumen. Die Magd hube an
 zu balgen/ vnd speit vber den Tisch/ des gleichen
 der Pfaff/ vnd sprach/ geh bald auß/ mein hausz
 du schalt/ vnd ergreiff ein Knüttel/ vnd wolt in
 schlagen / Eulenspiegel sprach/ das stehet einem
 frommen Mann nit wol an/ ir hießet mich doch
 die Wurst bringen/ vnd habt sie beyd gessen/ be-
 zalt mir doch die zwö/ ich geschweig der dritten/
 der Pfarrherr was zornig/ vnd sprach / er solte
 farter sein faul Wurst selber fressen. Eulenspiegel
 sprach/ ich habß euch doch on ewern danck nicht
 in Leib gesteckt/ auch so möcht ich die wurst nit/
 aber die erst het ich wol gemocht/ die habt ir mir
 gessen on meinen wiln/ vnd sprach / alde Pfaff/
 gute nacht.

Die xxxviii. History.

Wie Eulenspiegel dem Pfarrherr zu Riß-
 senburg sein Pferd abredt mit
 einer falschen Weicht.

Böser

Wunderbarliche Historten/



Der schalckheit ließ sich Eulenspiegel nit
verdrücken / zu Rissenburg in dem Dorff
sassen die Bawen zu gericht / Da wohnt
auch ein Pfarrerherr / der gar ein schöne Kel
lerin het / vnd dartzu ein Klein wacker feuberlich
Pferdt / die hette der Pfarrerherr alle beyde lieb /
das Pferd als wol als die Magdt. Da was der
Hertzog auß Braunschweig zu der zeit zu Rissen
burg / vnd hett den Pfarrerherr durch ander Leut
lassen bitten / das er im das Pferd wolt lassen zu
stehen / er wolt ihm dafür geben / das ihn benö
get. Der versagt allzeit dem Fürsten das Pferd /
so dorfft ihm der Fürst auch das nicht nemen las
sen / wenn das gericht was vnder dem Rath von
Braunschweig. Also het Eulenspiegel die ding
wolt gehört / vnd verstanden / sprach er zu dem
Fürsten /

Fürsten/Gnediger Herr/was wölt ir mit schen-
 cken/das ich das Pferd von dem Pfaffen bringe
 Ranstu das thun/sprach der Herzog / so wil ich
 dir den Rock geben den ich an hab/vnd das was
 ein roter schamlot mit Perlin gestickt. Das name
 Eulenspiegel an/vnd reit von Wolfenbeutel in
 das Dorff/zum Pfarrherr in die Herberg / vnd
 was wol bekant in des Pfarrherrens Hausz/ wenn
 er bey im gewesen war. Als er bey dreien tagen
 da was gewesen/machet er sich als ob er Brandt
 wer/achzt laut/vnd leget sich nider/ dem Pfaf-
 fen vnd seiner Magd was leyd/vnd wusten nicht
 rath/wie sie den sachen thun solten. Zu letzt war-
 de Eulenspiegel so Franck/das ihn der Pfarrherr
 ansprach / vnd ermanet in das er Beichten solt/
 vnd Gottes recht nemen. Eulenspiegel was fast
 darzu geneigt/ als fern er in wolt Beicht hören/
 vnd ihn fragen auff das scherpffest. Der Pfaff
 sprach/das er sein Seel bedecht/ sich bewart das
 im Götter sein sünd vergeben wolt / wenn er sein
 tage viel abentherer getrieben hette. Eulenspie-
 gel sprach ganz krencklich zu dem Pfarrherr / er
 wüßte nichts mehr das er gethan het/ sonderlich
 ein sünd die dörrft er im nicht Beichten/ vnd das
 er im ein andern Pfaffen brechte/ dem wolt er sie
 Beichten/Wenn er sie im offenbarte/ so besorgt
 er/das er darumb zörnen würd. Da er das hört/
 da meinet er/es wer etwas darunder verborgen/
 das wolt er wissen. Denn die Pfaffen etwas für-
 witziger sind weder ander leut. Lieber Eulenspie-
 gel sprach er / der weg ist fern / ich kan den an-
 dern

Wunderbarliche Historien/

dem Pfaffen so baldt nicht vberkommen/vnd so
du in der zeit stürbst/so hettestu vnd ich vor Gott
dem Herrn die schuldt/ wo du darinn versaumpt
würdest/sage mir das künlich / die Sünd sol so
schwer nicht sein/ich wil dich danß absolvieren/
auch was hülff es dz ich böß würd/ich darff doch
die Beicht nicht melden / Eulenspiegel sprach/
wolan/so wil ich euch Beichten/sie ist auch nicht
so schwer/es ist mir nur leid das ir zornig werd/
denn es trifft euch an/da verlanger dem Pfaffen
noch seher/das er das wissen wolt /vnd sprach
zu ihm/ hette er ihm etwas gestolen/oder schaden
gethan/ das ers ihm Beicht / er wölt es im ver-
geben. Ach lieber Herr sprach Eulenspiegel / ich
weiß das ihr darumb zornen werd/ doch ich em-
pfind vnd fürcht das ich bald vom himmen muß
scheiden/ich will euch das sagen lieber Herr / ich
hab bey ewer Magd geschlafen/der Pfaff fraget
wie oft das geschehen wer? Eulenspiegel sagt/
nur fünf mal/der Pfaff gedacht/da sol sie fünf
drüß vberkommen/absolvirt ihn baldt/gienge
in die Kammer/vñ hieß seine Magd zu im komē/
vnd fragt wo sie bey Eulenspiegeln geschlafen
hette/die Magd sprach nein / es ist erlogen / der
Pfaff sprach er hat mirs doch Gebeicht/vnd ich
glaubs auch/sie sprach nein/ er sprach ja /vnd
erwünscht ein stecken/schlug sie Braun vnd blau.
Eulenspiegel lag im Beth / lacht vnd gedacht in
im selber/ nu wil es gut werden/ lag den ganzen
tag/vnd in der nacht da ward er starck / stüd des
morgens frö auff/vnd sprach/ es würd besser/er
wüßte

müßst in ein ander Land / das er rechenet was er vererer het. Der Pfaff rechnet mit jm / vñ was so jr in seinem sinu / das er nit wußt was er thet / vñ name gelt vñ doch kein gelt / vñ was des zu feien den das er nit wandert / des gleichen auch die Kellerin / die was gleich wol vñb seind willen geschlagen / also ward Eulenspiegel bereit / vñd wolt geben. Herr sprach er / seid ermant das jr die beichte offenbart hat. Ich wil ghen Halberstadt zu dem Bischoff / vñd das von euch sagen / der Pfaff vergaß seiner bosheit / da er hört dz in Eulenspiegel in beschwerenuß bringen wolt / da bat er ihn mit großem ernst / das er schweig / es wer geschehen in zornigem mut / er wolt jm xx. gülden geben / dz er in nit verklagt. Eulenspiegel der sprach nein / ich wolt nicht hundert gülden nemen das zu ver schweigen. Der Pfaff bat die Magd mit weinenden Augen / vñd sprach / das sie ihn fragt / was er ihm geben solt / das solt ihm werden. Zu last sprach Eulenspiegel / wolt er ihm das Pferd geben / der Pfaff het das Pferd ganz lieb / vñd hetz ihm lieber alle sein barschaft geben / vñd verließ das on sein danck / vñd die not brachte ihn dahin / vñd gab Eulenspiegeln das Pferd.

Also rheit Eulenspiegel des Pfaffen Pferd ghen Wolffenbeutel / da stund der Herzog auff der Brücken / vñd sahe Eulenspiegeln mit dem Pferd daher traben. Von stund an so ge der fürst den Rock auß / den er Eulenspiegeln gelobt hatt / vñd sprach / Gehin mein Eulenspiegel / hie ist der Rock den ich dir gelobt hab.


Also

Wunderbarliche Histoires/

Also fiel er von dem Pferd/ vnd sprach/ Gnediger Herr hie ist ewer Pferd/ das was dem Herzogen ein grosser danck/ vnd must ihm erzelen/ wie er das pferd von dem Pfaffen bracht het/ da lacht der Fürst/ vnd was frölich danon/ vnd gab Eulenspiegel in ein ander Pferd zum Rock/ Vnd der Pfarrherr betrübte sich vmb das Pferd/ vnd schlug die Magd oft vbel darumb. Also das in die Magd entlieff/ da ward er je beyder ledig.

Die xxxix. History.

Wie Eulenspiegel sich verdinget zu einem Schmid/ vnd wie er in die Belg in den Hof trug.





In Rostock ins land Mecklenburg kam
 Eulenspiegel/vnnd verdingt sich für ein
 Schmidknecht/der selb Schmidt het ein
 sprichwort an im/wenn der Knecht blas-
 sen solt/so sprach er Ja ho/folge mit den belgen/
 Also stund Eulenspiegel auff die Belg vnd bliese/
 Da sprach der Schmidt zu Eulenspiegel mit har-
 ten Worten. Ja ho folge mit den belgen nach/vnd
 gieng mit den Worten in den Hof / vnd wolt sich
 seins wassers entschütten/also nam Eulenspiegel
 den ein Balg/auff den Hals/vnd folgt dem Mei-
 ster nach vnd sprach/ Meister hie bring ich einen
 balg/wo sol ich in hin thun/ich wil dē andern auch
 bringen. Der Meister sahe sich vmb/vnnd sagt/
 Lieber Knecht ich mein es nit also/geh hin vñ leg
 den balg wider an sein statt/das thet Eulenspie-
 gel/vnd trug in wider an sein statt. Der Meister
 gedacht wie er im dz wider belohnen möcht/vnd
 ward in im selber zu rath/wie er fünff tag lāg al-
 le mitternacht wolt auffstehen/die Knecht wecken
 vnd arbeitē. Da wecket er die Knecht/vnd ließ sie
 schmidē. Eulenspiegels gspan sagt/ wz meint
 vaser meister damit/das er vns so frūh wecket/er
 pflegt es sonst nit zuthun? Eulenspiegel sprach/
 wiltu so wil ich den meister fragen/der sprach ja.
 Da sprach Eulenspiegel/lieber meister wie gehts
 zu das ir vns so frū wecket/es ist erst mitternacht?
 Der Meister sprach/es ist mein weiß/das zu er-
 sten meine Knecht acht tag/nicht lenger sollen li-
 gen / den ein halbe nacht. Eulenspiegel schweige
 still/vnd sein gspan dorfft nicht reden/bis an die

G ander

Wunderbarliche Historien/

ander nacht/weckt sie der Meister aber. Da gieng
Eulenspiegels gspan zu arbeiten/da nam Eulen
spiegel das Beth/vñ bands auff den Rücken/vñ
als das Eisen heisz was/ so kompt er von der bän
nen gelauffen zum Ambosz/ vnd schlecht mit zu/
das die funcken in das Beth stuben/ der schmide
sprach/sihe/was machstu da/byt du doll wordē/
mag das beth nicht bleiben ligen/da es sol ligen/
Eulenspiegel sprach/meister zornet nicht/das ist
mein weiß/auff ewr wort/ds ich ein halbe nacht
wil ligen auff dem Beth / vñnd die ander halbe
nacht/ sol das Beth auff mir ligen. Der Meister
ward zornig/vnd sprach zu ihm/ das er das beth
wider hin trüg/ da er das genommen hett / vnd
sprach fúrter zu im in zorn / gehe mir oben auß
dem Hauß/du verzweifelter Schaldē/ er sprach
ja/vñnd gieng auff die Bän / leger das Beth wi
der wo es genommen het/ vnd oberkam ein Lei
ter/stieg in die fúrst/ brach das Dach oben auff
den Latren/vnd nimpt die Leiter/zeucht sie nach
ihm/vnd setzet sie von dem Dach auff die strasse/
steigt also hinab/vnd gieng hinweg. Der Schmit
hört das er da oben boldert/vñnd geht ihm nach
auff die Bän mit dem anderen Knecht/vnd sicht
das er das Dach het zerbrochen/vñnd war dar
durch gestiegen/ da ward er noch böser / vñnd
sucht ein Spieß/lieff im nach auß dem Hauß/ñ
Knecht ergreiff den Meister/vnd sprach zu ihm/
Lieber Meister es ist nicht also / lasset euch sa
gen/er hat doch nichts anders gethan/denn das
ihr ihn geheissen habt / wenn ihr redet oder
saget/

Saget/er solte euch da oben anß dem Hauß gehn/
der Schmide ließ sich berichten/vnd was wolt er
darauf machen/denn Eulenspiegel was hinweg/
vnd mußt der meister das Dach wider plegen laß
sen/der Knecht sprach/ an eim solchen Man ist
nicht viel zu gewinnen/wer Eulenspiegeln niætz
kenner/der lerne ihn kennen.

Die xl. History.

Wie Eulenspiegel einem Schmide/Zem
mer vund Zangen / vund was
er fand/zusamen
schmider.



Wunderbarliche Historien/

Das Eulenspiegel von dem Schmidt kam/
gieng es gegen dem Winter/ vnd der win-
ter wart kalt/ gfreot hart/ vnd fiel ein thew-
re zeit darzu ein. Also dz viel dienstknecht
ledig giengen/ vnnnd da Eulenspiegel kein gelt zu
verzeihen/ wandert er fürter/ kam in ein Dorff/ da
wohnet auch ein Schmidt/ der nam in auff für ein
Schmidt knecht/ aber Eulenspiegel het kein grof-
sen lust da ein Schmidt knecht zu bleiben / allein
der grosse hunger vnd Winters not zwang in da
zu vnd gedacht/ leid was du leiden kanst/ so lang
bisz der Finger wider in die lose erd geht / thu
was der Schmidt will/ der wolt in nit gern auff-
nehmen vmb der thewre zeit willen. Da bat Eulen-
spiegel den Schmidt das er ihm zu arbeiten geb.
Nu was der Schmidt ein arg Mann / nam ihn
auff/ vnd gedacht in acht tagen kan er mich nicht
arm essen/ des morgens bgundten sie zu schmidten
vnd der Schmidt drange Eulenspiegeln mit dem
Hammer hefftiglichen bisz an die Mahzeit. Da es
mittag ward/ da hett der Schmidt ein Secret in
dē hof/ vnd als sie wolten zu tisch gehn/ so nimpe
der Schmidt Eulenspiegeln / vnd fñret in in den
hof zum Secret/ vnd sagt zu im/ sehn das isz/ du
sprichst/ du wilt essen wz ich wil/ auff das ich die
zu arbeiten geb/ vnd disz mag niemands/ das isz
alles/ gieng also ins Haus/ asz das aller best das
er het/ vnd liez Eulenspiegeln beim scheiszhausz
stehn/ Eulenspiegel schweig still vnd gedacht/ du
hast dich verredt/ vnd das viel andern gthan/ mit
der maß wird dir wider gmeessen. Wie wiltu nun
das

das ihm bezalen/es muß bezalt werden/vnd wer
 der Winter noch so hart. Kulenspiegel arbeitet
 für sich biß an den abendt / da gab der Schmidt
 Kulenspiegeln etwas zu essen / denn er hat den
 tag gefastet / vnnnd ihm stach im Kopff / das er
 ihn het zum Secret gwießen. Da nun Kulenspie-
 gel wolt zu Beth gehn / sprach der Schmidt zu
 Kulenspiegeln/stehe morgen auff/die Magd sol
 blasen / vnd schmidt eins für das ander/was du
 hast/vnd haw Huffnegel ab/ so lang biß ich auff
 stehe/ da gieng Kulenspiegel schlaffen / vnd als
 er auffstund/gdacht er wolt im das bezalen/vnd
 solt er biß an die knie im Schnee lauffen/macher
 ein hefftig Fewr/ nam die Zang/schweisset sie in
 dem sand löffel/vñ macht sie zusammen/des gleich
 en zwen Hemmer/des Fewrs Sperhacken/ vnd
 nam den Rumpff darinn die Huffnegel lagen/
 schutt die Huffnegel darauß/ vnnnd hawt ihm die
 Köpff ab/thet die Köpff zusamē/die stefft auch also/
 vñ nimpt seinen schurtz/da er hört dz der Schmidt
 auffstund/vñ gehet hinweg. Der Schmidt kam
 in die Werckstadt/vnnnd sihet / das den Neglen
 die Köpff abgehawen waren / vnnnd die Hem-
 mer/Zangen vnnnd alle ander stücke zusammen ge-
 schmidt vnd gebracht / da ward er sehr zornig/
 vnnnd rufft der Magd / wo der Knecht hinkom-
 mē were/sie sagt/er were für die Thür gangen/
 der Schmidt sprach/er ist gangen als ein Böß-
 wicht vnnnd ein Schalck/wißt ich wo er wer/ ich
 wolt ihm nach reiten / vnnnd ein gute schlappen
 schlagen.Die Magd sagt/er machet etwas vber

G in die

Wunderbarliche Historien/

die Thür/da er hinweg gienge/das sieht wie ein
Eul. Denn Eulenspiegel hat die gewonheit/ wo
er ein Bäckerey thet/da man in nicht kant/da na
me er ein Kreiden / vnd malet vber die Thür ein
Eul/vnd ein Spiegel/ vnd schreibe darüber zu
Latein. Sie fuit / vnd das malet er auch auff des
Schmidt thür / als nun des morgens der Schmidt
auff dem Hausz gienge/da fand er das also/ wie
ihm die Magd het gesagt / wie der Schmidt die
Schriften nicht lesen kundt / gienge er zu dem
Kirchherren/vnd bat ihn das er mit ihm gieng/
vnd das gemeld lese/da sprach er zum Schmidt/
Das bedent so viel/hie ist Eulenspiegel gewesen/
Der Kirchner het viel gehört von Eulenspiegel sa
gen / vnd schalt den Schmidt / das er ihn das
nicht zu wissen het getan/das er ihn doch auch ge
sehen het. Da ward der Schmidt zornig auff den
Kirchherren vnd sagt/ wie wolt ich euch das zu
wissen thun / das ich selber nicht wußt. Aber ich
weiß nu wol/das er in meinem Hausz gewesen ist/
das sticht man an meinem Werkzeug wol/wenn
er nur nimmer kem/daran ist kleine macht/ vnd
nimmet die Kolquest/ vnd wäschet das vber der
Thür auß/vnd sagt/Ich will keines Schalcks
Wappen an meiner Thür haben. Also
gieng der Kirchherr von dannen/
vnd ließ den Schmidt stehn
Über Eulenspiegel
bleib auß/vnd
kam nit her
wider.

Die xli. History.

Wie Eulenspiegel einem Schmide / vnd seiner
 Frau / dem Knecht / vnd der
 Magdt / jeglichem ein
 warheit sager/
 vor dem
 hausz.



So Wißmar kam Eulenspiegel auff ein
 tag/ als er von dem Schmide entlieff/
 da sah er vor der Schmidten stehn ein seu-
 berliche Frau / mit der Magd / vnd was
 des Schmids Frau / da zog er ein dargegen vber
 zu Herberg / vnd brache inn derselbigen Nacht
 seinem Pferdt alle vier Hufeisen ab / vnd fährt
 G ij das

Wunderbarliche Historien/

Das auff den morgen für die Schmidten / vnd er ward bekant/als er nu für die Schmidt kam/vnd das sie solten sehen/das es Eulenspiegel was/da kam die fraw vnd die Magd für das Haus/auff ein Dielen/das sie möchten sehen vnd hören/was Eulenspiegels handlung wer.Da hub Eulenspiegel an vnd sprach zu dem Schmid/ob er im wolt sein Pferd beschlagen/ia sagt der Schmid/ vnd was im lieb dz er mit im reden mocht/vñ mit vil anderen Worten kamen sie zusammen / das der Schmid sagt / wenn er im köndte ein warheit sagen/das warhafftig wer/ so wolt er sein Pferde ein Zufessen auffschlahen. Er sagt ia/wenn ihr habt Eysen/Rolen/vnd Wind in dem Balg/so könd jr wol schmiden/der Schmid sagt/ das ist trawen war/ vnd gabe ihm ein Zufessen / Der Knecht schlug im das eysen auff/vnd sagt zu Eulenspiegeln bey dem Notstall/könd er auch ein war wort sagen/das in antreff/so wolte er auch sein pfert ein hufeysen gebē. Eulenspiegel antwort ia/vnd sagt / ein Schmidtknecht vnd sein Gesell/die müssen beyd hart stehen/wenn sie zu wercken wöln gehn/der Knecht sprach/ es ist war / vnd gab im auch ein eysen. Das sah nu die Fraw vnd die Magd/vnd drungen sich herzu/ das sie auch mit Eulenspiegel zu reden kamen/ vnd sprachen zu ihm / ob er ihn auch ein warhafftiges Wort köndt sagen: sie wolten ihm auch ein jegliche ein Zufessen gern geben. Eulenspiegel sagt ia/vnd sprach zu der Frawen/Welche Frawen viel vnd ein groffe menig vor der Thür stehen / vnd auch
welche

welche viel weisses in den Augen haben / hett sie
zeit vnnnd statt / es wer nicht alles Fisch auff dem
Grad. Die Fraw sprach / das ist in trewen war /
gab ihm auch ein Eisen / darnach sager er zu der
Mago / Megdlin wenn du issest / so hüt dich vor
Kindsfleisch / so darstu nicht in den Fenen Gräb-
len / vnd thut dir auch der Bauch nicht weh. Die
Mago sagt / ey wie ein wahr Wort ist das / vnd
gabe ihm auch ein Eisen. Also rheit Eulenspie-
gel von dannen / vnd ward im sein Pserdt wol be-
schlagen.

Die ylis. History.

Wie Eulenspiegel bey ein Schumacher dienet /
vnd ihn fraget / was Form er zuschneiden
solt: Vnd wie der Meister sprach / groß
vnd Klein / wie der Sewhirt zum
Thor aufztreibt / also schneid
er Ochsen / Käh / Kels
ber / Schaf.

N Was ein Schuhmacher daselbest / den
gieng viel lieber auff dem Marckt vmb
schleichen / denn das er arbeitet / welcher
den Eulenspiegel auffnam / vnd hieß ihn
zuschneiden. Eulenspiegel fraget den Meister /
was form er haben wolt. Der Schumacher sagt /
schneid sie groß vnd Klein / wie es der Schwein-

G v hirt

Wunderbarliche Historien/



hiet auß der dorff sagt. Er sagt ja. Der schumacher
 er gieng auß/ vnd Eulenspiegel schneid zu/ mach
 et von dem Leder / Ochsen / Kalber/ Schaaf/
 Geiß/ Bock/ vnd allerley Vieh. Der Meister
 kam des abends heim/ vnd wolt sehen was sein
 Knecht zugeschnitten hette / da fande er diese
 Thier von dem Leder geschnitten/er ward böß/
 vnd sprach zu Eulenspiegeln. Was hast du dar
 auß gemacht/ vnd das leder also vnnütz zerschnit
 ten: Eulenspiegel sagt. Lieber Meister ich habe
 das gemacht / als ihr es gerne habet. Das du
 das soltest verderben / hab ich dich nicht gehel
 fen. Eulenspiegel sagt. Meister was ist des
 zorns not/ ihr sagt zu mir/ ich solte von dem Le
 der schneiden klein vnd groß/ wie es der schwein
 hirt zum Thor auftreibt / das hab ich. gethan/
 das

das ist offenbar. Der Meister sprach/ ich meiner
 das also/das solten klein vnd groß Schuh sein/
 vnd soltest die nehen / einen durch den andern.
 Eulenspiegel sprach/herr ihr mich das heißen/
 so het ichs geren gethan/vnd thu das noch gern/
 nu Eulenspiegel vnd sein Meister vertragen sich
 mit einander/vnd gab im das zu schneiden/wen
 Eulenspiegel gelobt im / er wolt es nun machen
 wie er es haben wolt/das ers im nur recht sagt/
 der Schumacher schneidet Solen / vnd legt sie
 Eulenspiegeln für / vnd sagt / Nehin / nehe die
 Kleinen mit den grossen/ ein durch den andern/er
 sagt ja/vnd fieng an zu nehen/ vnd sein Meister
 zörnet mit dem aufzgehn/ wolt Eulenspiegel ver
 warn/vnd sehen wie er das mache wolt/wenn er
 wußt was er in heißen het/das er es also thun
 würd/als er auch thet/ nach des meisters heißen.
 Eulenspiegel nam ein kleinen Schuh vnd ein gros
 sen/stach den kleinen durch den grossen/ vnd ne
 het sie also zusammen / vnd als der Meister nun
 schleichen gieng/das was es ihm leid/das er sein
 Solt gewar werden/vnd sahe das er einen Schuh
 durch den andern nehet / da sprach der Meister/
 du bist mein rechter knecht/du thust alles was ich
 dich heisz. Eulenspiegel sagt/ wer thut was man
 ihn heisz der wird nicht geschlagen/was anders
 möglich zu thun ist. Der Meister sprach/ja mein
 lieber knecht/das ist also/meine wort die war al
 so/aber mein meinüg was nit also/ich meiner du
 soltest ein par Schuh umb das ander machen/
 aber du thust nach des worten/ vñ nicht nach der
 meinung/

Wunderbarliche Historien/

meinung vnd ward zornig/vnnd nam im das zu
geschnitten leder/vnd sagt / seh in da hastu ander
Leder/ schneid die schuh vber einen Leisten/ ge-
dachte nicht weiter dar auff / wenn ihm was not
aufzugehen. Der Meister gieng nach seinem
Gwerb/vnd was ein stund auffen/da gedacht er
erst/was er sein Anecht her geheissen/die Schuh
zu schneiden/vber einen Leisten. Er ließ alle sein
Gwerb stehen/ lieff eilends zu hausz. Eulenspie-
gel als dieweil/vnd het das Leder genommen/vnd
schneid das Leder alles vber den kleinen Leisten.
Da nun der Meister kam/ da sah er / das er die
Schuh alle vber einen leisten geschnitten het/ da
saget er zu ihm / wie gehört der groß Schuh zu
dem kleinen? Eulenspiegel sprach ja/wolt jr doch
das haben/ich wil sie noch wol hernacher mach-
en/vnnd schneiden den vordern nach / der Mei-
ster sprach/ besser köndt ich kleiner Schuh schnei-
den nach den fördern/ denn ein größern nach dem
kleinen/du nimmst ein Leist / vnnd der ander ist
zu nicht gemacht / Eulenspiegel sagt / trawen
Meister/ ihr hießet mich/das ich die Schuh solt
zuschneiden vber ein Leisten / Der Meister sagt/
ich hieß dich wol so lang/ dz ich mit dir müß an
Galgen lauffen/vnd sprach fürter/das er im das
Leder/ so er verderbt het / solt bezalen/wo er an
der Leder solt nemen: Eulenspiegel sagt/der Ger-
ber kan des Leders noch mehr machē/ stund auff
vnd gieng zu der Thür / vnd keret sich im Hausz
vmb / vnd sprach/ Vomb ich nicht wider / so bin
ich hie gewesen/vnd gieng hinweg.

Die yltij. History.

Wie Eulenspiegel einem Bawren eine Suppen
begoß vnd thet viel stinckend Fisch
feisset darauff/ für Brats
schmalz.



Das Eulenspiegel viel schaltheit den Sau
machern gethan/ vnd außgericht hett/ da
kame er ghen Staden / verdingt sich aber
mals zu einem Schumacher. Als er nu den
ersten tag arbeiten solt/ gieng sein Meister auff
den Markt/ vnd kauft ein Fuder holz/ vnd ver
hieß dem Bawren ein Supp zu geben / zu dem
Gelt/ vnd bracht den Bawren mit dem holz für
sein Haus. Da fand er niemandt darinn/ denn
die Frawe vnd Magd waren außgangen/ vund
Eulen

Wunderbarliche Historien/

Eulenspiegel war allein im Hausz / vnnnd neher
Schuh / da was dem Meister not wider auff den
Markt zu gehen / befah er Eulenspiegel / das
er nem was er het / vnd machet den Bawren die
eingedingte Suppen. Eulenspiegel sagt ja / der
Bawr warff das Holz ab / kame in das Hausz /
vnd Eulenspiegel schnetz in die Schüssel / vnnnd
fand nirgend seyst in dem Schanck / so gehet er
zu dem Behalter / darinn das schmeckend Fisch
schmaltz was / vnd begosz damit die Suppen / der
Bawr begundt zu essen / vnnnd schmecket das es
vbel stant / doch so was er hungerig / vnd als die
Suppen in dem so kame der Schumacher / vnnnd
fraget wie ihm die Suppen geschmactt het: Der
Bawer sager wie new Schuh / hiemit gieng der
Bawr auß dem Hausz / da ward der Schumacher
er lachen / vnd fragt Eulenspiegeln / wo von er
den Bawren die Suppen hett begossen: Eulen-
spiegel sagt / ihr hiesset mich / ich solt nemen was
ich hett. Nun hett ich anders nichts / den Seefisch
schmaltz / damit hab ich dem Bawren die suppen
begossen / den ich besahe vberal in dem Schanck /
vnnnd fand kein seystre / da nam ich was ich hett.
Der Schumacher sagt / Nun das ist recht / es ist
den Bawren gut genug.

Die vltim. History.

Wie ein Striffelmacher zu Braunschweig Eulen-
spiegel seine Striffeln spicket / dem er
die Fenster auß der Stur-
ben stieß.

Es ist



Eristoffel hieß ein Stiffelmacher zu Braun
 schweig auff dem Kolnmarck zu dem gieng
 Eulenspiegel/ vnd wolt seine Stiffel lassen
 schmieren / sprach Meister / wenn ihr mit
 wolt diese Stiffel spielen/das ich sie wol auß den
 Montag wider haben möchte: der Meister saget
 ja/ Eulenspiegel gieng wider auß dem hauß/ vnd
 gedacht niergends an / als er hinweg was / Da
 sprach der knecht / meister das ist Eulenspiegel/
 der jederman zu schalckhaftig ist / vnd wenn ihr
 ihm das also befolhen hetten / also wie er denn
 euch das geheissen hat/das thet er/ vnd ließ es
 nit. Der meister sprach/was hat er nicht geheissen?
 der knecht sagt/er hieß euch die Stiffel spielen/ vnd
 meint schmieren/nun wolt ich sie nit schmieren/ich
 wolt sie spielen / als man die Druten spielt.

Der

Wunderbarliche Historien/

Der Meister sagt / das wollen wir thun / als er
uns geheissen hat/vnd nimpt den Speck/schneid
ihn/vnnd spickt damit die Stiffel / als ein Bra-
ten. Vnnd Eulenspiegel kompt am Montag wi-
der / vnnd fragt ihn ob die Stiffel bereit weren?
Der Meister hett sie an die Wand gehendct/vnd
zeigt sie ihm/vnd sagt/da hangen sie. Eulenspie-
gel sahe / das die Stiffel also gespickt waren/
vnd ward lachen/vnnd sagt/wie seind ihr so ein
frommer Meister/ habt ihr sie gemacht / als ich
enck hab geheissen? Was wolt ihr dafür haben?
Der Meister sprach ein alten Groschen. Eulen-
spiegel gab ihm den alten Groschen / vnnd nam
seine Stiffel also gespickt / vnnd gieng zu dem
Hausz auß/vnd der Meister vnd der knecht/ die
sahen vnd lachten im nach / vnd sprachen vnder-
einander/ das solt im nicht geschehen sein / nun
ist er gekafft. Mit dem so laufft Eulenspiegel da-
her zu dem hausz/vnd stöszt den kopff vnd schul-
tern in das Glaszfenster / denn die Stub stunde
auff der Erden/ vnd sprach zum Stiffelmacher/
Meister was ist das für Speck / den ihr zu mein
Stiffeln gebraucht habt? Ists Speck von einer
Saw/oder von ein Eber: Der Meister verwun-
dert sich mit dem Knecht. Zu lets sah er/ das es
Eulenspiegel was/der im Fenster lag/vnd stiesz
mit den kopff vnd den Schultern die tadel der
fenster wol halber auß/das sie zum Schumacher
inn die Stuben fielen. Der Meister was zornig/
vnd sprach/wie du Verheter / wilt du das nicht
lassen/so will ich dich mit diesem Ansttel für den
Kopff

Kopff schlahe. Eulenspiegel sprach/ Lieber Meister erzehret euch nit/ ich wist gern was das für speck wer/ damit se mir die Stüffel gespickt habt/ ist das von einer Saw oder von einem eber. Der Meister ward zornig/ vnnnd sagt zu ihm/ das er ihm sein Fenster vnzerbrochen ließ/ Eulenspiegel sprach/ wolt ihr das nicht sagen was es für Speck ist/ so muß ich gehn ein andern fragen. Al so sprang Eulenspiegel wider auß dem Fenster/ vnd wurde der Meister zornig auff sein Knecht/ vnd sprach zu im/ den rath gabstu mir/ nun gib mir auch ein rath/ das meine Fenster wider gemacht werden. Der Knecht schweig still/ der Meister ward vnwillig/ vnd sprach/ wer hat nu den andern geoffet. Ich hab allwegen gehöret/ wer mit Schald'snarren beladen ist/ der sol die schlipffe abschneiden/ vñ sol sie lassen gehn/ her ich dz auch gthan/ so weren meine fenster bieben gang stehn/ der Knecht muß darumb wandern/ vnnnd sohe in Glandern/ ließ den Meister sitzen/ vnnnd macht in also witzig.

Die xlv. history.

Wie Eulenspiegel einen Schumacher
zu Wisznar/ Dreck für Dalk
verkauft/ der gefroren was.

A Vff ein zeit thet Eulenspiegel ein schumacher zu wisznar großen schaden vnd verderbet ihm viel Leders/ das der gut mann gang traurig was/ vñ das vernu Eulenspiegel/

Wunderbarliche Historien/



spiegel/ vnd kam wider gen wismar/ vnd sprach denselben Schumacher den er schaden gthan hat wider an/ wie das ihm ein grosse last Leders vnd Schmalz kommen würde/ da wolt er ihm guten Kauff vnd wolfeil geben/ auff das/ dz er auch sein verlornen schaden wider nach solt kommen. Der Schumacher sagt ja/ das thustu billich/ denn du mich damit zu ein armen Mann gemacht hast.

Wenn dir das gut Kompt/ bit ich dich fleissig/ so sag mirs zu/ drauff schieden sie von einander/ Nun was es in Winters zeiten/ wenn die Schin/ der die heimlichen Gemach reinigen/ zu den kam Eulenspiegel/ vnd gelobt in par Gelt/ das sie im zwölff Thunnen wolten füllen mit Matery / die sie sonst pflegen in das wasser zuführen. Die Schin/ der theren also/ schlug ihm jede Thunn voll/ biss auff

auff vier finger breit vnd lieffen sie stehn/so lang
 das sie hart/gestoren waren/ Da holt sie Eulen-
 spiegel hinweg/vnd auff sechs thunnen begoß er
 oben das dick mit Dalch/ vnd schlug sie hart zu/
 ließ sie zu dem Gilden Stern in sein herberg füh-
 ren/vnd schickt dem Schumacher ein boten. Da
 er kam/schlugen sie das gut oben auff/das gefiel
 de Schumacher wol/ sie vertrug sich des kauffs/
 das der Schumacher Eulenspiegeln gelt solt ge-
 ben xliij. Gulden/darauff solt er ihm bar gelt ge-
 ben xij. Gulden / das ander in einem jar. Eulen-
 spiegel nam das gelt vnd wandert / den er forcht
 das er. Der Schumacher empfieng sein gut/vñ
 was kölich/als einer der seins verlorenen schadens
 oder schulde wider zu kompt/vnd bare vmb hilff/
 das er des andern tags wolt leder schmirren. Die
 Schumacher knecht kamen stark/den sie sich ei-
 nes guten Tropffs vermessen herten/vnd begund-
 ten das werck anzufahn/vnd mit heller stim zu
 singen/als denn auch der Schumacher weiß ist.
 Als sie nun die Thunnen zu dem Feuer brachten/
 vnd fieng an warm zu werden/ da gewannen sie
 gleich wider ihren natürlichen geschmack/vnd ge-
 ruch/da sagt je einer zu dem andern/ ich mein du
 hast in die hosen geschiffen. Der Meister sprach/
 ewer einer hat in ein Dreck gerreten/ wñtzt die
 Schuh/ es stinckt auß der massen sehr vbel / sie
 sucheten vnd forscheten all hin vnd her / sie fund-
 den aber nichts / begundten das schmalz in ei-
 nen Kessel zuthun/vñ wolten schmirren/vñ je tieff
 er sie drein kamen/je sehr es stäckt/zu leist wurden

Wunderbarliche Historien/

sie es innen/ vnd lieffen die arbeit stehn. Der mei-
ster mit den Gesellen lieffen Eulenspiegeln zu be-
suchen/ zu bekümmern vmb den schaden/ aber er
was mit dem Gelt hinweg / vnd sol die anderen
zwölff Gilden noch holen. Also must der Schuh-
macher sein Tuisen mit dem Dalch auff die schel-
mengeub farn/ vnd kam zu zwifeltigem schaden.

Die yloy. History.

Wie Eulenspiegel zu Limbeck ein Bierbräher
ward/ vnd het ein Hund der hieß Hopff/
den sod er für Hopffen.



Behetig macht sich Eulenspiegel mit seiner
arbeit / aber verdienet offft nit viel dancks/
wie man denn spricht. Auff ein zeit came er
ein

ein mal gen Eimbeck / vnd verdinget sich zu einem Bierbrüer. Es begab sich das der Bierbrüer her zu einer Hochzeit wolt gehen / vnd befallt Eulenspiegeln / er solt mit der Magd Bier brähen / auff den tag wolt er in zu hilff kommen / vnd vor allen dingen solt er fleiß haben / vnd den Hopffen wol siedern / auff das das Bier scharpff darvon schmecken würd. Eulenspiegel sprach ja / er wolt das best thun / mit dem gieng der Bierbrüer mit seiner Hausfrawen zu der Thür auß / Eulenspiegel begundt fast zu siedern / die Magd vnderrichtet in / denn sie mehr verstandts darsuff her denn er. Da es nu kam / das man den Hopffen siedern solt / da sprach die magd / ach lieber den Hopffen zu siedern thußtu wol allein / vergönne mir / das ich ein stund den Tanz besehen mag. Eulenspiegel saget ja / vnd gedacht / geht die magd auch hinweg / so hast du ein schalckheit macht. Nun her der Brüer ein groffen Sundt / der hieß Hopff / den name er als das Wasser heiß war / vnd warff in darein / vnd ließ ihn wol versieden / das ihm Haut vnd Haar abgieng / Als nun die Magd widerumb heim gieng / wolt Eulenspiegeln zu hilff komen / da sagt sie / lieber Bruder es ist genug / schlag ab. Als sie nun den Seiltorb färschlug / begundten ein schufen nach der andern einschlagen / da sagt die Magd / hast du auch den Hopffen darein gethan / ich vernimb noch nichts in meiner schufen / Eulenspiegel sprach / auff dem grund wirstu den finden / die Magd fischet darnach / vnd obertam das Reß auff der Schufen / vnd begund laut zu schreien /

Wunderbarliche Historien/

schreien / ey behüt mich Gott/was hastu darein
gethan/der henccker trinck das Bier. In dem kam
der bräuer wol gruncken/vñ sprach/was thut ir
nun mein lieben Rinder: die Magd sprach / ich
weiß nicht was den Teuffel wie thun/ich gieng
ein halbe stundt den dantz zu beschen/vñ hieß vn
sern newen Anecht dē Hopffen diweil gar siedē/
so hat er vnsern Hundt gar gesotten / hie mōget
ir wol seinen Rācken sehen/Eulenspiegel sag ia ir
habt michs doch geheirathet/ist es nicht ein plag/ich
thun waz man mich heisset/theren ander leut Gesinde
halber das man sie hieß/ sie lieffen sich benügen/
nam vrlaub/vnd schied von dannen.

Die xlvij. History.

Wie Eulenspiegel sich zu einem Schneider
verdinget/vnd wie er vnder
einer Bätten
nehet.

ALS Eulenspiegel k̄s ghen Berlin / dā ver
dinget er sich für ein Schneiderknecht/als
er nun auff die Werckstadt saß / sagt der
Meister zu ihm/Anecht wiltu nehen/so ne
he eng vnd wol/das mann es nicht sieht.Eulen
spiegel sagt ja / nimpt ein Nadel vñnd Gewand
vñnd freicht vnder ein Bätten / vñnd stept ein
nat vber ein Antel/vñnd begundt darüber zu ne
hen/der Schneider stundt vñnd sahe das an/vnd
sprach zu ihm.Was wiltu thun: das ist ein selts
ams vñnd wunderbarliches Tehwerck / das du
machst.Eulenspiegel sprach/Meister ihr sagt/ich
solt



solt neben das man es nicht sehe / so sihet es nie-
 mand/der schneider sprach/mein lieber Knecht/
 hör auff vnd nehe nit mehr also / vnd sahe an zu
 nehen dz man sehen kan. Das weret also ein tag
 oder drey/darnach kam es auff ein nacht dazu/dz
 der Meister müd ward/ vnd wolt zu Beth gehn/
 da lag ein grawer Bawen Rock halb vngeneht/
 den warff er zu Eulenspiegeln vnd sagt/schñn/ vñ
 mach dē Wolff recht außz/ vnd geh darnach auch
 zu Beth. Eulenspiegel sagt ja / geht nur hin/ich
 wil jm recht thun. Der Meister gieng zu Beth/
 vñnd gedacht niergendes an. Eulenspiegel nam
 den Rock/schneid in auff/vnd macht darauff ein
 kopff als ein wolff/dazu leib vnd bein/vnd sperret
 das von einander mit stecken / das sahe ein wolff/
 so iiii gleich/

Wunderbarliche Historten/

gleich / vnd gieng auch zu Beth. Des morgens
frund der Meister auff / vnd weckt Eulenspiegel
auch / vnd sind diesen wolff im Gaden stehn. Der
Schneider verwundert sich / doch sah er wol das
er gemacht was / also Kompt Eulenspiegel dazu /
da sprach der Schneider / was den Teuffel hastu
drauß gemacht? Er sprach ein Wolff / als ic mich
hießer. Der Meister sagt / solchen Wolff meiner
ich nicht / nur den grauen Bawrn rock / n ur ich
ein Wolff. Eulenspiegel sprach / lieber meis / ic dz
wißst ich nicht / het ich aber gewißt das ewer mei-
nung also gewesen wer / ich het lieber den rock ge-
macht denn den Wolff. Nun der Schneider was
des zu frieden. Also schickt es sich vber vier tag /
das der meister des abents aber müd ward / vnd
gern geschlaffen het / vnd daucht in / es wer dem
Anecht noch zu früh schlaffen zu gehn / vnd lag
ein rock da / der was gemacht bisz an die Ermel.
Da nimpt der Meister den rock vnd die Ermel /
vnd warff den zu Eulenspiegeln / wärff die ermel
noch an den Rock / darnach geh auch schlaffen.


Eulenspiegel sagt ja / vnd hing den Rock an
ein Hacken / vnd zündet zwey Liechter an / auff
jede Seiten eins / vnd nimmet ein Ermel / vnd
wärff den an den Rock / vnd wenn zwey liechter
verbrant waren / zünd er andere an / vnd warff al-
so die ermel an den rock / bisz an den morgen. Da
frunde der meister auff / vnd kam in laden. Eulen-
spiegel erschrack nit vor dem Meister / vnd warff
also für vnd für mit den Ermeln / der Schneider
frund vnd sah das an / vnd sprach / Was den
Teuffel

Teuffel machstu da für ein Gauckelspiel: Eulenspiegel sprach ernstlich/das ist mir kein Gauckelspiel/ich bin die ganze nacht gestanden/vnd hab sie daran geworffen/sie wöllen mich dran kleben bleiben/es wer besser gewesen/ir het mich lassen schlaffen gehn/denn das ir sie mich hießer erst anwerffen/vnd wissen das es verlorne arbeit was. Der Schneider sprach/ist das nun mein schuld/wisste ich das du das also verstehn woltest:ich meinet nicht also. Da sagt Eulenspiegel/das hab der Teuffel den lohn/pflegt ir ein ding anders zu sagen/denn ir das meiner/wie können ihr das so eben reimen/het ich die meinung also gewisst/ich wolt die Lirmel wol gut angencket haben/vnd het doch ein par stunden geschlaffen/so möge ir jetzt den tag sitzen vnd nehen/so ich wol schlaffens bedürfft/ich will auch gehn schlaffen. Der Meister sprach/kein/ mir nit also/ich will dich nit für einen Schleffer halten/vnd wurden also zanken/das der Schneider in dem zank Eulenspiegeln ansprach/vmb die Liechtere/er solte ihm die bezalen/so er ihm dartzu verbrant het. In dem so rafft Eulenspiegel sein ding zusammen/vnd wandert darvon.

Die vltij. History.

Wie Eulenspiegel drey Schneider knecht von einem Laden fallen macht/vnd darnach zu den Leuten sagt/der Wind hett sie herab ge-
wehet.

Wunderbarliche Hystorien/



Dey dem Markt zu Brenburg was Eulenspiegel zur herberg/ wol rüij. tag. Vnd hart darneben wohnet ein Schneider/ der het drey Knecht sitzen auff ein laden/ vnd wenn Eulenspiegel für sie gieng/ spotten sie sein allwegen/ oder warffen im ferszen nach. Eulenspiegel der schweige still/ vnd wartet der zelt / auff ein tag/ da der Markt voller Leut was/ vnd in der nacht darvor/ da seget Eulenspiegel die Laden pfoften vnden ab/ vnd liesz sie auff dem nidersten stein stehn / des morgens legten die Schneider Knecht den Laden auff die Pfoften/ vnnnd saßen dar auff vnd neheten / da nun der Schweinhirt auffbliesz/ Adas jederman sein Schwein lieffe aufztreiben / Kamen des Schneiders Sew auch auß seinem Hauß / vnd giengen bald vnder das Fenster/

Fenster / vnd begundten sich zu reiben an die La-
den Pfosten / so das die Pfosten wichen von den
reiben vnder dem Laden / das die drey Buecht
von dem Fenster auß die Gassen hart fielen / Eu-
lenspiegel nam je war / begund laut schreien vnd
ruffen / sihe/sihe/der Wind wehet drey Schnei-
derknecht von dem Fenster / vnd ruffet laut / das
mann es vber den ganzen Markt hört / vnd die
Leute setzen darzu / lachen vnd spotten je / vnd die
Buecht schempten sich / vnd wisten nicht/wie sie
von dem Laden oder Fenster waren komen. In lefft
da wurden sie des innen vnd gewar/das die La-
den pfosten waren abgesetzt / vnd merckten wol/
das es in Eulenspiegel gehan het/da schlugen sie
vnder Pfel darunder / vnd dorfften sein nit mehr
spotten.

Die vlig. History.

Wie Eulenspiegel die Schneider in dem ganzen
Sachsischen Landt beschreiben ließ / wie er
sie wolt ein Kunst leren/die solt
inen vnd ihren Kinds
Kindern gut
thun.

EIN versamlung der Schneider beschreib
Eulenspiegel auß in die windischen sted/
vnd in das land zu Sachsen/als nemlich
in dem Landt zu Holstein / Pommern/
Stetin/ vund Meckelburg / auch den zu Lübeck
vnd Hamburg vnd auch denen zu Wisimar vnd
ermant

Wunderbarliche Hystorien/



ermant sie im Brieff grosse trew/ so er zum hand
werck trug/ vnd das sie solten zu im Komen in die
Stad Rostock/ er wolt sie ein Kunst leren die solt
in vnd iren Kindern zu ewiger Gedechnis/ vnd
diaveil die Welt stünde nützlich sein. Die Schnei
der in den Stedten vnd Dörffern / die schrieben
einander zu/ wie ihr meinung wer / auff ein zeit
dahin zu Komen. Nun waren sie alle versamlet/
vnd ein jeden verlanger / was doch das möchte
sein/das Eulenspiegel sager/ oder für ein Kunst
lernen wolte/nach dem er sie so scharpffe verma
net / vnd nach ihn geschriben hette / Kommen
also zusamen ghen Rostock/ nach ihrem abschei
den/das sich viel Lant verwunderten / was die
Schneider da thun wolten. Als nu Eulenspiegel
hört das im die Schneider gefolgt hetten/wis er
sie

sie alle zusamen komen. Da sprachen die Schnei-
 der Eulenspiegeln an / sie weren dar kommen/
 vnd herten ihm gefolgt nach seinem schreiben/da-
 rin er vermeldt hatt/ wie er sie ein Kunst wolt le-
 ren / das ihnen vnd ihren Kindern zu gut solt
 kommen vnd baten ihn/ das er sie wolt fördern
 die Kunst offenbaren/ vnd an tage thun/ sie wol-
 ten im ein gut schick thun. Eulenspiegel sprach/
 Ja. Ich will sie all zusamen auff ein wesen/ das ein
 jeder von mir hören kan. Sie kamen also zusam-
 men auff ein weiten plan. Eulenspiegel steig auff
 ein Haus/ sahe zum Fenster auß/ vnd sprach.
 Erbar Menner / des Handwercks der Schnei-
 der/ ihr sollen mercken vnd verstehen/ wenn ihr
 habet ein Scher/ Elen/ Faden/ vnd ein Finger-
 hut/ dartzu ein Nadel/ so haben ir Gerugs genug
 zu ewrem Handwerck/ das ist kein Kunst zu vber-
 kommen/ sonder es schickt sich selber/ solt ir an-
 ders ewer Handwerck brauchen. Aber diese Kunst
 habet von mir/ vnd gedenckt mein dabez/ wenn ir
 die Nadel gefedert habet/ so vergesset nicht/ das
 ir an dz ander ende des Fadens ein Kropff mach-
 et/ oder ir stechet manchen stich vmb sonst/ so het
 der Faden kein versach / das er auß der Nadeln
 wäscher. Ein Schneider sahe den andern an/ vñ
 sprachen zu ein ander / die Kunst wissen wir also
 vor wol/ vnd alles was er vns gesagt hat/ vñ
 frageten ihn / ob er etwas mehr zu sagen hette-
 den der Fantasie wolten sie nit sehen oder zwölf
 Meilen nachgezogen sein/ vnd dazu einander bot-
 ten geschickt habet/ diese Kunst haben wir Schnei-
 der

Wunderbarliche Historien/

der lang wol gewist. Darauff antwort in Eulenspiegel vnd sprach/Was vor Tausent iarn gschehen ist/dz wer niemant ein gedenck/auch sprach er/wer es ihn nicht zu danck / das sie das nemen für vnwillen/vnd jeder gieng da er herkommen was. Da wurden die Schneider zornig auff ihn/die von weitem kommen waren. Also giengen die Schneider von einander / ein theil waren ganz vnwillig/das sie so fern gangen waren/ die mit hausz da woneten/ die lachten vnd spotteten der andern/vnd sprachen/habt ihr nicht gewist was Eulenspiegel für ein vogel gewesen ist.

Die I. History.

Wie Eulenspiegel Wollen schlug an ein
Heiligen tag.

Der Eulenspiegel gehn Stendel kame/ther er sich für ein Wollenweber auß/ da sagte sein Meister zu im/ lieber Knab/ir Gesellen halt ein Feiertag am Montag/vnd welcher das pflegt zuthun / den habe ich nicht gern in meiner arbeit/ Eulenspiegel sprach / in Meister/das ist mir aller liebst/ da stund Eulenspiegel des morgens auff vnd schlug Wollen / vnnnd des Freitags auch/das bekam dem Wollenweber wol. Da was es am Mittwoch eins Apostels tag/den musten sie feiren/Eulenspiegel aber ibet als ob er nichts wiste / stunde des morgens auff/vnnnd begund zu schnurren/vnd schlug Wollen/das man es vber die ganze strassen höret / der Meister



Meister wuschet von stund an auß dem Beth/vñ
sprach zu jm/hör auff/hör auff/es ist ein Heil-
ger tag. Eulenspiegel sagt/Lieber Meister ihr
verhändet mit doch am Sonntag Keinen Heiligen
tag/sonder wie ich solt die gantz woch außwer-
den. Der Wollenweber sagt/lieber Knecht/das
meinet ich nicht also/sonder hör du auff /vñnd
schlag mit mehr/ was du denn magst verdienen/
das wil ich dir gleich wol geben. Eulenspiegel
war zu frieden/vñnd hielte des abents Collation
mit dem meister. Da sprach der Wollenweber zu
ihm/das ihm wol gelinge die Woll zu schlagen/
sonder er müß sie ein wenig höher schlagen. Eu-
lenspiegel sagt ja/vñnd stundt des morgens gantz
frü auff/spannet den Bogen oben an die latten/
vñnd sagt drunder ein leiter/da steige er hinauff/
vñnd


Wunderbarliche Historien/

vnd macht das die Ruth nach folgen kundt/ biß
auff die hurt/ vnnnd holt denn die Woll vonn der
Hurt / die stund auff der erden biß an die Bän/
vnd schlug die Woll das sie vber das Haus stob.
Der Wollenweber lag im Beth/ hott am Schlag
wol das er im nicht recht thut/ stund auff vnd sah
ihn an. Eulenspiegel sprach/ Meister wie dunckt
euch: ist es hoch genug: Der Meister sprach zu im:
traum ständest du auff dem Dach / so wære es
noch höher / so du also woltest/ herrestu sie wol
auff dem Dach geschlagen/ als du sie auff der Lei-
ter schlegst/ geht damit in die Kirch. Eulenspie-
gel nimpt den Bogen/ steigt auff das Dach/ vnd
schlegt die Woll auff dem Dach / das warde der
Meister auff der gassen gewar/ vnd kompt bald
gelauffen/ vnd sprach / Was den Teuffel machst
du: hör auff/ pflegt man die Woll auff dem Dach
zu schlagen: Eulenspiegel sagt/ was sagt ir nu/
ihr sprachet doch/ es were besser auff dem Dach/
denn auff der Leitern/ denn das wer noch höher/
der Weber sprach/ wilt du Wollen schlagen / so
schlag sie/ wilt du Narrerey treiben / so treib sie/
steig nur voff dem dach/ vnd scheiß bey die hurt/
also gieng der Weber in das Haus/ vnd Eulen-
spiegel steig bald von dem Dach/ geht in ds haus
vnd macht ein grossen hauffe dreds in die Hurt/
Der Wollenweber kam auß dem hof sahe das er
bey der Stuben schiß/ vnd saget zu ihm/ das dir
nimmer guts geschehe / du thust als die Scheldt
alle thun. Eulenspiegel sprach / Meister ich thu
doch anders nichts / denn als ihr mich geheissen
habt/

habt/ir sagten ich solt von dem dach steigen/vnd
 scheissen bey die hurt/warumb zörner jr darumb/
 ich thu als ihr mich doch geheissen habt. Der we-
 ber sprach/du scheisest mir wol auff den kopff vn-
 geheissen/nimb den dreck vnd trag in an ein ort/
 da in niemands habē will/ Eulenspiegel sagt ja/
 vnd nimpt den dreck auff ein stein/ vnd treget dē
 in die Speiszkammer/da sagt der weber/lasz ihn
 dauß/ich wil in nicht darinn habē. Eulenspiegel
 sagt/oz weiß ich wol/dz jr in nicht da haben wöl-
 let/ vnd niemands wil ihn da haben/noch so thu
 ich als jr mich heisser. Der Wollenweber ward zor-
 nig/vnd lieff zu dem stall/vnd wolt Eulenspiegel
 mit einem Scheit an den kopff werffen/ da gieng
 Eulenspiegel zu dem hausz auß/vnd sagt/Kan ich
 den niergend danck verdienen/ der Wollenweber
 wolt dā halt bald erwischen/vnd befudelt die hin-
 ger allzumal/da ließ er den Dreck fallen/ lieff zu
 dem Brunnen/vnnd wusch die heude wider/ die
 weil gieng Eulenspiegel hinweg auß dem hausz

Die ij. History.

Wie Eulenspiegel sich zu einem Käsemer ver-
 dingt/vnnd im in die stuben
 scheißt.

 Ins mals kam Eulenspiegel gen Aschers-
 leben/zu Winters vnd thewre zeit / ge-
 dacht er/was wiltu nun ansehen/das du
 auß dem winter komest/ da woz niemands
 der etnes Knechts bedorfft / denn ein Käsemer/

Wunderbarliche Historien/




der wolt ein knecht annemen von seinem hant/
 werck/da gedacht Eulenspiegel/was wiltu thun/
 es ist winter vñ mußt leiden was du leiden kanst/
 vnd verdingt sich zum Kärszner für ein Knecht/
 als er nun auff die Werckstatt gieng / vnd wolte
 Beltz nehen/was er des geschmacks nit gewont/
 vnd sagt/pfey/pfey/Bistu so weis als freiden/
 vnd stinckst so vbel als dreck/Der Kärszner sagt/
 sih reuchstu das nit gern/vnd gehst dar sitzen/dr
 es stinckt ist natürlich/ vnd es ist von der wollen
 die das Schaf hat auff der rechten seiten. Eulen/
 spiegel schweig vnd gedacht / ein böß pflegt das
 ander zuuertreiben / vnd ließ ein sauren schelß/
 das der meister vnd sein fraw/die Nasen musten
 zuhalten/vnd der Kärszner sagt/was machstu/
 wiltu so vbel farzen/so gehe auß der Stuben in
Zos/

Hof/ vnd schetz so vil du wilt. Eulenspiegel sagt/
das ist ein menschen viel natürlicher zur gesund
heit/ denn der stant von den Schaaff fellen. Der
Bürsner sprach/ das sey gesund oder nicht/ wilts
fersten so geh in Hof/ Eulenspiegel sprach/ Wel
cher es ist verloren/ es wöln nit die Fürtz inn der
Felt sein/ denn sie stündt stets in der wärme/ vnd
das es war ist. so laßt ein Fürtz/ so geht er gleich
widder der wärme zu in die nase / denn er von der
wärme kommen ist. Der Bürsner schweig/ er ver
name wol/ das er mit einer Schalckshaur bela
den war/ vnd gedacht/ er wolt in nit lang brauch
en. Eulenspiegel saß fürter an/ nehet vnd warffe
auf/ vnd huster das Har auß dem Munde. Der
Bürsner saß/ vnd sahe ihn an/ vnd schweig bisz
in den abend/ da sie gessen hetten/ da sprache der
meister zu im/ lieber knecht/ Ich seh wol/ das du
bey diesem Handwerck nicht gern bist / ich laß
michs düncken / du seiest kein rechter Bürsner/
knecht/ wenn du bist des nicht gewont/ herrest du
dar bey nit mehr denn vier tag geschlaffen/ so rüm
pffest du dich nit also darab/ drum lieber knecht/
geluht dich nit hie zu bleiben. / so magstu morgen
wandeln. Eulenspiegel sagt/ lieber meister/ wenn
jhr mir nun wöllet gestatten/ das ich vier Nacht
bey dem werck schlieff/ den sehet jr was ich thut
mag. Des was der Bürsner zu frieden/
denn er bedorfft sein/ vnd fund
auch wol nehen.

Wunderbarliche Historien/

Die 113. History.

Wie Eulenspiegel einem Kürszner in Belzen
schlieff / die waren trucken vnd nass/
als in der Kürszner ge-
betissen hat.



Der Kürszner gieng mit seiner Hausfra-
wen zu beth. Eulenspiegel nam die berei-
ten fell die auff dem Rücken hiengen/ vñ
nimpt die trucken Fell die gelideret wa-
ren/ vnd die nassen / vnd treget sie zusamen auff
die Bän/ kreucht mitten darunder/ vnd schlieffe
also darbey bisz an den Morgen / Da stundt der
Meister auff/ vnd sahe das die Fell von den Rü-
cken hinweg warn/ lieff eilend oben auff die bän/
vnd wolt Eulenspiegeln fragen/ ob er nichts von

den sellen wißt/da fande er Eulenspiegeln nicht/
 vnd sahe das die belz trucken vnd nass durch ein
 ander lagē/ein durch den andern her/da wurde er
 sehr bekümmert / vnnnd rüfft mit weinender stin
 der Magd vnd der Frawen/vnd von dem ruffen
 erwacht Eulenspiegel vnd wäscht auß auß den
 Belzen/vnd sprach/lieber Meister was ist euch/
 das jr so hefftig rufft. Der Kürzner verwundert
 sich vnd wußt nicht was in dem hauffen Belzen
 was vnd sprach/wo bist du? Eulenspiegel sprach
 hie bin ich/ Der meister sprach/ das dich nimmer
 glück bestche/ hast du mir die Belz von den rüß
 en gnommen/die trucken vnd die nassen auß dem
 Balch/die zusamen gelegt/ vnnnd verderbest mir
 eins mit dem andern/was ist das für ein Fantas
 sey? Eulenspiegel sprach/wie meister/werden ihr
 darumb zornig / vnnnd bin nicht mehr denn ein
 nacht darinn gelegen/so wird jr viel böser wenn
 ich vier necht darinn schlieff / als ihr die nechste
 nacht sagten/dz ich des wercks nit gewonet wer.
 Der Kürzner sprach/zu leugst als ein Schald/
 ich hab dichs nit geheissen / das du mir die bereis
 ten Sell soltest auß die Bün tragen/vnd die nas
 sen/vñ darinn schlaffen/sucht ein Knüttel/wolt in
 schlagen / dieweil gieng Eulenspiegel vorn der
 Treppen / vnd wolt zu der Thür außzlauffen/da
 kam die Magd vnd fraw für die Treppen/ vnnnd
 wolten in halten/da rüfft er hefftiglich/laßt mich
 gehn den Arzt holen/ mein Meister hat ein Bein
 en zwey gfallen/da ließen sie ihn gehen vnd lieff
 en die Trepp auß/der Meister herab / vnnnd lieff

Wunderbarliche Historien/

Eulenspiegeln hefftig nach/ vñ felt ober die stam
vnd Magd/ das sie a!! drey bey einander lagen/
also entwüschet Eulenspiegel dem Rärzner.

Die liij. History.

Wie Eulenspiegel zu Berlin einem Rärz-
ner Wölff für Wolffsbeltz
macher.



E Koszlistige leut seind die Schwaben/vñ
wo die des ersten hinkomen vmb narung
vnd die nicht finden/da verdirbt ein an-
derer gar / doch seindt ihr ertliche mehr
gneigt auff den Bierkeug/vnd auff das sauffen/
denn auff ihr Arbeit / deszhalbten ihr Werck statt
wüß ligen. Auff ein zeit wohnt ein Rärzner zu
Berlin/

Merlin/ der was ein Schwab seines handwercks
 sehr kunstreich / auch guter anschlege / er was
 reich/ vund hielt ein gut Werckstat/ Denn er mit
 seiner arbeit an ihm her/ den fürsten des landts/
 die Ritterschafft/ vund viel guter leut vnd Bür-
 ger. Also begab es sich/ das die Fürsten des Lan-
 des ein grossen Hof mit rennen vund stechen des
 Winters halten wolten / darzu er sein Ritter-
 schafft vnd ander Herren beschreib/ als den kei-
 ner der hinderst sein will/ wurde zu denselben zei-
 ten viel Wolffs belz bey dem vorgmelten Kürsz-
 ner zu machen bestellt/ das ward Eulenspiegel ge-
 war/ kam zu dē meister/ vnd bate in vmb arbeit.
 Der Meister bedorfft auff die zeit gesind/ was sei-
 ner zukunfft fro/ vnd fragt ihn ob er auch Wölff
 machen könd? Eulenspiegel sagt ja/ er wer nicht
 der minst im Sachssen land bekant / Der Kürsz-
 ner sprach / lieber Knecht / du kompst mir eben
 recht/ Komm her / des lohns wollen wir vns wol
 vertragen. Eulenspiegel sagt/ ja Meister ich sihe
 euch wol so redtlich an/ ir werdet selbs erkennen/
 wenn ir mein arbeit sehet. Ich arbeit auch nit bey
 andern Gesellen/ ich musz allein sein/ so kan ich
 mein arbeit nach willen vnd ungeirt machen. Al-
 so gab er im ein Stäblin ein/ vnd legt im für viel
 Wolffs heut die zu Belzen bereit waren / vund
 gabe im die mass vonn etlichen belzen groß vnd
 klein. Also begund Eulenspiegel die Wolffs fell
 an zu gehen / schneid zu / vund macht auß den
 Sellen eitel Wölff / vund fült die mit Hew/
 vñ machet in Wein von Secken/ als ob sie lebten.

Wunderbarliche Historien/

Da er nun die Fell all zerschnitten/ vnd die Wölff
aufgemacht het/ da sprach er/ Meister die Wölff
sind bereit/ ist auch etwas mehr zuthun: der weis-
ster sagt/ so mein Ancht/ neh sie als viel du im-
mer thun kanst// mit dem gieng er hinauf/ in die
Stuben/ da lagen die Wölff auff der erden/ klein
vnd groß/ die sahe der Meister an / vnd sprach/
was sol das sein/ das dich der Ritt schützte/ was
hastu mir grossen schaden gethan/ ich wil dich fas-
sen vnd straffen lassen. Eulenspiegel sagt/ Mei-
ster ist das mein lohn/ ich habs doch nach ewrem
eigen willen gemacht/ jr hießet mich doch Wölff
machen/ hett jr gesagt / mache mir Wolffsbeltz/
das het ich auch gethan/ vnd het ich das gewist
das ich nicht mehr dancks solt verdienen haben/
ich wolt so grossen fleisz nit gebraucht haben. Al-
so schied der gut from Eulenspiegel von Berlin/
vnd liesz nirgend guten rhum hinder im / auch
ward im selten etwas guts nach gesagt / vnd zoh
also ghen Leipzig.

Die liiij. History.

Wie Eulenspiegel zu Leipzig den Rhesznern
ein lebendige Zaz neht in ein Hasen-
fell/ sie in ein Sack that/ vnd
verkauft sie den
Rhesznern.

Schnell



Schnell kundert Eulenspiegel ein Schald-
heit erdencken / Als er zu Leipzig den
Kürsznern beweist an der fastnacht/die
sie Zech zusammen hielten/da begab sich/
das sie gern wildpret betten gehabt/das vernam
Eulenspiegel / vnd gedacht / der Kürzner zu
Berlin hat dir nichts für dein arbeit geben/ das
sollen dise Kürzner bezaln. Also gieng er in sein
Berberg/ da het sein Wiert ein schöne Katz / die
nam er vnder sein Rock / vnd bat den Koch vmb
ein Hasenfell / er wolt damit ein hübsche Bābe-
rey zurichten/der Koch gab ihm ein fell / darein
nehet er die Katz/vnd thete Bawen Kleider an/
stundt für das Rathhausz/vnd hielt sein Wild-
pret vnder dem Rock verborgen/so lang bis das
der Kürzner einer daher kommt gelauffen/den
J v frage

Wunderbarliche Hissorien/

fragt Eulenspiegel ob er nicht ein guten Hasen
 kauft: vnd ließ in den sehen/da kamen sie zusam-
 men/das er im vier silberin Groschen für den ha-
 sen gab/vnd sechs pfenning für den alten Sack/
 da der Hasz in stacte/den truge der Kürzhner inn
 ihres Kunstmeisters hausz/da sie alle bey einan-
 der waren mit grossen geschrey/da saget er/wie
 er den schönsten lebendigen hasenn kauft: herr.
 Als sie nun die Hasznacht haben wolten/da lies-
 sen sie den hasen lauffen im Garten/holten Hun-
 de/vnd wolten kurzweilen/die hund lieffen dem
 Hasen nach / als nun der Hasz nicht entlauffen
 fundt/da sprange er auff die Beum / vnnnd rüfft
 Mawan/da die Kürzhner das sahen vnd horten/
 da rüfften sie/ie lieben Stallbrüder/ der hat was
 mit der Hasen geesset / schlägt in todt. Über Eu-
 lenspiegel herrt sich verkleidet / vnnnd was dahin.

Die lv. History.

Wie Eulenspiegel einem Ledergerber Leder
 send/mit Stülen vnd Benden/
 zu Braunschweig auff
 dem Danne.

Als Eulenspiegel von Leipzig reiste/kam
 er ghein Braunschweig zu ein gerber/vnd
 es war Winters zeit/ da gdacht er/dn solt
 dich mit diesem Gerber diesen Winter lei-
 den/vnd verdinget sich zum Gerber. Als er nun
 acht tage bey dem Gerber gewesen was / da
 schickt es sich das der Gerber wolt zu Gast essen.
 Vnd



Vnd auff denselbigen tag solte Eulenspiegel leder
 gar machen / Da sagt der Gerber zu Eulenspie-
 geln / siehe gar den Tuber voll leders. Eulenspie-
 gel sprach ja / was sol ich für Holz dazu nemen?
 Der Gerber sprach / was ist des fragens nothe
 wenn ich kein Holz auff den Holzheusern het / so
 het ich noch wol so viel Stül vnd bench damit du
 das Leder gar machest. Eulenspiegel sagt ja / es
 wer gut / der Gerber gieng zu Gast. Eulenspie-
 gel hieng vber ein Kessel / vnd steckt das Leder
 darein / ein Haut nach der andern / vnd sode das
 Leder alles gar / das man das mit den Fingern
 engwey griff. Als nun Eulenspiegel das Leder
 also gesotten het / zerhiew er Stül vnd Bench ent-
 zwey / alle die im hausz waren / steckt sie vnder den
 Kessel /


Wunderbarliche Historien/

Kessel/ vnd sode das Leder noch basz/ vnd da es
geschähen war / da thete er das Leder auff dem
Kessel/ vnd leger das auff ein hauffen/ gehet auß
dem Hausz vund wandert hinweg. Der Gerber
besorgt sich niemandts für / vnd tranc also den
tag hin / vnd gieng des Abends Doll zu Beth/
vnd des morgens verlangt ihn / wie sein Knecht
das Leder gemacht het/ stund auff/ gieng also in
das Gerbhausz/ vnd fand das Leder also gar ge
sotten/ sind aber weder Stul noch Bend in dem
hausz/ ward des halb ganz trawrig/ vnd gieng
in die Kammer zu seiner Frawen vund sprach/
fraw es ist hie vbel zu gangen/ ich halt es dafür/
das vnser newer Knecht sey Eulenspiegel gewes
sen/ wenn er pflegt alles das zuthun/ das man in
heißt/ er ist hinweg/ vnd hat all vnser Stäl vnd
Bend in das Feuer gehawen/ vnd hat das leder
alles damit zu gar gsotten. Die Fraw ward wei
nen vnd sprach/ folgt im heftig nach / vund holt
in wider. Der Gerber sprach / nein ich beger sein
nicht wider/ er bleib nur daussen/ biß ds ich nach
im schicken werd.

Die lvi. History.

Wie Eulenspiegel den Weinzeffer zu
Lübeck betrog/ als er in ein
Kann Wassers für ein
Kann Wein
gab.

Eulena



Eulenspiegel sahe sich Klüglichen für / als
 er ghen Lübeck kam / vnd hiet sich gebür-
 lich / das er niemants kein schalckheit thet
 wenn es ist zu Lübeck ein scherpfis recht.
 In derselbigen zeit was ein Weinzepffer inn dem
 Rathskeller / der was nu ein Hochmütiger stolz
 er Mann / vnd liesz sich duncken / das niemands
 so weisz wer als er / vnd derfft das auch wol von
 im selber sagen / er wolt auch gern einen solchen
 Mann ansehen / der in betriegen solt / vnd in sei-
 ner Klugheit beithören / darumb wurden ihm viel
 Bürger gram. Als nu Eulenspiegel diesen vber-
 mut des weinzepffers hort / da kint er den schalck
 nicht lenger verbergen / vnd gedacht / das musz
 du versuchen was er kan / vnd nam zwo Käsen /
 die waren beyde gleich gemacher / nimpt inn ein
 Rand

Wunderbarliche Hystorien/

Kann Wasser/vnd laßt die ander lehr/ die trug
er vnder dem Rock verbergen/da das Wasser in
was / die ledig trug er offentlich / vund geht mit
den Kannen inn den Weinkelser/ leßt in messen
ein Stübichen Weins / vund that die Kann mit
dem Wein vnder den Rock/vnd zeucht die Was-
ser Kann herfür/sagt sie in das Kannen fass/dz
ers nicht sahe/vund sprach / Weinzepper / was
gilt das Stübichen Weins? Vierzig Pfenning
sagt er / Er ist zu thewer/ sprach Eulenspiegel/
ich hab nicht mehr denn vier vnd zwentzig pfen-
ning / mag ich in darfür haben? Der Weinzepp-
er ward zornig/vnd sprach/Wilt du meinen her-
ren den Weinschezen / das ist hie ein gefagter
Kauff/wen das nicht gelüst/der laß den wein in
meiner Herren Keller. Vnd nimpt der Weinzepp-
fer die Kann vor bosheit / vnd meiner das wer-
der Wein/ da was es Wasser / genßt das oben
zum spontloch wider ein/ vnd saget/wz bistu für
ein Tor/lassest die wein messen/vnd kauft den nit
bezalen. Eulenspiegel nam die Kann vund gieng
hinweg/vnd sprach/Ich seh wol das du ein Tor
bist/es ist niemands so weiß / er wirdt von den
Toren betrogen / vnd wenn er gleich ein Wein-
zepper wer/vnd gieng damit hinweg.

Die lviij. History.

Wie man Eulenspiegel in Lübeck hengen
wolt/vund er mit behender
schalckheit dauon

Kam.



Das nun Eulenspiegel aus dem Keller gien-
ge / gedacht der Weinzeppfer Eulenspie-
gels Worten erst nach / geht hin / vnd vber
kommt ein Büttel / der laufft Eulenspiegel
nach / vnd erlaufft in auff der Strassen / der Büts-
tel greiff in an / vnd funden diezwo Kannen bey
ihm / Die ledig vnd voll Kann / darinn der Wein
was. Da sprachen sie in an für ein Dieb / vnd für-
ten in in das Gefengnuß. Also ward von etlichen
ein vertheil geben / er hett den Galgen darumb
wol verdient / man solt in darumb hengen / vnd
etlich sprachen / es wer nicht mehr denn ein sub-
tile Bübererey / vnd die meinten der Weinzeppfer
solte auffgesehen haben / als er denn spricht / das
in niemands betriegen könd / vnd das hat Eulen-
spiegel gethan / vmb seiner vermessenheit willen.
Aber

Wunderbarliche Historien/

Aber die Eulenspiegel gram waren / die sprach
en/es were Dieberey / er müßte darumb hangen.
Also das vber ihn das vrtheil wurde geben / der
Todt des Galgens. Nun der Gerichts tag kam/
das man Eulenspiegel aufzuführen vnd henden
solt / da ward ein lauffen inn der ganzen stadt/
das jeder zu Ross vnd Fuß auff was/also das es
dem Rath von Lübeck leid was/das er in solt ab
gedrungen werden / vund verschafften / das er
nicht gehendt werde. Etliche wolten sehen wie er
sein ende wolt nemen/ nach dem als er ein aben
thwerlicher Mensch was gewesen in seinem leben.
Etlich meinten er könd etwas mit der schwarzen
Kunst / vund das er sich damit erledigen wüß/
vnd das mehrer theil die guntten ihn das er ledig
würdt. Aber in der letzten Ausführung was Eu
lenspiegel ganz still/ vnd sprach nicht ein wort/
also das sich jederman verwundert / vund mein
ten er wer verzweifelt / das weret nun biß an
den Galgen/da thet er den Mund auff vnd hieß
den ganzen Rath zu ihm komē/ vnd bat ihn gar
demütiglichen / das sie ihn wolten ein bit gewes
sen / er wolt sie weder vmb Leib / vmb Leben
bitten / noch vmb Gelt oder Gut / etwas gutes
nach zu thun/ noch ewig Missethuns/ noch ewig Spen
den/ noch ewiges Gedechtnus/sonder ein gering
sach / das on schaden wol zu thun ist vnd das der
ehelich Rath von Lübeck leichtlich thun köndt/
on eins Pfennigs kosten. Die Raths Personen
stunden all zusamen / giengen darumb auff ein
sitten zu Rath/vund wurden des zu frieden/ das

sie in seiner bitt folgen wolten/die er vor auß ge-
dingt het/darumb er sie bitten wolt/vnd der wa-
ren etwa mancher/die verlangt sehe was er doch
bitten wolt/vnd sprach zu ihm/was er gebetten
het/das solt geschehen/so fere / als er nicht bit-
ten wolt auß den artickeln/das er vor erselt het/
wolt er das also haben so wolten sie in seiner bitt
gweren. Eulenspiegel sprach/die Artickel/die ich
vor erselt hab/die wil ich euch nit bitten/sonde-
ren wolt ic mit das halten/ drum ich euch bitt/
gebt mir die hendt drauff/dz theten sie allzumal/
vnd gelobten im das mit handt vnd Mundt. Da
sagt der arm gfangen Eulenspiegel/ Ic ehelich-
en Herren von Lübeck/so ic mit nun gelobt habt/
so bitt ich euch/vnd ist das mein bitt/Wenn ich
Gehangen bin/ das denn der Weinzeffer wolte
kommen all morgen/drey tag lang/der Schenck
zum erste/vnd der Kolgrawe darnach/ vnd mich
küssen mit dem Mund nüchtern in den Aes. Da
speiten sie alle auß/vnd sprachen das were nicht
ein zimlich bitt. Eulenspiegel sprach/ ich halt den
ehelichen Rath zu Lübeck so redlich/er werd mir
halten/was er mit zugesagt hat/mit Mundt vnd
mit handt / sie giengen aber all drüber zu Rath/
so das mit gunst vnd ander zusalnder sach ward
beschlossen/ das sie in ledig liessen gehn.

Also zog Eulenspiegel von
dannen mit freu-

den.

X

Die

Wunderbarliche Historien/

Die lviij. Historie.

Wie Eulenspiegel zu Helmstet ein grosse
Dafchen verdingte zu
machen.



WIt einer Dafchen richtet Eulenspiegel
aber ein schalckheit zu/es was zu Helm
stet ein Dafchenmacher/ zu dem kñ E
lenspiegel vnd sprach/ ob er ihm wolte
ein grosse hübsche Dafchen machen: Der Meister
sprach ja/ wie groß sol sie sein: Eulenspiegel sagt/
das er sie groß genug macht/denn es war zu der
zeit/das man großē Herinne Dafchen trug/ die
waren lēit vnd weit. Der Dafchenmacher macht
Eulenspiegeln ein grosse dafchen. Als er darnach
kame vnd besähe die Dafche/ sprach Eulenspieg

gel/Die dasch ist nit groß genug/das ist ein desch
lin/macher mit eine die groß genug sey. Der desch
ennmacher macht ihm ein deschen von einer ganz
en Fühhaut/vnd macht sie so groß/das man wol
ein fertig Kalb darein gestossen hett. Da nun Eulenspiegel
darzu kam / gefiel ihm die Desche aber
nicht/vnd sprach / die desch wer noch nicht groß
genug/wolt er ihm eine machen dz er sie im groß
macht/er wolt im zwen gülden drauff geben. Der
Deschenmacher der nam die zwen gülden / vnn
d macht ihm ein andere daschen/darzu nam er drey
Ochsen heut. Da nu Eulenspiegel diese Daschen
sah/dar sprach er/Meister diese dasch ist groß ge
nug/aber die grosse Dasche die ich meint/ist diese
Dasch nicht/ich will ihr auch nicht/sie ist noch so
klein. Wenn ihr mir ein grosse dasch wolt mach
en/ darein ich möcht ein pfenninge aufneme/vff
das stetigs zwen darinn bleiben / vnn
d nimme
r könd an den bodē greiffē/ die wolte ich euch gern
bezalen/ gfieng also hinweg / vnn
d ließ ihm sein
Daschen.

Die lix. History.

Wie Eulenspiegel ein Mesger zu Erf
furdt vmb ein Braten
betrog.

Er gut Eulenspiegel kundte sein schalck
heit nicht lassen / als er ghen Erffurdt
kame/denn er ward bald bekant von den
Bürgern vnn
d Studenten. Eulenspie
gel gieng eins mals bey den Fleischbendēn hin
A g Da

Wunderbarliche Historien/



Da sprach ein Metzger zu im/er solt etwas kaufen/das er mit ihm zu hause trüg. Eulenspiegel sagt zu im. Was sol ich mit nemen? Der Metzger sprach/ein guten Braten. Eulenspiegel sprach/ja/vnd nimpt den Braten bey dem ende / vnd gieng damit hinweg/der Metzger lieff im nach/vnd sprach zu ihm/nein/ nicht also/du mußt mit den braten bezaln. Eulenspiegel sprach/von der bezalung habt jr mit nicht gesagt/sonder jr sagten/ob ich nit etwas wolte mit mir nemen / vnd het in geweißt auff den braten/das er den mit im solt nemen zu hause/das wolt er beweisen mit seinen Nachbawren/die dabey stunden/die andern Metzger kamen dazu/vnd sprachen außs hafs/ es wer war/die andern warn im gram/ darumb wenn jemand kam zu den andern Metzgern/vnd wolt

wolt etwas Kauffen/so rüfft er den leuten zu sich/
vnd zog inen die Kundschaft ab/darumb stiffen
sie in dazu/das Eulenspiegel den Braten solt be
halten/dieweil der Metzger also sanctt/da nam
Eulenspiegel den Braten vnder den Rock/vnd
gieng damit hinweg/vnd liesz sie sich drüber ver
tragen/auffs best so sie kundten.

Die lx. History.

Wie Eulenspiegel zu Erfurd einen Metz
ger wider vmb ein Braten
betrog.




S Der acht tag kam Eulenspiegel wider vn
der die fleischbent/ da sprach derselbige
Metzger Eulenspiegeln wider an mit spe
A in worten/

Wunderbarliche Historien/

worten/ Kom wider her/ vnd hol einen Braten/
Eulenspiegel sagt ja/ vnd wolt nach dem Braten
tun. Da was der Metzger behend/ vnd nam den
Braten wider. Eulenspiegel sprach/ laßt den bra-
ten ligen/ ich wil ihn bezalen. Der Metzger leget
den Braten wider auff die Banc. Eulenspiegel
sprach zu ihm / Ist es das ich dir ein wort sage/
das dir zu gut kompt/ sol der brate mein sein/ der
Metzger sagt/ ja du möchst mir solch wort sage
die mir nicht nüt weren / du möchtest mir auch
solche wort sagen/ die mir wol gefallen/ vnd wol-
lest den Braten hinweg nehmen. Eulenspiegel
sprach/ ich wil den Braten nicht anrühren/ meine
wort solln dir schmecken/ vnd sprach weiter. Ich
sag also/ wol auff herr seckel/ vnd bezal die leut/
wie gefelt dir das: schmeckt dir das nit. Da sagt
der Metzger/ die wort gefallen m. wol/ aber sie
schmecken mir nicht wol. Da sprach Eulenspiegel
zu denen die herumb stunden/ lieben freunde das
höret ihr wol/ so ist der Braten mein. Also name
Eulenspiegel den braten/ vnd sagt zu dem metz-
ger mit sport/ nu hab ich aber ein braten geholt/
gieng darmit daron/ vnd kam darnach nit wi-
der.

Die lvi. History.

Wie Eulenspiegel zu Drefen ein Schreiner-
Knecht ward/ vnd wider nicht
viel dancks ver-
dienet.



Wald hub sich Eulenspiegel auß Döringen
 gegen Drefen / für den Böhmer waldt an
 der Elb / vnd gab sich auß für ein Schrei-
 ner knecht / da nam er ein Schreiner an /
 der bedorffte Gesellen zu der notturfft / denn sein
 Gesellen herten auß gedient. Nun ward ein hoch-
 zeit in der Stadt / da was der Meister auß gela-
 den / da sprach der Schreiner zu Eulenspiegeln /
 lieber knecht ich muß morgen zur hochzeit gehn /
 vnd werde bey tag nicht widerumb heim komen /
 thu wol vnd arbeit fleißig / vnd bringe als baldt
 die vier Bretter auß das Kontor / außs gnawst
 zusamen in den Leim / Eulenspiegel sprach ja /
 welche Bretter gehören zusamen / der meister lege
 ihm auß einander die zusamen gehörten / vnd
 gieng mit seiner Hausfrawen zu der hochzeit /
 R. in Eulen-

Wunderbarliche Historien/

Eulenspiegel der fromme Knecht / der sich stets mehr fleiß sein arbeit widerwertig zuthun / denn recht / sieng an / vnd durchbort die schönen Frauen Tisch / oder Bontor bretter / die im sein Meister auff einander gelegt het / an drey oder vier enden / schlugs zu hauffen / vnd het den Leim in ein grossen Kessel gefotten / damit er die allenthalben bestrich / trugs auff das Haus / vnd stiesz die oben zum fenster auß / das der leim an der Sonnen solt trucken werden / vnd machet zeitlich feirabendt / Des abents kam der Meister heim / hette wol getruncken / vnd fraget Eulenspiegeln was er den tag gearbeitet het / Eulenspiegel sagt / Meister ich hab die vier Tisch bretter außs genawest in den Leim gebracht / vnd bey guter zeit feirabendt gemacht / das gefiel dem Meister wol / vnd sagt zu seiner frauen / das ist ein rechter Knecht / dem thu gütlich / vnd gieng also schlaffen / Aber des morgens hieß der Meister Eulenspiegeln den Tisch bringen / den er gemacht het / Eulenspiegel kam mit seiner arbeit von der Bühnen gezogen.

Da nun der Meister sah / das im der Schalck die bretter verderbt het / sprach er / Knecht / hastu auch das Schreiner Handwerck gelernt / Eulenspiegel antwort / wie er also fragt / Ich frage darumb / das du mit so gute bretter verderbt hast / Eulenspiegel sprach / Lieber Meister ich hab gethan als jr mich habt bericht / ist es nu verderbt / das ist ewr schuld. Der meister wz zornig vñ sagt du Schalcksnarr / darumb hebe dich auß meiner Werckstatt / ich habe deiner arbeit kein nutz.

Also schied Eulenspiegel von dannen/ vnd ver-
dient aber nicht fast grossen danck/ wiewol er al-
les das that/ das man ihn hiesz/ dennoch was es
nicht recht.

Die lyij. History.

Wie Eulenspiegel ein Brillenmacher ward/ vnd
in allen Landen kein arbeit vber-
kommen fandt.



Als Zornig vnd Zwitterchrig waren die
Churfürsten vndereinander/ also dz kein
Römischer Keiser oder König was/ da
begab sichs/ das der Graue von Supplen-
burg/ von den Churfürsten zum Römischen Kö-
nig geforen ward. Nun waren aber andere/ die

A v. sich

Wunderbarliche Historien/

sich meinten mit gewalt in das Reich zutringen:
Da mußt der new gekoren König sich sechs Mo-
nat für Franckfurdt legen/ vnd warten/wer ihn
da hinweg schlug.

Als er nu so groß Volck zu Rosz vnd fuß bey
einander het / gedacht Eulenspiegel/was ihm zu
thun wer / dahin kommen frembde Herrn / die
lassen mich nicht vnbegabt/ vberkomme ich denn
etlich gelt/ so besteh ich wol/ vnd macht sich auff
den weg. Da zogen die Herrn auß allen Landen/
da begab sich in der Wederaw bey Fridburg das
der bischoff von Trier mit seinem Volck Eulens-
spiegeln auß dem weg gegen Franckfurdt fand.
Als er nun selzam gekleider was/ da fraget in der
Bischoff/ was er vor ein Gesell wer: Eulenspie-
gel antwort vnd sprach. Gnediger Herr / ich bin
ein brillenmacher / vnd komm auß Brabant/ da
ist nichts zu gewinnen / derhalben wolt ich nach
arbeit wandern / so ist es gar nichts auß vnserm
Handwerck. Der Bischoff saget/ ich meiner dein
Handwerck solt vonn tag zu tag besser werden/
versach/ das die Leut von tag zu tag frendter wer-
den/ vnd am Gesicht abnehmen/ derhalben mann
den viel Brillen dörffen wirdt. Eulenspiegel ant-
wort dem Bischoff vnd sprach/ ja gnediger herr/
Ewer Gnad sagt war/ aber einerley das verder-
bet vnser handwerck/ weñ ich das sagen dörffte/
das ewer Gnad drüber nit zörnen wolt: Mein/
sprach der Bischoff/ wir seind das wol gewont/
sag das nur frey. Gnediger Herr / das verder-
bet vnser Handwerck / vund es ist zu besorgen/

das

das es noch damit vertilget wird/denn je vnd an
der grosse Herren/ Pöpst / Cardinel / Bischoff/
Kaiser/ König / die sehen nun zur zeit durch die
Finger/ aber vor zeiten finder man geschriben/
das die Herren vnd Fürsten / all in rechten pfle-
geten zu lesen vnd studieren/auff das niemands
vnrecht geschch/dazu hetten sie viel Brillen/ da
was vnser Handwerck gut/auch so Studierten
die Pfaffen mehr den jetzt/ Da giengen die Weis-
len hinweg/so seind sie nu so Geleert/das sie ihre
Zeit außwendig können /dazu ihre Bücher inn
vier wochen nicht ein mal auffthun / deshalben
ist vnser handwerck verdorbt/ vnd ich lauff auß
ein Land ins ander/ vnd kan ntergends arbeit an-
fomen/der gebrech ist so weit komen/ das es die
Bawren auff dem Land pflegen zuthun.

Der Bischoff verstund den Text/vnd sprach/
Eulenspiegel folge vns nach ghen Franckfurt/
wir wollen dir ein Geschenck geben / da zoge er
mit im hinweg.

Die lytli. History.

Wie Eulenspiegel zu Nidesheim sich zu
einem Rauffman für einen Koch
vnd Stubenheizer
verdingt.

Leich in der Strassen als man von dem
Hewmarckt will gehen / da wohnet ein
reicher Rauffman / der gieng auff ein
zeit vor demselben Thor Spazieren/
vnd wolt in seinen Garten gehn / vnderwegen
auff

Wunderbarliche Historien/



auff ein grünen Acker/ fand er Eulenspiegeln li-
gen/ den grüßet er/ fragt in was er für ein Stall-
bruder were/ vnd was sein handel were: Eulen-
spiegel antwort ihm/ mit verdeckter schalckheit/
vnd sprach also/ er wer ein Büchentnab/ vnd het
keinen dienst. Da sprach der Kauffman zu ihm/
wenn du woltest fromb sein/ ich wolte dich selber
auffnehmen/ vnd dir newe Kleider machen/ wenn
ich hab ein fraw die kriegt all tag vber das Koch-
en. Eulenspiegel globt im grosse trew vnd fromb
Feit/ drauff nam in der Kauffman an/ vnd frage
in wie er hies: Herr ich heisz Bartholomeus. Der
Kauffman sager/ das ist ein langer Nam/ mann
Fan den nicht bald nennen / du solt Doll heissen.
Eulenspiegel der sprach / Ja lieber Juncker/ es
gilt mir gleich wie ich heisse. Wolan sprach der
Kauffman

Kauffman zu Eulenspiegeln/du bist mit ein rech-
ter Knecht/Kom her bald / vnd gehe mit mir in
meinen Garten/wie wollen Kreut mit vns heim
tragen/vnd junge Hüner damit füllen / denn ich
hab auff den nechsten Sonntag Gestr geladen/den
wolt ich gern gütlich thun. Eulenspiegel gieng
mit ihm in sein Garten/vnd schneide Rosenma-
ren/damit er die Hüner füllen wolt / auff welche
manier / die andern mit Zwiblen/Eyern/vnd an-
deren Arentern / vnnnd giengen mit einander zu
haus. Als nun die Fraw den seltsamen gast von
Kleidung sahe / fragt sie ihren Hauswirth / was
das für ein Gesell wer/was er mit ihm thun wol-
te/vnd ob er besorgt das Brod wurd Schmilge.
Der Kauffman sprach / Fraw sey zu friden / er
sol dein eigener Knecht sein/er ist ein Koch/Die
Fraw sprach/Ja mein mann/er sol wol gut ding
Kochen/sey zu friden sprach der Kauffman/du
wirfst es morgē wol sehen/was er kan / vnd küßte
Eulenspiegeln Doll/er antwort bald / Juncker.
Nimb ein Sack vnnnd gehe mit nach vnder die
Fleischbend / wir wollen fleisch zu braten holen/
Also folgt er ihm nach/da kaufft sein Herr fleisch
vnd ein braten / vnd sprach zu ihm/Doll leg den
Braten morgen bald zu / vnnnd solt ihn kühl vnnnd
langsam abbraten / das er nicht verbrenne / das
ander Fleisch setz auch bey zeiten zu. Eulenspiegel
sagt ja/vnd stund des morgens frū auff/vnd setze
die Kost zum fawr/sondern den Braten den steck-
et er an ein Spiz / vnd legt in zwischē zwey vass
Limbeck's Bier / in den Keller/das er kühl lege /
vnnnd

Wunderbarliche Historien/

vnd nicht verbrunt. Als nu der Kauffman den
 Stadtschreiber vnd ander gute Freund zu Gast
 geladen hett/ kam er / vnd wolt besehen ob die
 Gese kommen weren / vnd die Kost auch bereit
 wer/ fragt sein neuen Knecht/ ob er fertig wer?
 Kulenspiegel antwort/ es ist alles bereit/ on den
 Braten / wo ist der Braten? Kulenspiegel sagt/
 er ligt im Keller zwischen zweien Vassen/ kein Kü
 lere stat wußt ich im Haus nicht/ als ihr das sa
 get/ ich solt in kühl legen. Ist er denn auch bereit
 sprach der Kauffman. Nein sprach Kulenspie
 gel / ich hab nit gewußt wenn ihr in haben wolt.
 Inn dem kamen die Gese/ denen sagt er vonn sei
 nem neuen Knecht/ vnd wie er den braten in den
 Keller gelegt het / das lachten sie all/ vnd mach
 ten ein schimpff drauß. Aber die Frau was des
 nicht zu frieden/ vmb der Gese willen/ vnd sagt
 zu ihrem Herren / er solte den Knecht gehen las
 sen sie wolt ihn im Haus nicht lenger leiden / sie
 sehe das er ein schalck were. Der Kauffman sagt/
 liebe Frau biß zu frieden/ ich werde ihn zu einer
 Rheiß ghen die Stadt Gersler bedörffen / vnd
 so ich wider heim komē / wil ich in denn springen
 lassen / Faum kund er die Frau vberreden / das
 sie zu frieden was. Als sie saßen vnd truncken/
 vnd guter ding waren / vnd es auff den abent
 ward / sprach der Kauffman zu seinem Knecht.
 Doll/ richte den Wagen zu / vnd schmier den
 wol/ wir wöllen morgen ghen Gersler fahren/
 es ist ein Pfaff/ der heißt Herr Heinrich Samens
 bet / der ist da daheim / der wil mit fahren.

Da

Da sprach der fromb Knecht Eulenspiegel / ja es sol sein / vnd fragt in / was er für Salb nemen solt: Der Kauffman warff im ein Schilling dar / vnd sprach zu ihm / gehe hin vnd kauff Karren Salb / vnd laß die frau altes feißt darunder machen.

Er thet im also / vnd da jederman schlaffen was / beschmiert Eulenspiegel den wagen inwendig vnd außwendig / vnd am aller meiste da man sitzen solt. Am morgen früh stunde der Kauffmann auff mit dem Pfaffen / vnd hießen Eulenspiegel die Pferd anspannen / das thet er baldt / sie saßen auff / vnd fuhren frölich dahin / da hub der Pfaff an vnd sagt.

Was den galge ist hie so feißt / ich wolt mich halten / das mich der Wagen nit schwendte / vnd beschleiß die hende so gar aller ding / sie hießen Eulenspiegeln still halten vnd sprachen zu im / sie waren beyd hinten vnd vornen gar beschmiert / vnd wurden zornig vber den guten Eulenspiegeln.

In demselben Kompt ein Bawr mit einem fuß der stroh / der wolt zu Marckt damit faren / dem kaufften sie etlich Gebund ab / vnd wüschten den wagen damit / vnd saßen da wider auff. Da saget der Kauffman in zorn zu Eulenspiegeln / Du verlassener Schalk / das dich nimmer glück besteh / fahre nun fort an den liechten Galgen du Schelmhals. Das thet Eulenspiegel. Aber nun vnder einen galgen kam / hielt er still / vnd spaßt die Pferd auß. Der Kauffman sprach / was machstu

damit

Wunderbarliche Historien/

damit du schalck: Eulenspiegel sprach/ ihr hieß/
set mich vnder den Galgen fahren/vnd da seindt
wir darunder / ich meinet wir wolten hie ruhen.
In dem sahe der Kauffman außz dem wagen/da
hielten sie vnder dem Galgen.

Was solten sie thun/sie wurden der Thorheit
lachen/vnnd der Kauffman sprach zu im/ Keng
für du Schalck/vnd fahr fort recht aufz hin/vnd
sihe dich nicht vmb. Nun zoge Eulenspiegel den
Nagel außz dem Langwagen/vnd als er ein Ack
erleng wegs gefaren was / gieng der Wagen
von einander/ vnd das hinderst Gestell mit dem
Höbel bleibe stehn/ vnnd Eulenspiegel fuhr für
sich hinweg/dem sie nach rüfften/vnd lieffen im/
nach biß sie ihn vberkamen. Der Kauffman wolt
ihn zu Todt schlagen / dem der Pfaff halff auffz
best er kundt.

Nun sie vollbrachten die Reiß vnnd kamen
wider zu hausz. Da fragt die frau/wie es im gan
gen wer. Seltsam genug sagt der Kauffman/doch
wie kommen wider/ vnd rüfft damit Eulenspie
gel/vnd sagt/Companien / die nacht bleib hie/
ißz vnd trinck dich voll/vnnd morgen raume mir
das hausz / ich wil dich nicht lenger haben / du
bist ein betrogner Schalck / wo du doch herko
mest. Eulenspiegel sprach/ Lieber Gott/ ich thu
alles was man mich heist/noch kan ich niemands
recht thun / doch gelieber euch mein dinst nicht/
so will ich euch Morgen nach ewern Worten das
Hausz raumen/vnd wandern. Ja / dem thu also
sprach der Kauffman/ nun des andern tags stund

fund der Kauffman auff/ vnd sprach zu Eulens-
 spiegeln. Ist vnd trinck dich satt/ vñ schlep dich/
 ich wil in die Kirchen gehn/ laß dich nicht wider
 finden. Eulenspiegel Schweig still/ vnd als bald
 der Kauffman auß dem Hausz kam/ bgund er zu
 raumen/ Stül vnd Bend/ vnd was er schleyffen
 fund/ das bracht er auff die Gassen/ Kupffer/ Zin-
 werck/ vnd Wachs/ das die Nachbawren sich des
 verwunderen/ was doch drauß werden wolt/ dz
 man alles dz gut auff die Gassen truge. Das ward
 dem Kauffman gesagt. Der kam heftiglichen ge-
 lauffen/ vñ sprach zu Eulenspiegeln. Du from-
 mer knecht/ woz thustu hie? sind ich dich noch hie?
 Ja Juncker / sprach Eulenspiegel/ ich wolt erst
 ewern willen erfüllet haben / denn jr hießet mich
 das Hausz raumen/ vnd darnach wandern? Vnd
 sprach/ greiff mit der hand an/ die Thür ist mit
 zu schwer/ ich kan dz nicht allein gweltigen. Laß
 ligen/ sprach der Kauffman/ vnd gehe für dē teuf-
 sel hinweg/ es hat mehr gekost/ den das man das
 in den dreck werffen sol. Lieber Herr Gott sprach
 der gute Eulenspiegel/ ist das nicht ein groß wun-
 der/ ich thun alles woz man mich heisset / noch kan
 ich niergend danck verdienen/ das betrugt mich
 nicht/ ich bin in einer unglückhafftigen stund ge-
 boren worden. Also schiede der gut fromb Eulen-
 spiegel von dammen/ vnd ließ den Kauffman dz gut
 wider hinein schleyffen/ das er außge-
 räumt het/ das die Nach-
 bawren vor vñnd
 nach lachten.

Wunderbarliche Historien/

Die luttij. History

Wie Eulenspiegel zu Wisimar ein pferde
kueffer oder kofstenschet ward/
vnd ein kauffman
betrog.



Schimpfflich schalckheit thet Eulenspie-
gel einem kofstenschet/ bey dem See zu
Wisimar / wenn dahin kam alleszeit ein
kofstenschet/der kaufft kein pferdt/nur
das er den kauff machet/vnd nicht kauffet/ vnd
zog dem die pferd bey dem Schwantz/das thet
er den pferden die er nicht kaufft/ vnd het sein ge-
merck am ziehen/ob das kofz lang leben wird.
Vnd was sein gemerck also. Het ein pferd ein lan-
gen Schwantz/so zog ers beim Schwantz/stund
im

im das lang hat schwach im schwanz/ so kauft er das nit/denn er het den glauben/das es nicht lang lebe/stund im das hat fest im schwanz/das kauft er/vnd het guten glauben daran / das es lang leben wurde/vnd were harter Natur/vnnd diß was ein gemein sag zu Wismar/ das sich je derman darnach richtet. Diß ward Eulenspiegel auch zu wissen/vnd gedachte/dem mußt du auch ein schalckheit thun/es sey mit was es wöll/ das der irthumb auß dem Volck kumb/so kund Eulenspiegel etwas mit der schwarzen kunst sich behelffen/vnd oberkam da ein Pferd/ vnd macht im da ein Schwanz mit Blut vnd Hartz/ als er das haben wolt/zog damit zu dem marck / vnd both das Pferd theur/auff das sie im das nicht abkauften/so lang biß der Kauffman kam/der die pferd bey dem Schwanz zog/dem bot er das pferd gutes kausßs.

Der Kauffman sahe wol/ das das Pferd schön was/vnd gut für das Gelt/vnd gehet auch her zu/vnd wolt es hart bey dem Schwanz ziehen/vnd Eulenspiegel hett das gemacht. So baldt er dem pferd de schwanz zog/ das er in in der hand behielt/vnd was dem pferd also geschehn/als ob er dem pferd den schwanz het außgezogen.

Der Kauffman war zaghaftig / vnd Eulenspiegel wurde rüffen/vber diesen Böswicht/Sehet lieben Bürger/wie er mit mein pferd verhöner und verderbet hat. Die Bürger kamen auch dazu/vnd sahen das der Kauffman des Pferdis schwanz noch fein in der hand hett / vnd da es

L & sein

Wunderbarliche Historien/

sein Schwanz nicht het/vnd der Kauffman sich
sehr forchte/sielen die Bürger darzwischen/vnd
machten/ das der Kauffman Eulenspiegel gab
zehnen Gùlden/behielt sein Pferd dazu/vnd Eu-
lenspiegel zoh mit sein pferd wider hinweg/ setz
ihm den Schwanz wider an/vnd der Kauffman
zoge nach der zeit / Ein Pferd mehr bey dem
Schwanz.

Die lxx. History.

Wie der fromme Eulenspiegel einem Pfeif-
fendreher zu Lünenburg ein grosse
schalckheit thet.



D Lünenburg wonet ein pfeiffendreher/der was ein Landfarter gewesen/vn mit dem lotter holtz vmbglauffe/ der saß eins mals bey dem Bier/Eulenspiegel kam auch in das geloch/vnd het viel Gesellschaft da. Dieser pfeiffendreher der lud Eulenspiegel zu Gast/inn dieser weiß/das er in essen wolt/vnd sagt zu ihm/Kum morgen zu mittag/vnd isz mit mir/ ob du kanst. Eulenspiegel sprach ja/ verstund das wort so bale nicht / vnd kam des andern tags / vnd wolt zu dem Pfeiffenmacher zu gast gehen/als er nun für die thür kame/wz die oben vnd vnden eingeschlagen/ vnd all Fenster zu/ Eulenspiegel gieng für das Hauß hin vnd her/so lang/das es schier mit tag ward/das Hauß bleib stets zu/da gedacht er wol das er betrogen was/ da lieff er dauon/ vnd schwiege still bisz an den andern tag.

Da kam Eulenspiegel zu dem Pfeiffenmacher auff dem Mark/ vnd sprach zu im. Siehe fromb Mann/pfleget ir das zuthun/ wenn ihr Gest lachend: Gehet selber auß/ vnd thun die Thür vnden vnd oben zu.

Der Pfeiffenmacher sprach/ hörstu nicht wie ich dich bat: Ich sagt/ Kom morgen zu Mittag/ vnd isz mit mir ob du kanst/so fandest du die Thür zu geschlossen/da kündest du nicht hinein kommen. Eulenspiegel sprach/das habt danck/das wußt ich noch nicht / ich lerne alle tag. Der Pfeiffenmacher lacht vnd sprach/ich wil dich nicht vmbstreiben/gehe nur hin heim/mein thür steht offen/du findest gesottens vn gebratens bey dem feuer/

L u j g e h e

Wunderbarliche Historien/

gehe für hin / ich wil dir nachkommen / du solt allein sein / ich wil keinen gast mehr haben / denn dich / Eulenspiegel gedachte / das wird gut / vnd geht bald zu des pfeiffenmachers Hausz / vnd fand er dz / als er im das gesagt hatte. Die magd wendte den Braten / vnd die Fraw stund darbey vnd richter zu. Eulenspiegel kam in das Hausz / vnd sagt zu der frawen / das sie bald solt kommen mit der magd / ihrem Hauszwiert were geschendct ein grosser fisch / das sie im den hülffen heim tragen / er wolt den braten so lang ombwenden / die fraw saget / ja lieber Eulenspiegel / ich wil gehn mit der Magd / vnd behend wider kommen. Er sagt ja / geht bald. Die Frawe vnd Magd giengen zu Markt / vnd der Pfeiffenmacher kam vnderwegen zu ihn / vnd sprach / was sie zu lauffen hetten. Sie sprachen / Eulenspiegel wer in das hausz kommen / vnd het sie geheissen zu im kommen / vnd het gesagt / ihm wer ein grosser fisch geschendct worden / den solten sie heim tragen. Der Pfeiffenmacher sprach / küdest du nicht im hausz bleiben / er hat das nicht umb sonst gethan. Vnd dieweil het Eulenspiegel das Hausz vnden vnd oben beschlossen. Als nun der Pfeiffenmacher vnd seine fraw mit der magd für sein hausz kamen / da fanden sie die Thür zu. Da sprach der pfeiffenmacher zu seiner Frawen. Nun siehest du wol / was du für ein fisch holen solt / vnd sie klopfften an der Thür. Eulenspiegel gieng für die Thür / vnd sagt laßt ewr klopffen sein / ich laß niemand ein / dieser Diert hat mir befohlen / vnd zugesagt /

Ich sol allein hinnen sein/er wolt kein Gast mehr haben/denn mich/darumb so gehet nur hin vnd Kompt nach dem essen herwider. Der Pfeiffenmacher sprach/ds ist war/ich sagt also/aber ich meinet es nicht also. Nun lasset ihn essen sprach der Pfeiffenmacher/ich wil im wider ein schalckheit darumb thun/ vnd gieng mit der Frauen vnd der Magd in des Nachbawren Haus/ vnd hart so lang das Eulenspiegel ledig was/ vnd Eulenspiegel bereitet die Kost gar/ vnd setzet die auff ein Tisch/frasz sich voll/vnd sagt die speisz dar nach wider zum Jeur/vnd da es in gut daucht/da thet er die Thür auff/vnd liez sie offen stehn. Da kam der Pfeiffendreher/vnd sprach zu Eulenspiegel / Das pflegen fromme leut nicht zuthun/ als du gethan hast/lieber Eulenspiegel.

Da sagt der gut Eulenspiegel / Solte ich das thun/selb ander/das ich allein thun solt/wird zu Gast geberen / vnd wolt niemands mehr haben/denn mich allein/vnd brecht im mehr Gese/ das würde dem Wiert nicht gefallen/ vnd gieng mit den worten auß dem Haus. Der Pfeiffenmacher sahe im nach/vnd sprach also. nun ich bezale dich wider/wie schalckhafftig du bist. Eulenspiegel sprach/wer das best kan/der sey Meister.

Da gieng der Pfeiffenmacher von stund an zu dem Schelmenschinder/vnd sagt zu ihm/ in der Herberg sey ein fromm Mann/ der heiszt Eulenspiegel/dem sey ein Pferd gestorben / das solte er aufführen/vnd zeigt im das Haus. Der Schelmenschinder sah das es der Pfeiffenmacher war/

Lüg vnd

Wunderbarliche Historien/

und sprach/iba/er wolte es thun/Vnd fuhr mit dem Schinderkarch für die Herberg/als ihm der Pfeiffenmacher het angezeigt/ vnd fragt da nach Eulenspiegeln. Eulenspiegel kam für die Thüre/ vnd fragt in was er wolte/ Der Schelmenschinder sprach/der Pfeiffenmacher wer bey im gewesen/ vnd het im gesagt/das sein pferd gestorben wer/ Das solt er außfür/ ob er Eulenspiegel hieß: vñ ob es war wer: Eulenspiegel keret sich vmb/ vnd sohe die bruch ab/ vnd zert den Arß weit von einander/ vnd sprach sihe hie/ vnd sag dem Pfeiffenmacher/ ist Eulenspiegel in dieser Gassen mit gefessen/ so weiß ich nit in wß strassen er sitzt. Der Schinder ward zornig/ vnd fuhr mit dem schinderkarchen für des Pfeiffenmachers hauß/ ließ im den karchen also stehn/ vnd verklagt in/ also must der gut Pfeiffenmacher dem Schelmenschinder vñ. Gilden geben. Eulenspiegel satlet sein Pferd/ vnd rheit auß der Stadt.

Die lxxj. History.

Wie der gut fromb Eulenspiegel verspott ward von einer alten Bewrin/da er sein Dasehen verlor
ren het.

En alten zeiten / da wohneten zu Gerdaw im land zu Lünenburg/ein par alte leute / die bey Fünffßig Jaren im Ehelichen stand bey einander gewesen / vnd hetten



hetten grosse Kinder / die sie fúrter berathen vnd
 außgeben hetten. Nun was zu der zeit gar ein
 sündlistig Pfaff auff der Pfarr daselbst / der alle
 zeit gern was / wo man prasser vnd schlempt / der
 macht mit seinen Pfarrleuten also / das auffs we
 nigest im Jar einest / must in ein jeder Bawer zu
 Gast haben / mit seiner Magd ein tag oder zwey
 voll halten / vnd auff das gúlichest thun.

Nu hetten die zwey alten leut in viel jaren kein
 Kirchweih / Kindtauff odder Gastung / da der
 Pfaff ein schlamp danon haben mócht / das es in
 verdross / vnd gedacht ihm ein sún / wie er den
 Bawren darzu brecht / das er ihm ein Collation
 geb. Er schicket ihm einen Botten / vnd fraget
 ihn / wie lang er mit seiner Hausfrawen in dem

L v Ehelis

Wunderbarliche Historien/

Ehlichen standt geseffen were? Der Bawr antwort dem Pfarherrn/ lieber Herr Pfarherr es ist lang das ich es vergessen hab. Dem der Pfarherr antwort/ Das wer ein feheltcher Standt zu seiner seelen heil/ so ir nun fünffzig jar bey einander gewesen seht/ so wer der gehorsam des Ehlichen Standts auß/ als eines Mänschs inn einem Kloster/ des magstu dich mit deiner frauen vnderreden/ vnd komme wider zu mir/ vnd berichte mich der ding/ auß das ich euch helffe rathen zu ewr seelen seligkeit/ das ich meinen Pfarckindern schuldig bin/ Dem thet der Bawr also/ vber schlug das mit seiner Hausfrauen/ vnd künde doch nit gründlich zal ires Ehlichen Standts dem Pfarherr anzeigen/ vnd kamen beyde mit grosser sorgfeligkeit zu dem Pfarherr/ vnd bathen in vmb ein guten rath zu geben/ für ir vnwürdige Zeit willen. Der pfarherr sprach zu in/ nach dem sie kein gewisse zeit wisten/ vnd vmb sorgfeligkeit willen irer seelen/ so wil ich euch auff den nächsten fünffrigen Sonntag auff ein newes wider zusamen geben/ ob ir nit in Ehlichem Standt wert/ das ir von newem darein kompt. Vnd darumb so schlagen einen guten ochsen/ schaf vnd schwein/ vnd bitt ewr kinder vnd gute freund zu ewr kost/ vnd thut in allen gütlich/ so wil ich auch bey euch sein. Ah lieber ja/ Herr Pfarherr/ dem thut also/ es sol mir an ein Schock Körner nicht ligen/ solten wir so lang bey einander gewesen sein/ vnd nun erst auß dem Ehlichen Standt sitzen / das werenicht gut.


Er gieng damit in sein Hansz/ vnd richtet zu.
 Der Pfarrherr lud zu solcher Kost etlich Prelaten
 vnd Pfaffen/da er mit bekant was/ vnder denen
 was der Probst von Ebsdorff/der allzeit ein sen
 berlich Pferd oder zwey her/ vnd auch wol offen
 sehen mochte. Bey dem was Eulenspiegel ein zeit
 lang gewesen/ zu dem kam der Probst/ setze dich
 auff meinen Hengst/ vnd reit mit mir/ du solt wil
 kommen sein/ dem thete Eulenspiegel also. Vnd
 da sie nun kamen/ assen vnd truncken/ vnd frölich
 waren/ da saß die alte Frau/ die die Braut solte
 sein / oben am Tisch / als die Breute pflegen
 zu sitzen/ das sie müd ward vnd sprach/ ließ man
 sie auß/ da gieng sie hinten in den Hof bey dem
 Wasser Gerdaw/ vnd setzet die füß in das was
 ser. Inn dem wolt der Probst mit Eulenspiegeln
 ghen Ebsdorff heim reiten/ da hofiert Eulenspi
 gel der Braut mit dem jungen Hengst/ mit scho
 nen sprängen/ vnd macht dieser so viel/ daß ihm
 sein dasch vnd gürtel von der seiten fiel/ als man
 zu der zeit pflege zu tragen / Da nu das die gut
 Frau sah/ stund sie auff/ vnd nam die Daschen/
 gieng zu dem Wasser/ vnd saß darauff/ da nun
 Eulenspiegel ein Ackerleng wegs hinweg war ge
 ritten/ da vermiszt er erst sein Dasch / vnd rant
 wider ghen Gerdaw/ vnd fragt die gut alte bew
 rin/ ob sie nicht ein alte rostige Daschen vernom
 men oder gefunden hett/ die gut alt Frau sprach/
 ja Freund/ in meiner Hochzeit vbertame ich ein
 alte Daschen/ die hab ich noch/ vnd sitz drauff/ ist
 es die. O ho das ist lange sprach Eulenspiegel/ da

Wunderbarliche Historien/

Du ein Braut warest/ es musz von nöten nun ein
rostige dasche sein/ ich beger deiner alten Desche
en nit/ aber wie schalckhaftig vnd listig er was/
so ward er dennoch von der alten bewrin geäfft/
vnd must auch seiner Deschen entberen/ dieselbi-
gen Deschen haben die frawen zu Gerdaw noch/
Ich glaub das die alten witwen dieselbig in ver-
warnung haben/ Wem etwas daran leg/ der möch
te darnach fragen.

Die lyvis. History.

Wie Eulenspiegel einen Bawren betrog/
vmb ein Grün Ländisch Thuch vor
Olgen/ vnd in vber redt
das es Blaw
wer.

 Esottens vnd Gebratens wolt Eulens-
piegel allzeit essen / darumb must er se-
hen/ wo er es neme. Auff ein zeit kama
er in dem Jarmarckt ghen Olgen/ vnd
besahe hin vnd her was zuthun wer/ vnder anda-
rem/ so sieht er das ein Landman ein Grün Län-
disch Thuch kauft/ vnd wolt damit zu hausz/ da
gedacht Eulenspiegel auff das letzte / wie er den
Bawren vms das thuch möcht bringen/ vnd fra-
get nach dem Dorff/ da der Bawer her/ oder da
heim was/ vnd nam zu im ein Schotten Pfaffen/
vnd auch ein losen Gsellen/ vnd gieng mit denen
auffs der Stad auff den weg/ da der bawer herk-
men solt/



men solt/ vnd machet da sein anschlag/ wie sie im
 thun solten wenn der bawr mit dem grünen ruch
 keme/ das es blaw were / vnd ihr einer solte ein
 halbe Ackerleng von dem andern gehen / gegen
 der Stad zu. Also/ da der Bawr mit dem Thuch
 auß der Stad gieng/ im willen/ das Thuch heim
 zu tragen / Eulenspiegel sprach den an/ wie er
 das schöne blaw Thuch gekaufft het: Der Bawr
 antwort/ es wer Grün/ vnd nicht blaw. Eulen-
 spiegel sprach/ es wer blaw/ daran wolte er zwey-
 zig Gilden setzen/ vnd das nechste Mensch das
 daher keme/ das Blaw vnd Grün kennen künd/
 der solt ihm das wol sagen/ da gab Eulenspiegel
 dem ersten ein Zeichen/ das er kame/ zu dem sage
 der Bawer / Frendt / wir zwen sein zweyspen-
 sig vmb die Farb von diesem Thuch / sage die
 Wahrheit/

Wunderbarliche Historien/

Wahrheit/ob es Grün oder Blaw sey / vnd was du vns sagest / darbe wollen wir es lassen bleiben. Der hub an vnd sagt/das ist ein recht schön Blaw Thuch. Der Bawr sagt nein/ ihr seid beyd Schalk/ir haben das beyde mit einander angelegt. Da sprach Eulenspiegel/Wolan/auff das du sehest das ich recht habe/so wil ich dir das zu geben/ vnnnd bey diesem frommen Priester lassen bleiben/der daher kommet/ was der sager / das sol mir wol vnd vbel thun/des was der bawr nun auch zu frieden. Als nun der Pfaff neher hinzu kam/da sprach Eulenspiegel zu ihm/ Herr sager recht/was farb hat diß thuch: Der Pfaff sprach/das sehet ihr selber wol. Der Bawer sprach/ihre Herr das ist war/aber die zwen wollen mich eins dings oberreden/ das ich weiß das es erlogē ist. Der Pfaff sprach/was hab ich mit ewrem hader zuschaffen/was frag ich darnach/ob es schwarz oder weiß sey. Lieber Herr sagt der Bawr/ entscheidet vns/ da bit ich euch vmb. So ir das haben wolt/sprach der fromme pfaff/ so kan ich nit anders erkennen/ denn das das Thuch blaw ist. Hörst du nun wol/ sprach Eulenspiegel / das das tuch mein ist/der Bawr sagt/ fürwar Herr/ wenn ihr nicht ein Geweichrer Priester wert / so sprach ich gern ihr lügen alle drey/ vnnnd werend schelck daru. Aber so ihr gern ein frommer Priester weren/so muß ich schweigen/ vnnnd muß es glauben/ wie wol es erlogen ist / vnd mußte also der gut Bawr das glauben/ vnd Eulenspiegeln das Thuch lassen.

Die lxxij. History.

Wie Eulenspiegel zu Hanower in die Badstuben schickte / vnd meint es wer
ein Haus der reinig-
keit.



Dem Lien Thor zu Hanower in der
Badstuben wolt der Bader nicht das es
ein badstuben heißen solt sonder es hieß
ein Haus der reinigheit / des warde Eulenspiegel
innen / vnd als er ghen Hanower kam /
da gieng er in die Badstuben / vnd zog sich auß /
vnd als er in die Badstube trat / Da sprach er /
Got grüß euch Herr vnd ewer Hauszgsind / vnd
alle die in diesem Reinhausz sind / dem Bader
was es lieb / vnd hieß ihn willkommen sein / vnd
sprach /

Wunderbarliche Historien/

sprach/ Herr Gast ihr sagt recht/ das ist ein Kei-
hausz/ vnd ist auch ein Hausz der reinigkeit/ vnd
ist kein Badstuben / wenn der Staub ist inn der
Sonnen/ in der Erden/ in der Aschen / vnd auch
in dem Sand. Da sprach Eulenspiegel / das ist
ein Hausz der Reinigkeit/ das ist offenbar/ wenn
wir gehen vnrein herein/ vnd rein wider hinaus/ /
mit dem so scheiszt Eulenspiegel einen grossen
hauffen in dem wasserrog mitten in die Badstü-
ben / das es in der ganzen Stuben stinck. Da
sprach der bader/ Nun sihe ich wol das die wort
vnd werck nicht gleich seind/ die wort waren mir
angenehm/ Aber deine werck seind mir nicht rät-
lich/ wenn deine wort waren gut/ aber deine werck
stincken vbel/ pfleget man disz im Hausz der Rei-
nigkeit zuthun? Eulenspiegel sagt / Ist das nit
ein Hausz der Reinigkeit/ ich het hüßen mehr be-
helffen denn daussen / ich wer sonst nicht herein
komen. Der Bader sagt / die Reinigkeit pflege
man auff dem scheisshausz/ Das ist ein hausz der
Reinigkeit von Schwißen / vnd du machst ein
Scheisshausz darausz. Eulenspiegel sprach / ist
das nicht Dreck von Menschen leib kommen: sol
man sich reinigen so muß man innen als wol rei-
nigen als aussen. Der Bader ward zornig/ vnd
sprach / solche reinigung pflegt man auff dem
Scheisshausz zuthun/ vnd der schelmenschinder
pflegt das auß zu führen auff die schelmengrub/
vnd das pfleg ich nicht auß zu waschen/ vnd mit
diesen Worten hieß der bader Eulenspiegel auß
der Badstuben gehn. Eulenspiegel sprach/ Herr
Wirt

Wiert lasset mich für mein Gelt Baden / ihr wöl
 let viel Gelt haben / so wil ich auch wol Baden:
 Der Bader sprach / das er nur außgieng auß / sei
 ner Badstuben / er wolt seines gelts nicht haben /
 wolt er nicht gehn / so wolt er im bald die thür zeñ
 gen. Da gdaucht Eulenspiegel / hie ist böß fechten
 mit Schermessern / vnd gieng also zu der Thür
 auß / vnd sprach / da hab ich für ein Dreck wol ge
 badt / vnd zog sich da wider an / in einer Stuben
 da der Bader in aß mit seinem Hausgesindt / da
 versperrt ihn der Bader / vnd wolt ihn also er
 schrecken / als ob er in wolt fahen lassen. Diweil
 meint Eulenspiegel / er wer nit genug gereiniget
 in der Badstuben / vnd siht einen zusamen geleg
 ten tisch / den thut er auff / vnd scheißt ein Dreck
 darauff / vnd thet den tisch wider zu. Also zuhand
 liess ihn der bader wider auß / vñ waren der sachs
 en wider eines. Da sprach Eulenspiegel zu ihm /
 lieber Meister / in dieser Stuben / bin ich erst
 ganz gereiniget worden / gedend't mein in gu
 tem so es mittag wird. Ade ich scheid darvon / vñ
 mit diesen worten schied er von dannen.

Die lxiij. History.

Wie Eulenspiegel zu Bremen Milch Kaufft
 von Bewrin vnd sie zusamen
 schätzen ließ.

Seltzam vnd lecherlich ding treib Eulen
 Spiegel zu Bremen. Auff ein zeit came er
 dahin da ward ein grosser Jarmarkt / vñ
 M sah

Wunderbarliche Histoires/



sah das die Bawrin viel Milch zu Markt brachten. Da wartet er eins mals drauff auff ein markt tag da kam vil milch dar/da oberkam er ein grosse Bütten/ vnd setzet die auff den Markt/ vnd kauft alle die Milch auff/ die auff dem Markt kam/ vnd liesz sie all in die Bütten schütten/ vnd schreib jegliche fraw an zu ring herum/ die eine so viel/ die ander so viel/ vnd also für auß/ vnd sagt den Frawen/ sie solten harren/ so lang bisz er die Milch bey einander het/ so wolt er ein jeglich bezaln. Die Frawen saßen da auff dem Markt/ in einem ring herum. Eulenspiegel kauft der milch so vil/ das kein fraw mit milch mehr kam/ vnd der Tuber was auch gar voll. Da came Eulenspiegel/ macht ein schimpff/ vnd sagt/ ich hab auff disz mal kein Gelt/ welche nicht harren vnd waren

warten wil Vierzehen tag/die mag jr milch wi-
der auß der Büten nehmen/vnd gieng mit hin-
weg. Die Bawen machten ein Rumor/die hette
so viel gehabt/die ander so viel/die dritt desglei-
chen/also das sich die frawen drüber mit eyern
vnd Lögeln/ flaschen einander nach den Köpfen
warffen/ schlugen vnd gossen einander die milch
vnder die augen/vnd schüttten einander die milch
auff die Kleider vnd erden/das es sahe/als hett
es milch geregnet/die Bürger die es sahen/lach-
ten der schalckheit/das die frawen also zu marcke
giengen/vnd Eulenspiegel ward sehr gelobt in
seiner schalckheit.

Die lxx. History.

Wie Eulenspiegel Zwölff Blinden saget/
er hette ihn Zwölff Gilden geben/
vnd meiner ein jeglicher der
ander het die Zwölff
Gilden/vnd
was doch
nichts.

Als nun Eulenspiegel ein Land auffwan-
dert das ander nider/kam er ein zeit wider-
ghen Hanower/vnd treib da vil selzamere
abenthewr/da reit er ein zeit für das Thor
ein Ackerleng wegs spaciern/ so begegneten ihm
zwölff Blinden leut/ als nun der gut Eulenspie-
gel

Wunderbarliche Historien/



gel zu ihnen kam/sprach er/woher ir blinden. Die
 Blinden stunden vnd horten wol das er auff ein
 pferd saß/meineten es wer ein ehrlicher Mann/
 vnd zogen ir hüt vnd Rappen ab/vnd sprachen/
 lieber Juncker/ wir seind in der Stad gewesen/
 da was ein reicher man gestorben/ dem hielt man
 ein Seel ampt/vnd gab spend/ vnd es was med
 tig kalt. Da sprach Eulenspiegel zu den blinden/
 es ist gar kalt/ ich fürcht ir werd erfriern zu tod/
 nemet hin zwölff Gilden/gehet darmit wider in
 die Stad/zum Hausz Fritz in die Herberg/vnd
 verzert die zwölff gilden vmb meint willen/ biß
 der Winter hinweg ist / das ir vor frost wider
 wandern mögt. Die blinden stundē neigten sich/
 vnd danckten im fleissig / vnd meinet ir ein blind
 der der ander het das Gelt/ vnd der ander meint
 der

der dritt het das gelt/ vnd so fort an/das der letzte
meinet der erst het das gelt. Also giengen sie in
die Herberg/ da sie Eulenspiegel hin weißet/ vnd
sprachen/ es wer ein gut Mann für sie geritten/
vnd het ihn zwölff gülden vmb Gottes willen ge
ben/das mit sie vmb seinet willen verzert/bisß es
der Sommer Kompt/den es wer jezund sehr kalt.
Der Wiert was gericht nach dem gelt / name sie
dafür an / vnd gedacht nicht drauff / das er sie
gefragt het/ vnd gesehen welcher Blind das gelt
het/vnd sprach/ja lieben Brüder / ich wil euch
gütlich thun/er schlug vnd hiew zu / Kochet den
Blinden/vnd liesß sie zeren/ so lang in daucht/dz
sie zwölff Gülden verzert hetten/da sprach er/lie
ben brüder /wollen wir ein mal rechen/die zwölff
Gülden seind gar bald verzeret.

Die blinden sagten ja/vnd ie einer sprach den
andern an/Welcher die zwölff Gülden het/das er
den wiert bzalt/der ein het die zwölff gülden mit/
der ander het sie auch nicht/der dritt auch nicht/
der vierdt desz gleichen / der letzte mit dem ersten
hett sie auch nicht.

Die Blinden sassen vnd krazten die Köpffe/
wenn sie waren betrogen/der Wiert desz gleichen
sazß vnd gedacht/verleurestu sie nun/so wirdt die
deine Kost nicht bezalt/ beheltest du sie denn/ so
fressen sie vñ zeren noch bazß/habē dennoch nichts
vnd bist in zweien scheden / schlug sie hinden in
den Schweinstall/beschloß sie/ vnd legt ihn für
Brodt vnd Stroh/vnd Hew.

Eulenspiegel gedacht / es sol nun bey der zeit

M iß sein

Wunderbarliche Historien/

sein/ das die vnseeligen Blinden solches Gelt vert
zert herten / verkleidet sich vnd reit in die Stadt
zu diesem wiert in die Herberg. Als er nun in den
Hof geritten kam / vnd wolt sein Pferdt in den
Stall binden / sihet er das die Blinden inn dem
Schweinstal lagen. Da gieng er inn das Haus:/
vnd saget zu dem Wiert / Herr Wiert / was sinn
haben ihr dazu / das jr die armen blinden leut in
dem Stal laßt liegen? Erbarmet euch nicht/das
sie essen/das ihn am Leib vnd Leben wehe thut.
Der wiert sprach/ich wolte das sie weren/da alle
Wasser zusamen komen/het ich mein Kost bezalt/
vnd sagt ihm alles wie er von den Blinden betro
gen wer. Eulenspiegel sprach/Wie Herr Wiert/
möget ihr kein Bürgen vberkommen. Der Wiert
gedachte/ O her ich jez einen vnd sprach/ freund
kündt ich ein gewissen Bürgen vberkommen/den
neme ich an/vnd lies; die vnseeligen blinden laufs
fen. Eulenspiegel sprach/wolan/ich wil die gan
ze Stadt umbsehen / das ich euch ein Bürgen
vberkommen. Also gieng Eulenspiegel zu dem
Pfarherr / vnd sagte zu ihm. Lieber Herr Pfare
herr/wöllet ihr thun als ein guter Freund/ mein
wiert allhie ist besessen mit dem bösen geist in die
ser nacht/ vnd der lezt euch bitten / das ihr mit
Beschwerden in dauon erledigen wolt.

Der pfarrherr sagt ja/sonder er müßt ein tag
oder zwen harn/solch ding möchte man vberet
len. Eulenspiegel sagt/ ich wil hingehn/vnd sein
Sraw holen/das jr es zu jr selber sager.

Der pfarrherr sagt ja/lasset sie herkommen.

Da

Da gieng Eulenspiegel zu seinem Wiert/ vnd sprach zu im/ ich hab euch einen Bürgen bekommen/das ist ewer Pfartherr/der wil darfür geloben/vnd euch geben das ihr haben solt/ so lasset die fraw mit mir zu im gehn/er wil ihr das zusagen/Der Wiert was des zufrieden/ vnd schicket sein fraw mit im zu dem Pfartherr. Da hub Eulenspiegel an/Herr Pfartherr/hic ist die fraw/saget je nun selber/als ir mir saget/vnd gelobt habet. Der Pfartherr sprach/ia liebe fraw/ verziet her ein tag oder zwen/so wil ich im denn helfen/die fraw sagt ja/vnd gieng mit Eulenspiegeln wider zu hausz/vnd sagt das irem Mann/ der was fro/ließ die Blinden gehn / vnd sagt sie ledig/vnd Eulenspiegel schleich von dannen.

An dem dritten tag gieng die fraw hin / vnd manet den Pfartheren vmb die zwölff gülden/ds die Blinden verzert herten/der Pfartherr saget/ liebe fraw hat euch ewer Hauszwert das geheissen/Die fraw sagt ja.Der Pfartherr sprach/das ist der bösen Geist art/ das sie Gelt begern. Die fraw sprach/das ist kein böser Geist/ bezahlt im die kost.Der Pfartherr sagt/ mir ist gesagt/ewer Mann sey besessen mit dem bösen Geist / holet mir ihn / ich wil ihm daruon helfen mit der hilff Gottes. Die fraw sagt/ das pflegen Schelet zuthun die Lügner sind/so sie sollen bezahlen.

Ist mein mañ gefangen mit dem bösen Geist/
das soltu sehen/ließ zu hausz/sagt es irem mañ/

Was

Wunderbarliche Historien/

was der Pfarherr gesagt hett. Der Wiert ward bereit mit spieß/ vnd hellepatten/ vnd lieff hin zu dem Pfarthof/ Der Pfarherr wardts gwar/ vnd rüfft seinen Nachbawren/ segnet sie/ vnd saget/ Kompt mir zu hilff lieben Nachbawren/ sehet die ser Mensch ist besessen mit dem bösen Geist. Der Wiert sagt/ Gedend Psaff/ vnd bezal mich.

Der pfarherr stund vnd segnet sich. Der wiert wolt den pfarherr schlagen. Die Nachbawren kamen dartzwischen/ vnd Fundten sie kaum mit grosser noth von einander bringen. Vnd dieweil der Pfarherr lebet/ weret das mit dem Wiert/ den den pfarherr vmb den ganzen schaden mant.

Vnd der Pfarherr sprach/ er wer ihm nichts schuldig. Sonder er were besessen mit dem bösen Geist/ er wolt im bald daruon helfen/ das weret dieweil sie beyde lebten.

Die lxxj. History.

Wie Eulenspiegel zu Bremen seinen
Gesten den Braten auß dem
hindern berreuffet.

Als nun Eulenspiegel die Büberey zu Bremen het außgericht/ ward er ganz wol bekant in der Stadt / das ihn die Bürger wolbey inen leiden mochten/ vnd in allen schimpffen gern haben wolten. Eulenspiegel was lang



lang in der Stadt/bisz ein versamlung von Bär
 gern vnd auch von einwonern / als Rauffleuten
 geschahē / die hetten ein Collation vnder einan-
 der/das einer zu vor auß ein Braten/ Rész vnd
 Brodt/vnd welcher nicht kam/ohn sonder groß
 not / der muste dem Wiert die Zech gar bezahlen.
 Auff solches Geloch came Eulenspiegel/ vnd sie
 namen ihn zu jnen für ein Schimpffman/ das er
 mit jnen Collation hielt/als nun das Geloch her-
 rumb giengē/came es auff Eulenspiegeln auch/
 da lude er seine Zechgesellen in sein Herberg/vnd
 kauft einen Braten/ vnd legt in zu dem Feuer.
 Als nu schier essens zeit wolt werden. Da kamen
 die Zechgesellen auff dem Markt zusammen/ vnd
 sprachen vnder einander/wie sie wolten Eulenspi-
 geln zu ehren gehn/ vnd einer fragt den andern/

W v wüßte

Wunderbarliche Historien/

wüſte jemand ob er auch etwas gekocht het oder nicht / das ſie nicht vergebens dar kemen/ vnd wurdens alſo eins/ das ſie zuſamen wolten dahin kommen/ es wer beſſer ſie empfiengen den ſpott mit einander/ denn einer allein. Alſo da die Sechſ-
geſellen für die Thür kamen/ da der gut einfeltig
Eulenspiegel in zu herberg was / nam er ein ſtück
Butter/ vnd ſtieß das hinten in die Kerben/ vnd
Fert den arß hinten zu dem feur/ ober den Brä-
ten/ vnd betreuſt den Braten mit der Buttern/
auß der Kerben. Da die Geſt für die thür kamen/
ſtunden vnd wolten ſehen/ ob er auch etwas ge-
kocht het / da ſahen ſie das er alſo ſtund bey dem
feur/ betreuſt den Braten. Da ſprachen ſie/ der
Teuffel ſey ſein Gaſt / ich iß den Braten nicht/
vnd Eulenspiegel manet ſie vmb die Vren/ die
ſie im geu gaben / auff das ſie von dem Braten
nicht dorfften eſſen.

Die lxxij. History.

Wie Eulenspiegel in einer Stadt in Sachſen
ſen Schelck ſeet.

Ald darnach kam Eulenspiegel zu der We-
ſer in ein Stadt / vnd bleibe da ſo lang/
das er alle Zündel innen wardt/ denn er
het da zwölff herbergen/ was er in einem
Hauß lebend/ das fand er im andern wider/ hört
vnd ſah/ das er nicht wußt/ vnd ſie wurden ſein
müd/ deß gleichen warde er ihr auch müd / vnd
erbram bey dem Waſſer kleine Steinlin/ gieng
auff der gaſſen vor dem Rathauß vnd orten auff
vnd



vnd nider/ vnd seet sein Saat zu beyden theilen/
da kamen die frembden leut darzu/ vnd fragten
was er seet: Eulenspiegel sprach/ ich see Schel-
le/ Die Kauffleut sprachen/ die darffest du hie
nicht seen/ ihr seindt vor gnug hie. Eulenspiegel
sagt/ das ist war/ sondern sie wohnen hie in den
Heusern/ sie solten darausz lauffen/ sie sprachen/
warumb seest du hie nicht auch fromme leut. Eu-
lenspiegel sprach/ fromme Leut wollen hie nicht
auffgehen/ der Boden tregts nicht/ solche wort
kamen für den Rath.

Eulenspiegel wurde beschicket/ sie geboten
ihm/ sein Samen wider auff zu heben/ vnd sich
zu der Stadt ausz schleppen/ Dem thet er also/
vnd kam sehen meilen von dannen/ in ein andere
stad/ in willens/ er wolt mit der Saat in Dernet
schen/

Wunderbarliche Historien/

sehen/aber das geschrey war vor im in die Stad
kommen/damit must er geloben durch die Stad
hinweg zu ziehen/ohn essen vnd trincken mit sein
Saat/das es nun mit anders sein mocht/da ent
lehnet er ein Schifflin / vnd wolte einen Sack
mit dem Aran in das Schifflin lassen heben/ als
er nu von der Erden auffgehoben ward / brache
der Sack in der mitten entwey / vnd bleibe der
Saat vnd der Sack da liegen. Eulenspiegel
verlieff sich/vnd sol noch wi
der kommen.

Die lxxij. History.

Wie Eulenspiegel sich zu Hamburg zu
ein Barbierer verdingt/vnd dem
Meister durch die Fenster
inn die Stub
gieng.

Ins mals kam Eulenspiegel ghen Ham
burg auff den Hofmarck / stund vnd sahe
sich umb/da kam ein Barbierer zu ihm/
der fraget ihn/was bistu für ein Handt
wercks gesell? Eulenspiegel sagt/ich bin ein Bar
bierer mit kurz im gsagt. Der Meister dinget in/
vnd derselbig Barbierer wohnet auff dem Hof
marck/gleich daneben ober/ da sie stunden / vnd
das hausz herr hohe Fenster gegen der Strassen/
da sagt der Meister zu Eulenspiegeln/ sihest du
das hausz da gegen ober / da die hohen Fenster
sind/da gehe ein/ich wil baldt hinach kommen.
Eulenspiegel



Eulenspiegel sagt ja / vnd gehet zu dem Fenster
 hinein / vnd sagt / Gott grüß euch vnd das hand
 werck. Die Fraw saß in der Stuben vnd spann /
 die erschreck zu mal vbel / vnd sprach / sihe / fäh
 et dich der Teuffel da herein / kanstu nicht zu der
 Thür herein gehen / ist dir das Thor nicht weit
 genug ? Eulenspiegel sprach / liebe Fraw / zörner
 nicht / ewer Hauszwert hat mich das geheissen /
 vnd gedingt für ein Knecht. Die Fraw sprach /
 das ist mir ein getrewer Knecht / der seinem mei
 ster Schaden thut. Eulenspiegel sprach / Liebe
 Fraw / sol nicht ein Knecht thun als in sein Mei
 ster heisset. Mit dem so Kompt der Meister / vnd
 höret / vnd sahe den handel als Eulenspiegel be
 gangen hat. Da sprach der meister / wie Knecht /
 kanst du nicht zu der Thür eingehen / vnd hettst
 mich

Wunderbarliche Historien/

mir meine Fenster ganz glassen/was verschach hast
du doch hie gehabt/das du mir durch die Fenster
bist herein getrochen? Lieber Meister ihr hießet
mich/da die hohen Fenster seind/da solt ich ein
gehn/ ihr wolter balde hinnach kommen / so hab
ich nach ewrem geheissen gethan / vnd ihr seind
mir nicht nach kommen/als ihr sagt/das ich vor
hin solt gehen. Der Meister schweige still/ denn
er bedorfft sein/vnd gedacht/wenn ich das mein
bessern kan / so wil ich das wol mit ihm finden/
vnd im das abbrechen an seinem lohn. Da hieß
der Meister Eulenspiegel die Schermesser
schleiffen. Eulenspiegel sagt/ ja gern/der Meister
er sprach/schleiff sie glat auß dem Rücken gleich
der schneiden / Eulenspiegel sprach ja / vnd
begund zu schleiffen / den Schermessern / den
Rücken gleich der schneiden / der Meister kam
vnd wolt zu sehen/ wz er drauß machen wolt/da
sah er/ das die Messer / die er geschliffen het/
der Rück was als die schneid/vnd die Messer die
er auff dem Schleiffstein hett/die schliffe er auch
darnach/Da sagt der Meister/wie machstu das/
dz wirdt böß ding/Eulenspiegel sprach/wie solt
das böß ding werden/ihn ist doch nicht weh/denn
ich thu als ihr mich geheissen habt. Der Meister
ward zornig/ vnd sprach/ich heisz dich/ das du
ein bößer arger schalck bist/hör auff / vnd laß
mein schleiffen/vnd geh wider da du her bist kom
men. Eulenspiegel sprach ja / vnd gieng inn die
Stuben/vnd sprang zu dem Fenster wider hin
auß/da er hinein kommē was / da ward der barm
scher

schert noch böser / vnd ließ ihm nach mit dem
Büttel / vnd wolt ihn fahen / das er ihm die fen-
ster bezalt / die er im zerbrochen het / Aber Eula-
lenspiegel der was behend / vñ war eh bereit denn
der Meister / kam in ein schiff / vnd fuhr bald dar-
von.

Die lxxviii. History.

Wie ein Frau Eulenspiegel zu Gast lude / vnd
der Hof zu der Tischen aufzhieng /
vnd tröff.



Es begab sich auff ein zeit / das ein Hof solt
werden / vnd Eulenspiegel wolt drauff rei-
ten / da wardt ihm sein Pferd hincken /
derhalben gieng er zu Fuß / es was aber
heiß / vnd ihn hungert vbel. Nun was ein Klein
Dörfflin

Wunderbarliche Historien/

Dörfflin vnder / aber kein Wierts hausz darin/
vnd was vmb mittag/da gieng er in das Dorff/
darin er wol bekant was/vnd kam in ein Hausz/
da saß die Fraw/machet Kesz/vnd het ein Klom-
pen Molkē / in dem hieng ein grosser Schnu-
del auß der Naser / da bot ihr Eulenspiegel ein
guten tag/vnd sahe den schmidel wol/ das merck-
te sie/ vnd dorfft die Naser auch nicht an den Er-
mel waschen/so kunder sie sich auch nicht schneu-
gen/da sprach sie zu ihm/ Lieber Eulenspiegel/
setz euch vnd wartet / ich wil euch gute frische
Butter geben. Da keret sich Eulenspiegel vmb/
vnd gieng zu der Thür auß/ die Fraw rüfft ihm
nach/hart doch vnd essen vor etwas/Eulenspie-
gel sagt/Liebe Fraw/darnach er fellt/vñ gieng
in ein ander Hausz/ vnd gedachte / der Buttern
magstu nicht / der darzu ein wenig Teig het/
dürfft kein eyer einschlagen/sie würden von dem
Koz feist genug.

Die lxxv. History.

Wie Eulenspiegel ein Weiß Musz allein
auß als/darumb das er ein Klumpen
auß der Naser ließ darein
fallen.



Kosz schalckheit thet Eulenspiegel einen
Bewrin nach dem er was hungerig wor-
den/vnd fand die Fraw allein / die saß
bey dem feur/vnd kocht ein weiß musz/
das roch Eulenspiegel so wol vnder Augen / das
ih



in das lust zu essen/ vnd bat die Fraw/ das sie ins
 das weiß Musz wolt geben/ die Fraw sagt/ ja lie
 ber Eulenspiegel gern/ vnd solt ich das selber ent
 beren/ so wolt ich euch das geben/ das ir das al
 lein esset. Eulenspiegel sagt/ mein liebe fraw/ das
 wüßcht wol komen nach ewern Worten/ die fraw
 gab im das Musz gar/ setzt die Schüssel auff den
 tisch mit dem weißen Musz/ vnd bracht Brodt
 dazu/ Eulenspiegel was hungriß/ begund zu es
 sen/ vnd die fraw kam/ vnd wolt mit im essen/ als
 der Bawr pflegt zuthun/ da gedacht Eulenspie
 gel/ wil sie fast kommen/ so wirdt nicht lang eta
 was da bleiben/ hustet ein grossen Knotten/ vnd
 warff den in die schüssel/ in das weiß Musz/ Da
 ward die Fraw zornig/ vnd sprach/ Psey dich/
 das Weiß Musz friß du Schalck allein. Eulens
 piegel


Wunderbarliche Historien/

Spiegel sagt liebe Frau/ ewere ersten wort wären also. Ihr wolt das selber entberen/ vnd ich solde das Weiß Musz allein essen/ nu kommet vnd set jr mit mir/ vnd hettē das weiß Musz wi mit dreien bitten auß der schüsseln geholt. Dre Frau sprach/ das dich nimmer guts angehe / gönneß du mir mein eigne kost nicht/ wie woltest du mir denn dein Kost geben. Eulenspiegel sagt/ Frau ich thu nach ewen Worten. vñ aß das weiß musz alles auß/ wäscher den Mundt/ vnd gieng daruon.

Die lxxvj. History.

Wie Eulenspiegel in ein Haus scheiß/ vnnnd bließ den gestand durch die Wand in ein Oren / die ihn nit leiden mochten.

Sehr hefftig wandert Eulenspiegel/ vnd kam gen Nürnberg/ da was er vierzehntag/ vnd in der herberg wohnt ein frommer mann/ der was reich/ gieng geen in die Kirch/ vnd er vermocht sich nit wol der Spilleut/ wo die waren/ oder her kamen/ da gieng er daruon. Nun hett derselb mann ein gewonheit/ das er zu seinem Mahl sein Nachbawen zu Gast bat/ vnd welcher Nachbawer ein Gast bey ihm het/ oder die frembd waren/ die lud er auch mit ihnen/ die waren ihm als lieb / als seine Nachbawen. Da kam nu die zeit/ das der fromb vnnnd Reich Mann die Gest wolt haben/ vnd als bald schickte



schickte sich eben / Das Eulenspiegel in seins nech-
 sten Nachbawren Haus zu Herberg was. Dieser
 Reich Mann lud seine Nachbawren / als er denn
 ein gewonheit hat / vnd alle ihre Geste die sie her-
 ten / von den frembden leuten / Sondern Eulens-
 spiegeln / den lud er nicht / denn er sahe in für ein
 Gauckler an / darumb wolt er in nicht laden. Da
 nun die Nachbawren zu dem Reichen Mann zu
 gast in sein haus giengen / mit den frommen leu-
 ten / die bey item Hausherrn zu Herberg waren /
 gieng der Wiert auch / bey dem Eulenspiegel zu
 Herberg was / mit seinen Geste / vnd der wiert
 sagt zu dem Eulenspiegel / wie ihn der Reiche
 Mann für ein Gauckler anseh / darumb het er in
 nit geladen. Eulenspiegel was des zusehen vnd
 gedacht / bin ich nu ein Gauckler / so wil ich ihu
 n u Gauckler

Wunderbarliche Historien/

Gauclerey bweisen/ vnd verdroß in/ das in der Reich mann nicht geladen het. Nun was es bald nach Sanct Martinus tag / da die gastung geschahe. Der wiert saß mit seinen gæsten in einem köplichen gemach/ das was hart an der Wand/ da Eulenspiegel zu herberg was/ als sie nun saßen/ vnd waren guter ding/ Kompt Eulenspiegel vnd hort ein loch durch die Wand/ die in das gemach gieng/ da die Gæst in saßen/ vnd nimpt einen Blasßbalg/ macht ein grossen hauffen seines dreckß/ vnd bließ mit dem blasßbalg in das loch/ das er gebort hette/ das standt so vbel / das niemand in dem Gemach bleiben mochte/ ihe einer sahe auff den andern / der ein meinet/ der ander reuchdt/ der ander meinet der drit stündt also. Vnd hort nicht auff mit dem Blasßbalg/ biß die Gæst auff musten stehn/ vnd kundten vor dem gestand nicht bleiben. Sie suchten vnder allen Vencken kerten da in allen wincklen/ das halff alles nicht/ niemand wußt wo dz herkam/ da kame Eulenspiegels Wiert heim / vnd der was von dem gestandt so schwach worden/ das er alles auß ihm brache/ das er im Leib het / vnd sagt wie es in dem Gemach von menschen Dreck gestuncken het/ Eulenspiegel der ward lachen/ vnd sprach/ wolt mich der Reich Mann nicht zu Gast laden/ vnd mir gönnen seiner Kost/ ich bin ihm doch gånßiget denn er mir ist/ ich gönne im doch wol meiner Kost/ were ich da gewesen/ so het es nicht so vbel gestuncken/ vnd rechnet von stund an mit seinem Wiert/ vnd reit hinweg / wenn er fürcht/ es kem

von im auß. Also merckt der wiert wol das er et
 was wist von dem gestand/ vnd kundte es doch
 nicht recht erfarn/ wie er das het zugericht / vnd
 verwundert in sehr. Als nun Eulenspiegel zu der
 Stad hinaufz was/ findet der wiert diesen Blas
 balg/ der gar wol beschissen was/ fand auch das
 Loch/ das er in seines Nachbawren Hausz durch
 die Wand gebort hette/ von stund kompt er dar
 auff/ vnd holt sein Nachbawren / vnd sagt ihm
 diese ding/ wie Eulenspiegel die gethan het/ vnd
 sein wort gewesen wern. Der Reich mann sprach
 lieber Nachbawr/ der Toren vnd Spilleut wird
 niemands gebessert/ darumb wil ich der nit mehr
 in meinem hausz haben. Ist mir nun diese Bube
 rey geschehen ewers Hausz halben/ da kan ich nit
 zu/ ich sahe ewern Gast an für ein Schalck / das
 liefs sich an d; warzeichen/ so ifts noch besser von
 ewrem Hausz/ denn von meinem hausz/ vielleicht
 hette er mir schedlicher ding gethan. Eulenspie
 gels Wiert saget/ lieber Wiert/ ihr habt wol ge
 hört/ vnd ist auch also/ für ein Schalck soll man
 zwey liechter setzen / vnd das musz ich wol thun/
 denn ich musz allerley Gest halten / damit
 giengen sie von einander. Eulens
 piegel was da gewesen/
 vnd kam nicht
 wider.

Wunderbarliche Historien/

Die lxxviij. History.

Wie Eulenspiegel den Wiert zu Eiszleben
erschrecket / mit einem Todten
Wolff/den er zu fahen
versprochen
het.



In Eiszleben wohnt ein Wiert/der was spēt
rīsch/vnd hielt sich das er ein grosser Wiert
was/ da kam Eulenspiegel in sein Herberg/
vnd es was winter/ das ein grosser Schnee
lag/da kamen drey Kauffleut/ außs Sachssen in
finsterer Nacht inn die Herberg/die wolten ghen
Thunberg/ der Wiert was behend mit dem mun
de/ vnnnd hieß diese drey Kauffleut willkommen
sein/mit elenden Worten/vnnnd sprach also. Wo
hiet/

her/was den teuffel das sie so lang auß weren ge
wesen vnd kommen so spat inn die herberg. Da
sprach die Kauffleut/Herr wiert ihr dörfte vns
nit also stürme/ vns ist ein abenthewr wider fare
vnderwegen/das vns ein Wolff gar vil leids hat
gethan/der bekame vns also im Moß / das wir
vns mit ihm schlagē mußten/das hindert vns so
lang. Da der wiert dz hort/da was er ganz spöt
tisch auff sie/vnd sprach / das were ein schandt/
das sie sich ließen ein Wolff hindern. Vnd wien er
allein in dem feld wer/ dz im zwen wölff im moß
bekamen/die wolt er versagen. Nun weren jr drey
vnd ließen sich ein Wolff erschrecken/ das weret
den abend auß/das der wiert die Kauffleut ver
acht/bisz sie zu beth giengen. Eulenspiegel saß da
bey/vnd hörte das gespörr.

Als sie nun zu Beth giengen / Da warden die
Kauffleut vnd Eulenspiegel inn ein Kammer ge
legt/da sprachen die Kauffleut vndereinander/
wie sie in dem thun möchten/ das sie den wiert be
zalten. Da sprach Eulenspiegel / lieben Freund/
ich merck wol das vnser wiert ein Hochbocher ist
wölt ihr mich hören/ich wil in bezalen/das er euch
nicht mehr von dem Wolff sol sagen. Den Kauff
leuten gefiel das wol/ vnd gelobtem ihm Gelt zu
geben/da sprach Eulenspiegel / das sie hinritten
nach irer Kauffmanschaft/vnd kēmen in irer wi
derreiß wider herein zur Herberg/so wil ich auch
als denn da sein/da solten sie den Wiert bezalen/
das geschach auch darnach. Die Kauffleut waren
wegfertig / vnnnd bezalten ihr zerung / vnd für
Eulenspiegel

Wunderbarliche Historien/

Eulenspiegeln auch/ vnd ritten auß der herberg/ vnd der Wiert rufft den Kauffleuten nach in gepöht. Ir Kauffleut sehet zu/ das euch kein wolff bekom/ Sie sprachen/ habt danck das ihr vns warnet/ ist das vns die Wölff essen / so kommen wir nicht wider. Da reit Eulenspiegel auff den Hartz / vnd stellet den Wölffen / vnd fieng ein/ den tödter er/ vnd ließ den hart gefrieren/ gegen der zeit/ als die Kauffleut gen Eiszleben wolten wider in die herberg kommen/ da nam Eulenspiegel den todten wolff in ein sack/ vnd reit gen Eiszleben / vnd fand die drey Kauffleut / als ir abscheid was/ des abents vnder dem nacht essen. Da was der wiert noch gemlich mit den Kauffleuten vber dem Wolff/ sie sprachen/ es were in also gangen/ begeh es sich/ das ihn zwen wölff ankemen/ dz er sich von eines Wolffs zum ersten erwehret/ vnd schlug denn den nesten hernach. Der Wiert sprach grosse wort/ wie er zwen Wölff zu stücken schlagen wolt/ vnd das weret den ganzen abent/ bisz sie zu beth wolten gehen. Eulenspiegel schweige still/ so lang/ bisz er zu den Kauffleuten in die Kammer kam/ da sprach Eulenspiegel zu den Kauffleuten. Ir guten freund seht still vnd wacht/ was ich wil/ das wöllet ihr auch/ lasset mir ein Liecht brennen. Als nun der Wiert mit seinem gesind schlaffen was/ da schleich Eulenspiegel leisz von der Kammern/ vnd hette den todten Wolff/ der da sehr hart gefroren was / vnd truge den zum herd/ vnd vnderstalt denselbigen mit stecken/ das er auffrecht stundt / vnd sperrt ihm das Maul

welt auff/ vnd steckt im zwen Binds schühlin in
das Maul/ vnd gieng wider zu den Kauffleuten
in die Kammer/vnd rüfft dem Wiert/der wiert
hört das baldt/ den er was noch nicht entschlaf-
fen /vnd der wiert sprach/was sie wolten/ob sie
aber ein Wolff beissen wolt. Da sprachen sie/Ach
lieber Wiert sendet vns ein Knecht / das er vns
trincken bringe/ wir können für durst nicht blei-
ben. Der Wiert was zornig vnd sprach / das ist
der Sachssen art/ die sauffen tag vnd nacht/vnd
rüfft der Magd/ das sie auffstünd / vund brecht
ihn trincken in die Kammer / die Magd stund
auff/vnd gieng zu dem Fewr/vnd wolt ein liecht
anzünden/da sah sie dem Wolff recht ins maul/
da erschrack sie/vnd ließ das Liecht fallen /vnd
lieff in den Hof/ vund meinet nit anders / denn
der Wolff hett die Kinder fressen.

Eulenspiegel vnd die Kauffleut rüfften fortan
vmb trincken. Der Wiert meinet die Magd wer
entschlaffen / vnd rüfft dem Knecht / der stund
auff vnd wolt auch ein liecht anzünden/vnd sicht
den Wolff auch da stehn / da meinet er / er hette
die Magd gessen/vnd lieff in den Keller. Eulens-
piegel vnd die Kauffleut horten solche ding. Eulens-
piegel sprach / seit guter ding das Spil wil
gut werden. Eulenspiegel vnd die Kauffleut rüff-
ten zum dritten mal / wo der Knecht vund die
Magd wer/das sie kein trincken brechten / das
er doch selber kem / vnd brecht ein Liecht / sie
kündten nit auß der Kammer komen/ der wiert
meinet nicht anders / denn der Knecht wer auch

N v entschlaffen/


Wunderbarliche Historien/

entschlaffen/vnd stunde auff/ vnd ward zornig/
vnd sprach/hat der Teuffel die sachsen gemacht
mit ihrem sauffen/ vnd zündet ein Liecht an bey
dem Feuer / vñnd sihet den Wolff oben bey dem
Herd sitzen/vñnd het die Schuh im Maul ward
er laut schreien / vnd rüfft/ Mordio / Mordio/
Retten liebe freund/vnd lieffe zu den Rauffleu-
ten/die in der Kammer waren/vnd sprache/Lie-
ben Freund/Kommet mir zu hilff/ein geweltliches
Thier stehet bey dem Feuer/vnd hat mir die Kin-
der / die Magd mit dem Anecht gefressen/ die
Rauffleut waren halde bereitet/ vnd Eulenspie-
gel auch/vnd giengen mit ihm zu dem Feuer.Der
Anecht kam auß dem Keller/die Magd kam auß
de Hof.Die Frau bracht die Kinder auß der Kam-
mer / so das sie noch alle lebten. Eulenspiegel
gienge herzu/ vnd stiesz den Wolff mit dem Fuß
vmb / der lag vnd reger sich nicht. Eulenspiegel
sagt/das ist ein todt Wolff / vnd ihr macht dar-
auß ein geschrey/was sein jr für ein blöder man/
beißt euch ein todter wolff in ewrem Hauff/vnd
sagt euch all ewer Gestind in die winkel / vnd ist
nicht lang da wolken ihr zwen lebendig Wölff im
Selde schlagen. Die Rauffleut lachten/ vnd be-
zaltten was sie vñnd Eulenspiegel verzert herten.

Die lyppits. History.

Wie Eulenspiegel zu Cöllen dem
Wiert auff den Tisch
schelß.

Wald



Wid darnach kam Eulenspiegel ghen Edel
 len in ein Herberg / vnd truct sich ein tag
 oder zwen / das er sich nicht zu erkennen
 gab / in den tagen mercket er / das der
 Wiert ein Schalck was / da gedacht er / wo der
 wiert ein Schalck ist / da haben es die Gest nicht
 gut / du solt ein ander herberg suchen. Des abents
 mercket der Wiert an Eulenspiegeln / das er ein
 ander Herberg hette / da weist er die andern zu
 Beth / vnd in nicht. Da sprach Eulenspiegel / wie
 Herr Wiert: Ich bezale meine Kost so theur / als
 die ihr zu beth weiser / vñ ich solt hie auff der bæk
 schlaffen. Der wiert sagt / sehin / da hastu ein par
 Leilachen / vnd liesz ein grossen Furtz / vnd auff
 der stert noch einen / vnd sprach / sehin da hastu
 ein Hauptpfälben / vnd zum dritten / liesz er
 noch

Wunderbarliche Historien/

noch einen hertretten/ vnd sprach/ sehn/ da hast du ein ganzes beth/ behelff dich bisz morgen vnd leg sie mit zu hauff / das ich sie bey einander wiß der sind. Eulenspiegel schweig still / vnd gedachte sihe das merckstu wol/ du mußt den Schalck mit einem Schalck bezalen/ vnd lage also die Nacht auff der Banc. Da hatte der Wiert ein seuberliche Tischartafel mit Flügeln/ den thet Eulenspiegel auff / vnd scheiß darauff einen grossen hauffen/ thet den wider zu. Des morgens gieng er für des Wirts Kammer/ vnd sprach. Wiert ich danck euch für ewer Herberg / vnd ließ mit dem ein grossen scheiß/ vnd sagt zu jm/ hört das sind die Federn von dem Beth/ Hauptfüßlen / Leilach/ Decken mit dem Beth/ habe ich zusammen in ein hauffen glegt. Der wiert sagt/ Herr Gast/ das ist gut/ ich wil darnach sehen/ wenn ich auff stehe. Eulenspiegel sprach/ das thut/ sehet euch vmb/ ihr werdet das finden/ vnd gieng damit auß dem Haus. Der Wiert solt des mittags viel Gestr haben/ vnd solten auff der hübschen Tafel essen. Als er nun die Tafel auffthet / da gieng ihm ein böser geschmack entgegen/ vnd fand den Dreck darinnen/ vnd sprach/ er gibet den lohn nach den wercken/ ein furz ist mit einem scheißen bezahlt/ da hieß er ihn wider holen/ vnd wolt ihn baß probieren/ Eulenspiegel kam wider/ vnd er vnd der Wiert vertragen sich der sachen also/ das er hinfurt auff ein gut Beth kam.

Die lxxix. History.

Wie Eulenspiegel den Wiert mit dem
Klang von dem Gelt
zalet.



In Cölln was Eulenspiegel langzeit in der
Herberg/da begab es sich/ das die Kost spat
zu dem feur bracht ward/ Das es hoch mit
tag war/ das verdrosz Eulenspiegeln sehr/
das er so lang solt fasten/ den verdruß sah in der
Wiert wol an/ vnd sprach zu im/ wer nicht har-
ren wil bisz die Kost bereitet wird/ der möcht es-
sen was er hette. Eulenspiegel gieng vnd aß ein
Semel auff/ vnd gieng da auff den Herdt / vnd
da es zwölff schlug/ da ward der Tisch gedeckt/

Wunderbarliche Historien/

die Kost wurde darauff bracht/ der Wiert gieng
mit den Gästen sitzen/ vnd Eulenspiegel bleib in
der Küche. Der Wiert sprach/wie/wiltu nicht
zu Tisch sitzen:nein/antwort Eulenspiegel/Ich
mag nicht essen/ich bin des geschmacks von dem
Braten vol worden. Der Wiert schweig/asz mit
den Gästen/vnd nach essens bezaltten sie die herten/
der ein wandert/der ander bleib. Eulenspiegel
saz bey dem Feuer. Da kam der Wiert mit dem
Selbreit/vnd was zornig/vnd sprach zu Eulens-
spiegeln/das er auff legt zwen Cöllisch Weißpfen-
ning für das Mahl. Eulenspiegel sprach/ Herr
Wiert seid jr ein solcher Mann/das jr Gelt von
ein nemet/der ewerer speisz nit isset. Der Wiert
sprach zorniglich/ das er das gelt gebe / hetre er
schon nicht gessen so wer er doch des geschmacks
voll worden/er wer da gessen vber dem Brate/
das wer so viel/als wer er vber der Tafeln gese-
sen/vnd het daruon gessen/das wolte er ihm für
ein mahl rechnen. Eulenspiegel zog herfür ein Cöl-
lischen Weißpfenning / vnd warffe den auff die
Bank/vnd sprach/Herr Wiert/höret ihr wol
diesen Klang? Der Wiert sprach/diesen Klang hö-
re ich sehr wol. Eulenspiegel der was behend bey
dem Pfening/stieffe den wider in Seckel/vnd
sprach/so viel als euch der Klang hilffet von dem
Pfening / so viel hilfft mich der geschmack von
dem Braten in meinem Bauch/spottet des
Wirts/zohe von dannen vom Rein/
wider inn das Land zu
Sachsen.

Wie Eulenspiegel zu Rostock hin-
weg schied.



Wie ernst Reiser Eulenspiegel vonn Ros-
stock / als er die schalckheit hert gethan /
vnd kam in ein Flecken zu Gerberg / da
er ein was nicht viel zu essen / vnd der
Wiert her viel Rinder / dabey was Eulenspiegel
gantz vngern. Da band Eulenspiegel sein Pferd
in ein Stall / gieng in das Haus / vnd kame zu
dem Feuer / fand ein kalten Herdt / vnd ein leere
wohnung / da merckte er wol / das armut da was /
Da sprach er / Herr Wiert / ic habe böse Nachba-
ren. Der wiert sprach / ja Herr Gast sie stelln mit
alles was ich im Hausz hab. Eulenspiegel lache
vnd

Wunderbarliche Historien/

vnd gedacht/hie ist der Wiert wie der Gast / er
hette wol lust da zu bleiben/ sonder die Kinder die
mocht er nicht leiden/denn er sahe/ das sie gieng
gen / vnd theten ihre nortturfft hinder die hausz
thür/ein Kind nach dem andern.Da sprach Eule
nspiegel zu dem Wiert. Wie sind ewre Kinder
so vnfauber/haben sie keine statt/da sie möchten
ihre nortturfft hin thun / denn hinder die hausz
thür? Der Wiert sprach/ Herr Gast/ was schelt
jhr daran/mir mißfellt doch nicht daran/ich fer
re es morgen hinweg.Eulenspiegel schweig still/
vnnnd darnach so er not het/da schiſt er ein groſ
sen hauffen zum Feuer/ da kam der Wiert / die
weil Eulenspiegel vber seinem werck was. Vnd
sprach /das dich der Ritt schütt / scheiſſestu jetzt
zu dem Feuer/ist der Hof nit weit genug? Eulen
spiegel sprach/Herr Wiert was scheltet jr darane
da ligt mir auch nit an / ich fers teglich hinweg/
vnd saß auff sein pferdt/ rheit zu der Thür auf:
Der Wiert rufft jm nach/halt/halt / vnd mache
den Dreck von dem Herd hinweg. Eulenspiegel
der sprach/wer der letst ist/der fer das Haus/ so
wirdt mein Dreck vnd ewer Dreck mit einander
aufgeſegt/vnd rheit also dahin.

Die lxxxj. History.

Wie Eulenspiegel ein Sündt schandte/
vnd gab das Sell der Wiertin für
ir bezalung/darumb
das er mit jm
als.



Als ein zelt begab es sich / das Eulenspiegel kam an ein ort zu Hauß / vnd fand die Wiertin allein / vnd da het die wiertin ein zornigs hündlin / das het sie gar lieb / vnd must je sters anff dem schoß ligen wenn sie müßig was. Als nu Eulenspiegel bey dem feur saß / vnd tranck auß der Kannen. Da het die frau den Hund dartzu gewent / wenn sie Bier tranck / so must sie dem Hund bier in ein schüsselin geben / das er auch tranck. Als nu Eulenspiegel saß vnd tranck / da stund der Hund auff / vnd geliebet sich zu Eulenspiegeln. Das sahe die Wiertin / vnnnd sprach / Ach lieber gebet ihm zu trincken in die schüssel / das ist sein meinung. Eulenspiegel sage zu ihr / gern / die Wiertin gieng / vnnnd thet die ding / die sie zu schaffen het / vnnnd Eulenspiegel

trank /

Wunderbarliche Hystorien/

trancf/ vnd gab dem Hund auch in ein Schüssel/
vnd daren ein bißten Fleisch/ so das der Hund
voll war/ vnd er legt sich zu dem Feuer/ vnd stre-
cket sich so lang er was/ da sagt Eulenspiegel zu
der wiertin/ wir wollen rechen/ vnd sprach/ liebe
Wiertin/ ob ein Gast ewer Kost isst/ vnd ewers
Biers trinckt/ vnd er het kein Gelt / woltet ihr
dem Gast auch borgen? Die Wiertin bedacht sich
nicht darauff / das er den Hundt meinet / vnd
gdacht er wer derselbig Gast/ vnd sprach zu im/
herr gast man borget hie nicht/ man muß gelt ge-
ben oder pfand. Eulenspiegel sprach/ das bin ich
meins theils zu frieden / ein anderer sorge für di
sein / da gieng die Wiertin hinweg / vnd da es
Eulenspiegel fundt zu wegen bringen/ nam er de
Hund vnder den Rock/ vnd gieng in den stall/
vnd zog im das fell ab/ gehet wider in das hausz/
zu dem Feuer/ vnd het des Hunds fell vnder dem
Rock. Da hieß Eulenspiegel die Wiertin zu ihm
kommen/ vnd sagt/ laßz vns rechen. Die wier-
tin rechnet/ vnd Eulenspiegel leget das halb ge-
loch. Die wiertin sprach/ wer das ander halb be-
zahlen solt/ er het das Bier allein getruncken. Er
sprach/ Nein/ ich het einen gast/ der trancf auch
mit / vnd derselbe het kein gelt / sondern er hat
ein Pfand / der sol die ander halbe bezalen. Die
Wiertin sagt/ was ist das für ein Gast/ was hat
er ein Pfande Eulenspiegel sagt das ist der rock
den er hat / vnd zog das Hundsfell vnder dem
Rock herfür/ vnd sprach/ sehet Wiertin / das ist
des Gasts Rock/ der mit mir trancf. Die wiertin
erschrock/

erschreckt / vnd sahe wol das es ihres Hundts fell
war / vnd ward zornig / vnd sprach / das dir nim-
mer guts geschch / warumb hast du mir meinem
Hundt abgezogen? Eulenspiegel sagt / Fraw das
ist ewr eigen schuld / ich laß euch fluchen. Ir sagt
mir selber / ich solt dem Hundt einschencken / vnd
ich sprach / der Gast hat kein gelt / vnd ihr woltet
ihm nit borgen / ir wolt Gelt oder pfand haben / so
het er kein gelt / vnd das Bier müßt bezalt sein /
da muß er sein Roß zu pfandt lassen / den nemet
nun für sein Bier / das er getruncken hat.

Die Wiertin ward noch böser / vnd hieß ihn
aus dem hausz gehn / vnd solt nimmer in ir hausz
kommen. Eulenspiegel sprach / ich wil auß ewern
hausz nicht gehn / sondern darauß reiten / saddlek
sein pferdt / vnd reit zu der Thür auß.

Die lxxvij. History.

Wie Eulenspiegel dieselbige Wiertin über-
redt / das Eulenspiegel auff
dem Rad le-
ge.

Nicht weit von Stasfurt ligt ein Dorff /
da kam Eulenspiegel hin zu herberg / vnd
sahe in dem Hausz ligen ein Rad / da le-
get er sich oben drauff / both der Wiertin
ein guten tag / vnd fraget / ob sie nicht etwas ge-
hört het von Eulenspiegeln sagen? Sie sprach /
was sie von dem Schalck hören solte / sie möchte
ihn nicht nennen hören. Eulenspiegel sprach /
Was

Wunderbarliche Historien/



was hat er euch gethan/ das ihr im so gram seits
 doch wo er hin kam/ da schied er ohn schalckheit
 mit/ sie sprach/ das bin ich wol innen worden/ er
 kam auch her/ schand mir meinen hund/ vnd gab
 mir die haut für das Bier so er getruncken her.

Eulenspiegel sprach/ Fraw das ist nicht wol
 gethan/ Die Wiertin sprach/ es wirdt ihm auch
 felschlich gehn. Eulenspiegel sprach/ Fraw/ das
 ist schon geschehen/ er ligt auff dem Rad / Die

Wiertin sprach/ das sey GOTT gelobt/

vnd gedanckt/ Eulenspiegel


sprach/ ich bin es/

Woe/ich fahre

dahin.

Die lxxvij. History.

Wie Eulenspiegel ein Wiertin mit bloßem
Aß in die heiße Eschen
setzt.



Wise vnd zornige nachreden bringē bösen
lohn. Als nun Eulenspiegel von Rom re-
set/da kam er in ein Dorff/da wz ein gros-
se Herberg/ vnd der Wiert was nicht zu
Haus. Da sprach Eulenspiegel zu der Wiertin/
ob sie auch Eulenspiegel kenne.

Die Wiertin sprach/ nein / ich kenn sein nit/
aber ich hab wol von ihm gehört sagen / das er
sey ein außzerlesener schalck / da sprach Eulenspie-
gel/ liebe Frau/ warumb sagt jr das er ein gros-
ser

Wunderbarliche Historien/

Ier Schalck ist: vnd ir Kennet in nicht. Die Fraw sprach/was ist dran glegen/ das ich in nit kenn/ da ist kein macht an glegen/ die leut sagen aber/ er sey ein böser bub. Eulenspiegel sagt/lieb fraw hat er euch je leyd gethan: Ist er ein schalck/das habt ir von hören sagen. Die Fraw sprach/ich sag als ich von den leuten gehört hab/die zu mir auß vnd eingehn. Eulenspiegel schweig still/des morgens tagt es/da scharrt er die heisz Asch von einander/vnd geht zu dem beth/vnd nimpt die wiertin auß dem schlaff auß sich/ vnd tregt sie in die küchen/vnd setzt sie mit blossen arsz auff die heisse Aschen/verbrant ir den Arsz gar/vnd sprach/Min Wiertin/ jetzt mögt ir wol von Eulenspiegeln sagen/das er ein Schalck ist/ir empfind das ein wol/vnd habt in gesehen/hiebey mögt ir in erkennen. Das Weib ward ruffen jamer/vnd Eulenspiegel gieng auß dem Haus/lachet heimlich dieser schalckheit.

Die lxxviiiij. History.

Wie Eulenspiegel einer Wiertin in das Beth scheiß/vnd die Wiertin oberredt/das es ein Psaff gethan het.

WIt einem Psaffen wandert Eulenspiegel ghen Franckfurdt an die Oder/vnd kamen beyde inn eine Herberg auff den abendt/da thet ihn der Wiert gütlich/
gab



gab in fisch vnd wildpret. Als sie nun zu tisch sitzen wolten/ da setzt die Wiertin den Pfaffen oben an den Tisch/ vnd was guts in der blatten was/ das legt die Wiertin dem Pfaffen für/ vnd sagt/ das esset von meiner wegen. Eulenspiegel saß vnd den am Tisch/ vnd sahe den Wiert vnd Wiertin fast an/ aber niemands legt jm etwas für/ oder hieß in essen/ vnd must doch gleich als viel gelten. Das Mahl ward volbracht/ vnd als es nun schlaffens zeit was/ da ward Eulenspiegel vnd der pfaff in ein kammer gelegt/ vnd jeglichem ward ein schön beth bereit/ darauff schliessen sie. Nun des Morgens zu guter zeit/ stundt der Pfaff auff vnd betet sein zeit/ vnd bezalt darnach den wiert vnd zog weiter. Eulenspiegel der bleib ligen/ bisz das die Glock Neune schlug/ vnd schiffe in das

W iij Beth/

Wunderbarliche Historien/

Beth/darinn der pfaff glegen was/da fraget die Wiertin den Hausknecht/ ob der Pfaff oder die andern gest auff wern gstanden/ oder ob sie auch gerechnet hetten: Der Anecht sprach ja/der pfaff stund vor einer guten zeit auff/ betet/ bezalt vnd wandert weiter/ aber den Gesellen hab ich disen morgen noch nicht gesehen. Die fraw besorgt/ er wer krank/ gieng in die Kammer/ vnd frage Eulenspiegel ob er nicht auffstehn wolt: Er sprach ja Wiertin/ ich was nicht wol zu Pasz / In dem wolt die fraw die Leilachen von des pfaffen bett nemen/da sie das auffdeckt/da lag ein grosser drecke im Beth/ey behüt mich Gott/sprach sie/wz ligt hier: Ja liebe fraw/ das verwundert mich nit sprach Eulenspiegel/denn was nechten guts auff den Tisch kam/das ward dem pfaffen für glegt/ vnd was kein ander sagen/denn Herr esset/ vnd mich verwundert/das es darbey blieben ist / als viel der Pfaff ass/das er die Kammer nicht auch voll geschissen hat.

Die wiertin flucht dem vnschuldigen pfaffen/ vnd sagt/wenn er wider keme/ so müst er weiter gehn/aber Eulenspiegel den frommen Anecht/ den wolt sie gern beharbergen.

Die lxxxv. History.

Wie ein Holender Eulenspiegel ein gebra-
uen Apffel auß der Rachel ass/
der ihm nicht wol
bekam.



In Holender bezahlet Eulenspiegel recht vnd redlich zu Antdorff in einer herberg/ da warn Holendische Bauffleut/ vnd Eulenspiegel ward ein wenig krank/ das er kein Fleisch mocht/ vnd kochet im weiche Eyer/ als nu die Gest zu Tisch saßen/ kam Eulenspiegel zu dem Tisch/ bracht die weichen Eyer mit ihm/ vnd der ein Holender sahe Eulenspiegeln für ein Bawen an/ vnd sprach/ wie Bawer/ magstu des Wierts Kost nicht/ muß man die Eyer kochen/ vnd nimpt die Eyer beyde/ vnd schlecht sie auff/ vnd schüttet eins nach dem andern in Hals/ vnd leget die Schalen wider für den Eulenspiegeln/ vnd sprach/ sehin leck das Vasz/ der Totter ist heraus/ die andern gest lachten des/ vnd Eulenspiegel mit in. Aber auff den abend da kauft Eulenspiegel

Wunderbarliche Historien/

Spiegel ein hübschen Apffel/den hõlet er innwendig auß/ vnd stieß den voll Mücken/ Dreck vnd Fliegen/ vnd briete den Apffel müsslichen/ vnnnd schelt den apffel/ bsteckt in auswendig mit zucker vnd imber / als sie nu des abents wider zu Tisch saßen/ da bracht Eulenspiegel den apffel auff einem Deller/ vnd feret sich von dem Tisch/ als ob er mehr wolt holen. Als er nu den Rücken wend/ da greiff der Holender zu/ vnd nimpt den gebrauchten Apffel von dem Deller/ vnd schlucktet den gar baldt ein/ von stundt an wardt sich der Holender brechen/ vnd spey das gar von ihm / was er im Leib hatt/ vnd ihm ward ganz vnrecht/ das der Wiert meinet/ vnd die andern Gest/ er het im in dem Apffel vergeben. Eulenspiegel sprach/ das ist kein vergifft/ es ist ein reinigung seines Magens / denn einem begirigem Magen bekommen sein kost nit wol/ denn het er mit das gesagt/ das er den apffel so begirig wolt haben eingeschluckt/ ich wolt in haben gewarnet/ denn in die weychen Eyer kamen keine Mücken/ aber in den gebrachten Apffel lagen sie/ das must er wider vonn ihm speien/ in dem da kam der Holender wider zu ihm selber/ das es ihm nicht schadet / vnd sprach zu Eulenspiegeln/ Ist vnd Brat/ oder Koch

was du wilt / so isz ich nicht
mit dir/ vnd herrest du
schon Krammats
Vögel

Die lxxvi. History.

Die Eulenspiegel macht/das ein Frau
alle ihre Hasen enzwey
schlug.



Nu Eulenspiegel diese schalckheit hett
ausgericht/dar teiset er wider gen Bres
men zu dem Bischoff/der hett nun viel
schimpffs/vnd hett in fast lieb/vnd stes
tes richtet er im ein schimpfflich abentherer zu/
des der Bischoff sehr lacher / vnd hielte ihm sein
Pferdt kostfrey / da thet Eulenspiegel/ als ob er
der Büberer müd wer / vnd wolt in die Kirchen
gehn/da spottet sein der Bischoff fast/aber Eul
enspiegel feret sich nit daran / gieng vnd betet/
bist

Wunderbarliche Historien/

bis das der Bischoff in reizet auff das aller hünd-
 derst. Da hett sich Eulenspiegel heimlich mit einer
 frawen vertragen/die was eins Hafners Fraw/
 saß bey dem markt/ vnd het die Hasen feil. Die
 Hasen bezalt Eulenspiegel der Frawen alle mit
 einander/vnd vertruge sich mit ihr/ wie sie denn
 thun solt / wenn er ihr wincket oder ein Zeichen
 geb. Da kam Eulenspiegel wider zum Bischoff/
 vnd thet gleich als ob er in der Kirchen wer ge-
 wesen. Der Bischoff fiel in wider an mit gespöt/
 zuletzt sprach Eulenspiegel zu dem Bischoff/ Ge-
 nediger Herr/ Kommet mit mir an den Markt/
 Da stehet eine Hafnerin mit Hasen / da wil ich
 mit euch wetten/ich wil jr nicht zusprechen/noch
 mit gesicht wincken / ich wil sie mit stillen Wor-
 ten darzu bringen/das sie auffstehen sol/vnd nes-
 men ein stecken/vnd sol die Töpff selber enzwey
 schlagen. Da luste mich wol zu sehen sprach der
 Bischoff/vnd wetter mit jm vmb Dreissig Gäl-
 den/die Fraw thet das nicht/ die wertunge war
 de angeschlagen/vnd der Bischoff gieng mit Eu-
 lenspiegeln auff den markt. Eulenspiegel seyget
 ihm die Frawe/vnd giengen auff das Rathausz.
 Vnd Eulenspiegel bleib bey dem Bischoff/vnnd
 thet solch geberd mit Worten vnnd mit wercken/
 wie er die Fraw dahin bringen wölte/das sie al-
 so thun würde / zuletzt gabe er der Frawen das
 Zeichen / als ihr abscheid was/da stund sie auff/
 vnd schlug die Töpff alle enzwey. Als nun der
 Bischoff wider in sein hof kam/da nam er in auff
 ein seil/vnd sagt zu jm/das er in das solte leren/
 wil


wie er das het zu gericht/ das sie die töpff enzwey
 schlug/ so wolt er ihm dreißig gülden geben/ als
 denn verwert weren. Eulenspiegel sagt ja/ Gnedi-
 ger Herr / vnd sagt ihm / wie er zum ersten die
 Töpff bezahlt het / vnnnd das mit der strawen an-
 gelegt/ vnd het das mit der schwarzen kunst nüt-
 zthun/ sagt ihm alle ding/ da lacht der Bischoff/
 vnd gab ihm die dreißig gülden / vnd er musste
 ihm da geloben / das er das niemands wolte sa-
 gen / vnd wolt es ihm dazzu mit einem feiszen
 Ochsen bessern. Eulenspiegel sprach ja/ er wol-
 te das gern verschweigen/ war auch fertig/ stun-
 de auff/ vnd zohe von dannen. Als nun Eulen-
 spiegel hinweg was/ da saß der Bischoff mit sei-
 nen Rittern vnd Knechten vber Tisch/ vnd sagt
 zu ihnen/ wie er die kunst künd/ vñ wolt die frau
 auch dahin bringen/ das sie all ihr töpff enzwey
 schlug. Die Ritter vnd Knecht begerten nicht zu
 sehen/ das sie die Töpff enzwey schlug/ sonderis
 das sie die kunst möchten wissen. Der Bischoff
 sprach/ wil ein jeder mit einen guten feiszen och-
 sen in mein Küchen geben / so wil ich euch diese
 kunst alle leren/ da was es im Herbst / das die
 Ochsen am besten waren/ vnd ein jeder gedacht/
 du soltest ein par Ochsen geben/ sie kommen dich
 doch nicht sawer an/ auff das du die kunst möch-
 test gelernen. Die Ritter vnd die Knecht boten
 dem Bischoff ein jeder ein feiszen Ochsen / vnd
 ein jeder Ochse was zwölff gülden werth/ also/ da
 die dreißig gülden die er Eulenspiegeln gab/ die
 waren dreifaltig bezahlt/ vnd dieweil kam Eulen-
 spiegel

Wunderbarliche Historien/

Spiegel geritten / als die Wchssen noch bey einander
der stunden / vnd sprach / von dieser beut gehört
mir das halb. Der Bischoff sprach zu Eulenspie-
gel / halt du mir was du mir gelobt hast / ich wil
dir auch halten was ich dir gelobt habe / vnd laß
deine Herren auch bey ihrem Brodt bleiben / vnd
gab ihm ein feisten Wchssen / den name Eulenspie-
gel an / vnd dancet dem Bischoff. Nach dem so na-
me der Bischoff dieselben seine diener / vnd hube
an vnd sprach / das sie alle ihm zu hören / er wöl-
te ihnen diese Kunst sagen / vnd sagt ihm alle ding /
wie sich Eulenspiegel vorhin mit der Strawen ver-
tragen het / vnd die Töppffen bezahlt. Als nu der
Bischoff das gesagt hette. Da sassen alle seine die-
ner / als ob sie mit listten betrogen weren / vnd je-
der keiner dorffte vor dem andern etwas reden / der
ein kratet sich auff dem Kopff / der ander hinder
dem Nacken / der Kauff het sie gereuet / denn sie
mühten sich all vmb ihre Wchssen / zu letzt musz-
ten sie in frieden sein / vnd trösteten sich damit /
es wer ein Gnediger Herr / ob sie ihm schon die
Wchssen geben müszten / so bliebē sie auch dabey /
vnd das wer inn einem schimpff geschehen / es
verdrosz sie nichts so sehr / nach dem das sie
groß Toren / dz sie ire Wchssen für Kunst
hetten geben / sondern / das ein solche
Santafey was. Eulenspiegel
bracht ein Wchssen dar-
von / vnd zo-
he ihn
weg.

Die lxxviiij. History.

Wie ein Bawer Eulenspiegeln auff ein Kartten
setzt/der Pflaumen ghen Einbeck
zu Markt führen
wolt.



Die Durchleuchtigen vnd Hochgbornen
Fürsten von Braunschweig/hielten zu
der zeit ein Rennen/Stechen vnd Turs
niern/mit vielen frembden Fürsten vnd
Herren/Ritter vnd Knechten/inn der Stadt zu
Einbeck/vnd mit iren Vnderassen. Nun was
es in dem Sommer/das die Pflaumen vnd ander
Obs zeitig was.

Da w3 zu Oldenburg bey Einbeck ein fromer
einfels.

Wunderbarliche Historien/

einseltiger Mann/den het ein garten mit pflaum
baumen/der ließ ein Karren voll Pflaumen brech
en/vnd wolt damit ghen Limbeck fahren / als
denn viel Volcks da was / vnd meinet derer da
bass abzukommen / denn anders wo. Als er nun
für die Stadt came / da lag Eulenspiegel vnder
einem grünen Baum in dem schatten / vnd hert
sich in der Herren Höf vbertrucken / das er wes
der essen noch trincken mocht/vnd einem Todten
Menschen gleicher denn einem Lebendigen was.

Als nun der fromme Mann bey ihm herfuhr.
Da sprach Eulenspiegel den Mann an ganz
Arrendlich / als er wol kund/ Ach guter freund/
sihe/hie bin ich so krank drey tag gelegen/vnd
wo ich noch einē tag also ligen soll/so müßte ich
Hungers vnd Durst halb wol sterben/darumb so
thu das best / vnd führ mich vmb Gottes willen
in die Stadt.

Der gut fromme Mann sprach / Ach guter
Freund/ich wolte es gern thun/ aber ich hab ein
Karren voll Pflaumen geladen/wenn ich dich da
rauff setze/so machest du mir sie alle zu schanden.
Eulenspiegel sprach/ nimme mich mit / ich wil
mich vornen auff dem Karren behelffen.

Der gut Mann was alt / vnd thet seinem leib
vnd Leben weh ehe er dem Schalck auff den Kar
ren half/der sich auff das aller schwerest macht/
vnd fuhr da vmb des Aranden willen defter ge
mecher / da nu Eulenspiegel ein weil gefahren
was / da zog er das Stroh von den Pflaumen/
vnd stetig hinder seinen Rücken heimlich auff den
Karren/

Barren / vnd scheiß dem armen Mann auff die
Pflaumen / vnd zoh das Stroh wider drüber. Als
nun der Bawr in die Stadt kam. Da rüfft Eulen-
spiegel / Salt / Salt / hilff mir von dem Barren /
ich wil hie aussen vor dem Thor bleiben. Der gut
Mann halffe dem argen Schalck von dem Bar-
ren / vnd fuhr darnach sein Straß / den nechsten
weg zu dem Markte. Nun was einer in der stadt
der was allwegen der erst / wenn dahin etwas zu
Markt kame / vnd doch selten etwas kauft / der
kam nun auch dazu / vnd zohe das Stroh wol haß
ber herab / vnd bescheiß die hend gar. In dem
kam der mann wider auß seiner herberg. Eulen-
spiegel her sich gar verkleid / vnd kam auch ein an-
dern weg her gezogen / vnd sagt zu dem Bawren /
was hast du zu Markt bracht: Pflaumen sprach
der Bawr. Eulenspiegel sagt / du hast bracht als
ein Schalck / die Pflaumen seind beschiffen / man
solt dir das Landt verbieten mit den Pflaumen.
Der gut Mann sihet darn ich / vnd sahe das es al-
so was / vnd sprach vor der Stad lage ein franck
Mensch / der sah gleich als der hie steht / denn das
er ander Kleider an hat / den fuhr ich umb Got-
tes willen für das Thor / derselbig Schalck hat
mir den schaden gethan.

Eulenspiegel der sprach / der Schalck wer wol
schlagen wert. Also mußt der fromme Mann
die Pflaumen hinweg führen auff die
Schelmengrüb / vnd dorfft
sie niergends mehr
verkauffen.

Wunderbarliche Historien/

Die lxxvij. History.

Wie Eulenspiegel ein Kofstuscher was.



Woff ein zeit het Eulenspiegel ein stetiges
Pferde feil/da kam einer vnd wolts im ab
kauffen/besah es/vnd gefiel im wol/vnd
fragt ihn/ob es kein bösen tuch hinter im
het/er solt es im nit verhelen/so wolt ers im red
lich bezaln. Eulenspiegel sprach ich weiß kein ge
brechen an im/denn es geht nit ober die Baum.
Der Kauffman sprach/ich wil es ober kein baum
reiten/wilt du mirs vmb ein zimlichen pfennig
geben/so nem ichs. Eulenspiegel sprach/ich gibe
dits vmb kein pfennig/aber vmb fünfzehn ghl/
den wil ichs geben/er ward des kauffs eins/vnd
bezalt

bezalt es ihm / Da er nun das Ross wolte zu der
Stadt außs reiten / da kundte er es nicht vber die
bruck bringen / wenn die bruck war von beemern
gemacht / noch meiner der / so das Pferd kauffen
her / es gtinge nicht vber die Beum die auffrecht
stüendes / vnd nam Eulenspiegel mit Recht für /
da ward erkant es were ein berrug / Eulenspiegel
solt ihm sein Gelt wider geben / vnd solte er sein
Pferd nemen / das was Eulenspiegel nicht ge-
legen.

Die lxxxix. History.

Wie Eulenspiegel einem Roszteuscher ein
Pferd abkaufft / vnd im das nur
halb bezalt:



Wunderbarliche Hissorien/

En Hildeßheim kam Eulenspiegel zu ein
Kostenscher/der bot im ein Pferd vmb
Fünff vnd zwentzig Gilden. Eulenspie
gel der marckt mit im/die vier vnd zwon
zig Gilden wolt er im geben/vnd saget/ich wil
dir jetzt zwölf Gilden geben/die anderen zwölf
wil ich dir schuldig bleiben. Der Kostenscher
sprach/nimb hen/ vnd schlugs im dar. Eulen
spiegel zelt im die zwölf gilden dar/vnd reit mte
dem Pferd hinweg. Es stund wol auff drey Mo
nat/da kam der Kostenscher zu ihm/vnd hiesch
im die zwölf gilden. Eulenspiegel sprach/ich sol
sie dir schuldig bleiben / sie kamen mit einander
für Gericht. Eulenspiegel verantwort sich/wolt
nicht von dem geding wie ers kauft het/vnd sa
get/ich habs Kofz kauft vmb vier vnd zwentzig
gilden/vnd hab im zwölf gilden bar drauff ge
ben/die andern zwölf sol ich im schuldig bleibe/
wenn ichs im nun geb / so bleibs nit bey meinen
worten/vnd hab doch mein wort immerdar war
gehalten / vnd gethan alles was man mich
geheissen hat/ ich hoff es bleibe auch da
bey. Also warde das Recht verzor
gen/ vnd sol Eulenspie
gel das Gelt noch
geben.

Die xc. History.
Wie Eulenspiegel ein Hirdt wurde im
Hertzogthumb zu Brauns-
schweig.



WAS Eulenspiegel anfieng / so kundert er
doch nicht Reich werden / noch gut vber
komen / vnd gedacht / wie thetest du der
Sach / das du auch etwas vberkamest /
All Amptleut des Fürsten werden reich / ohn ich /
vnd trat auch zum Fürsten / vnd bate / das er et-
liche Jar seines Viehs Hirdt were / er dörfte ihm
kein lohn geben / der Fürst verlihe es ihm zehen
Jar. Da Eulenspiegel nun ein gewaltiger Hirdt
warde / schreib er einer Stadt im Land / er höret
sagen wie sie gut Weide hetten / er wolt komen /

P m vnd

Wunderbarliche Historien/

nd seines Fürsten vtehe darauff werden. Sie er-
chracken vbel vnd forchten sich/als auch gesche-
hen wer/er würde ihn die Weide gar abzehren/da-
mit ihnen ihr Vieh mangel müßte leiden/vnd schi-
cketen ihm schaff vnd zwenzig Gilden/er solt sie
des vberheben mit viel worten. Eulenspiegel ge-
dacht/ es wil gut werden vnd darnach schreib er
in ein andere Stadt / die ihm gelegen was / sie
schickten ihm auch gelt/vnnd also für vnnd für/
biß er ein Sächsin Rock trug/vnd gut vberkam/
Der Fürst fragt ihn/wie es zu gieng. Eulenspie-
gel sprach/ Gnediger Herr/es hat ein sinn/es ist
kein Ampt so klein/es treget etwas nutz auff
ihm. Ein anderer sprach/es ist kein
Ampt so klein/es ist heu-
rens werdt.

Die xcj. History.

Wie Eulenspiegel ein par Schuh kaufft
ohn Gelt.

Alff ein zeit gieng Eulenspiegel zu Erfurd
durch die Schumacher gassen/da sprach in
eins Schumachers Frau an / er solt ihr
ein gut par Schuh abkauffen/ er versucht
einen Schuh an/der was im gerecht/vnnd thet
den andern Schuh auch an / vnd troßt sich hin/
die



die gassen auß / die frau lieff im nach / vnd schrey
haltend den Dieb / die Nachbawren wolten ihn
halten / da saget er / Sey laßet mich gehen / wir
lauffen die wett vmb ein bar Schuh / also kam er
daruon / vnd gab die Schuh dem knecht in seiner
Herberg.

Die xcij. History.

Wie sich Eulenspiegel zu einem Baw-
ren verdinget.

Eins mals wolt der Bawr mit seinem knecht
Eulenspiegel in den Wald faren / einen
Barren mit Holz holen / der Knecht saß
auff dem Pferd / vnd saß der meister hin-
der dem Pferd auff den hohen Baumen.

P an Da

Wunderbarliche Historien/



Da sah der Meister einen Hasen vor im vber den
weg lauffen/ vnd sprach/ Knecht/ Er wider vmb/
es ist gar vnglücklich wenn ein Hase ein vber den
weg laufft/ wir wollen heut etwas anders thun/
Er fuhr wider heim/ des anderen tags fuhren sie
wider hinauf. Da sie schier zu dem wald kamen/
da sprach Zuluspiegel/ Meister / es ist da vor
nen ein Wolff vber den weg gelauffen/ der Mei-
ster sprach/ fahr hin / es ist eitel glück/ wenn ein
Wolff vber den weg laufft/ sie fuhren hin/ vñnd
spanten das pferd auß auff die weyd/ vnd lieffen
den Karren also stehen/ giengen in Waldt vñnd
machten holz. Nun schickt der meister nach dem
pferd vnd Karren/ das sie laden vnd heim fñhren.
Da

Da der gut Knecht sarn wald kompt/ sihet er das
das Pferd ist gefelt/ vnd steckt der Wolff in im/
vnd frist. Eulenspiegel was heimlich fro/ lauffet
hin vnd rüfft dem Meister/ vund sprach/ Kompt
Meister/ das glück steckt im Pferd. Der Mei-
ster sprach/ was sagest du? Eulenspiegel sprach/
gehet baldt/ oder ihr veräumpt das glück/ da
gienge er hinzu/ vnd sahe den Wolff im Pferd
stecken vnd frass. Da sprach der Knecht/ Meister
hettet ihr vns dem Hasen lassen nach fahren/ der
het euch das Pferd mit gessen/ vnd sprach/ Mei-
ster ic seid aberglaubig/ ich wil wandern.

Die veltj. History.

Wie Eulenspiegel ghen Paris auff die ho-
he Schul zog.

Alff ein zeit zog Eulenspiegel gen Paris/
da was eben ein Disputatz da von etlichen
Doctores/ als man Examiniert ad Licen-
tiam / Da gienge Eulenspiegel auch
mit hinein/ vund stunde für den/ der oben auff
dem Stul saz/ vnd sahe ihn sehr an. Der Doc-
tor Rathetriert/ vnd sprach/ Lieber Gesell was
sihest du also/ woltest du etwas fragen? Eulen-
spiegel bedacht sich kurze/ vnd sprach/ ja Herr/
ich hab ein hohe Frag zuthun/ vnd sprach. Wel-
ches ist besser/ ist besser das ein Mensch das thu/
das er weiß/ oder das/ das einer erst lern/ das er
nit weiß? Oder machen die Doctores die bücher/
odder machen die Bücher Doctores? Die Do-

P v Doctores


Wunderbarliche Historien/



ctores sahen einander an / vnd wurden Opinio
nes vnder in / einer meinet je das ander wer das
best/aber der mehrertheil waren darauff das ein
Mensch thet/das er wißt/wer besser/ denn das
er lernen wolt/das er nicht wißte. Da sprach Eu
lenpiegel/so seid ihr alle groß Narren / das ihr
stets wolt leren das jr nicht wißt/vnd das ihr
wißet/das thut ewer keiner/vnd spre
che/Disputa vmb die Bücher/
wie obstehet/keret sich
vmb/vnd glang
hinweg.

Die xxiij. History.

Wie Eulenspiegel zu Berlin ein Büttel oder
 Stadtknecht ward / vnd hett ein grofs-
 sen lust den Bawren Gelt
 odder Pfand auß-
 zutragen.



D Vff ein zeit da ward Eulenspiegel auß ge-
 schicket in ein Dorff Gelt zu heischen / von
 einem bawren / der gab nicht gern gelt auß /
 was auch arm. Eulenspiegel zohe dahin
 mit sein spießlin vnuerdacht / da kam der Teuf-
 fel zu jm in eins Bawren weisz / aber Eulenspiegel
 der mercket das wol / das er der Teuffel was /
 Sie giengen vnd redten mit einander / der Bawe
 sprach / du wilt Gelt heischen oder bringen /
 laß

Wunderbarliche Historien/

laßz vns mit einander gemein haben / denn ich
gehe auff ein verborgen Schatz / den wil ich ein
bringen / vnd mit dir theilen. Eulenspiegel ge-
dacht/du hast lang wol gehört / der Bößz wisse
viel Schetz zu finden / vnd war der sache eins mit
ihm/vnd giengen also durch ein Dorff / da hör-
ten sie ein Kindt schreien vnd weinen / da kam
die Mutter zum Kindt / sprach in zorn / ey nun
schreye vnd weine / das dich der Teuffel holen
müsse. Da sprach Eulenspiegel / hörstu nicht/
das man dir ein Kindt wil geben/warumb nim-
stu es jecz nicht. Der Teuffel sprach / lieber / der
Mutter ist nicht ernst / sie ist so zornig. Nun sie
giengen hin vber das Feldt / da giengen sie für
ein grosse herd Saw/da was ein grosse feist saw
neben auß gelauffen / vnd lieff er der Hirt nach/
das er sie wider vmb treib / vnd sprach/Hutn/
das dich der Teuffel hole aller Saw. Eulenspie-
gel her gern theil gehabt / vnd sprach / hörst du
nicht / da gibt man dir jecz ein Saw / warumb
nimbstu sie nicht / ich wil dir fürter die gemein-
schafft auff sagen. Vnd der Teuffel sprach / Lie-
ber / was wolt ich mit einer Saw thun / ihm ist
auch nit ernst/vnd wenn ich sie ihm denn nem/so
müßst sie der arm Hirt bezalen/ich warte auff ein
bessers. Eulenspiegel gedaht als auff ein Schatz/
also giengen sie biß in den Hof/ da Eulenspiegel
solt Gelt heischen / da stund der Bawer dort in
der Schwern/vnd drasche Korn/so bald er Eu-
lenspiegelu sieht mit der Büchsen / so spricht er/
wol einher in aller Teuffel Namen / das dich der
Teuffel

Teuffel holen müß: Der Teuffel sagt zu Eulenspiegel / hörstu auch was der Bawr sagt: vnd dem ist jetzt ernst / du must mit mir. Eulenspiegel sagt / ich beger mit dir für das Recht / denn ich hab gesaget / ich wil die gemeinschafft schier auffsagen / das thu ich jetzt / darumb thu mir nichts wider recht / ich bin ein Stadknecht / vnd gebiet dir für mein Schultheissen / aber der Teuffel kam mit / also macht sich Eulenspiegel bald vom Ampt.

Die xcv. History.

Wie Eulenspiegel ein Metz het / die er für sein Ehefraw außgab / vnd verdingt sich zu ein Dorff Pfarrherr.



Wunderbarliche Historien/

Auff ein zeit ward Eulenspiegel redlich bezalt/ von einem Dorffpfarrherr/ der dorff te eines glöckners/ nam Eulenspiegeln an/ vnd dingt ihn. Als er nun ein zeit bey ihm was/ da sahe er wol das der Pfarrherr ein leckerhafft Mann was mit den Frauen / vnd auff ein mal sprach er/ Herr ich wolt gern wissen wie viel ihr doch frauen in diesem dorff versucht het/ etc. Sager mirs in geheim / es sol bey mir bleiben. Der Pfarrherr sagt zu im / ich wil dir es künde thun / ich vertrau dir / du bist mein getrewer Knecht / vnd jetzt bisz Montag ist ein Fehtag/ so wird ein groß Opfer / so ich vber den Altar stehe/ vnd warte des Opfers/ so stehe du daneben vnd gibe die Stal zu küssen / vnd wenn ich sprich Brems / da hab acht auff / dieselb hab ich versucht. Nun gieng die Schultheissen vnd Heimbürgerin vmb de altar/ er sprach Brems/ Es daucht Eulenspiegeln seltsam vnd schweig/ in dem gehet Eulenspiegels Frau auch vmb dem Altar/ Er sprach Brems. Eulenspiegel sprach/ es ist mein Frau/ Der Pfaff sprach / es sey deins Frau oder nicht/ sie ist Brems/ ich wil dir nicht vnrecht thun. Von stund an nam Eulenspiegel velaub/ vnd zog hinweg / vnd ließ den Pfaffen dahinden mit der Sure.

Die xvij. History.

Wie Eulenspiegel die Münch zu Mariental in die Netten
zalt.

By



Ey der zeit als Eulenspiegel alle Landt
 umbgelauffen hat/ was alt vnd verdrossē
 worden/ da k̄ in ein Galgenrew an/ vnd
 gedacht/ wie er sich in ein Kloster wolt er
 gebe mit seiner armut/ vñ sein zeit also verwand
 en/ vnd wolt Gott dienen/ sein lebenslang/ wenn
 Gott vber ihn geb̄t/ das er nicht verloren w̄re/
 vnd kame also zu den Apt von Mariental/
 vnd bat ihn / das er ihn in einem Bruder wolt
 auffnehmen / er wolt dem Kloster alles das sein
 hinder ihm lassen. Dem Apt was auch wol mit
 lachen / vnd sprach/ du bist noch vermöglich/
 ich wil dich geren auffnehmen / wie du gebeten
 hast/ aber du mußt auch etwas thun / vnd ein
 Ampt haben / du siehest wol das meine Brüder
 vnd ich/ alle zu thun haben/ vnd jedem ist etwas
 befohlen

Wunderbarliche Historien/

befohlen. Da sprach der gut fromb Eulenspiegel / ja Herr Apt gern / wolan in Gottes Namen / du arbeitest nicht gern / du solt vnser Pfortner sein / so bleibest du in deinem Gemach / vnd hast mit allen kein bekümmerniß / allein kost auf dem Keller zu holen / vnd die Pfort auff vnnnd schliessen. Eulenspiegel sprach / Würdiger Herr das vergelte euch Gott / das ihr mich alten me so wol versorget / ich wil auch alles das thun das ihr mich heissen werdt.

Der Apt sprach / sehin den Schlüssel / Du sol nicht jederman ein lassen / den Dritten oder Vierten laß kaum ein / denn zu viel ein lassen / freß baldt das Kloster arm. Eulenspiegel sagt / ih Würdiger Herr / ich wil ihm redt thun / vnd all die da kamen / sie gehörten in das Kloster oder nicht / so ließ er nur den Vierten / vnnnd nicht mehr / die Klage kam für den Apt / der sprach zu Eulenspiegeln / du bist ein außgelesener Schalck / wiltu nicht herein lassen gehen / die herein gehören Herr / sagt Eulenspiegel / den Vierten / all ihr mich geheissen habt / hab ich ein gelassen / vnd nicht mehr / vnd hab ewer wort vollbracht. Du hast gethan als ein Schalck / sprach der Apt / vnder sein gern wider ledig gewesen / vnd setzet ein andern Beschließer / denn er vernam wol / das er sein alte Thür nicht lassen wolte / gab ihm ein ander Ampt / vnd sagt / du mußt die Mönch des nachts in die Ketten zelen / vnd wenn du einm über siehest / so solt du wandern. Eulenspiegel sprach / das ist mir schwer zu thun / doch wenn es

ander

Anders sein mag/muß ich das mache wie es zum
besten werden mag. Vnd des nachts brache er ei-
lich staffeln ab von der stiegen/der Prior was ein
gut fromm alt Mann / vnd allzeit der erst in der
Metten/Kam stillschweigend zu der stiegen/ vnd
als er meinet auff die Stiegen treten/trat er hin-
durch/ vnd fiel ein Bein entzwey / da rufft er je-
merlich/das die andern Mönch all zuheffen/vnd
woltten sehen was ihm were/damit fiel einer nach
dem andern. Da sprach Eulenspiegel zum Apt/
wirdiger Herr/hab ich mein Ampt recht aufgez-
richt/ vnd gab ihm das Kerbholz / daran er die
Mönch geschnitten het. Der Apt sprach/ du hast
gethan als ein Bößwicht/gehe mit auß meinem
Kloster/also Kam er gen Möllen in die Stad/da
ward er mit Franckheit beladen vnd vmbgeben/
das et karglich darnach starbe.

Die xvij. History.

Wie Eulenspiegel zu Möllen Franck
ward/vnd dem Apoteker
in die Büchsen
scheiß.

Endt vnd fast Franck wardt Eulenspie-
gel als er ghen Möllen ka / zog er zu dem
Apoteker ein zu Herberg / vmb Arzney
willen / da was der Apoteker auch gen/
vnd gab Eulenspiegeln ein scharpffe Purgas/
da es nu gegen dem morgen ward/wolt die Pur-
gas wideren/Eulenspiegel stund auff/vn wolt der
Purgas

Wunderbarliche Historien/



Purgas ledig werden/da was das Haus allent-
 halben beschloffen/in ward not/ jedoch kame er
 in die Apotec/schiz in diebüchsen/ vnd sprach/
 hie kam die artzney auß/da muß sie wider ein/so
 verleuret der Apotecer nichts/ ich kan ihm doch
 sonst kein gelt geben.Da das der Apotecer innen
 ward/flucht er Eulenspiegeln/vnd wolt in nicht
 mehr im Haus haben/vnd ließ in in den Spital
 tragen/der hieß zum Heiligen Geist/da saget er
 zu den leuten die in dar füren/ich hab fast dar-
 nach gestanden/vnd GOTT allzeit gebetten/das
 der Heilige Geist sol in mich kommen/ so send er
 mir das widerheil das ich in den Heiligen Geist
 komme/vnd er bleibt auß mir/vnd ich komm in
 ihn. Die Leut aber giengen alle von ihm/wenn
 wie

wie eines Menschen Leben ist / also ist auch sein
ende/das wardt seiner Mutter kund gethan/die
kam bald zu im/vnd meinet gelt von ihm zu vber
kommen/denn sie w3 ein arme alte frau/da wei
net sie / vnd sprach. Mein lieber Son wo bist du
Brant. Sie zwischen der Risten vnd der Wand/
Ach lieber Son/sprich mir doch ein süß wort zu.
Eulenspiegel sprach/liebe mutter / Sonig ist ein
süß Kraut. Die mutter sagt/lieber Son/ gib mir
dein süße lere/das ich dein gdencken mag. Eulen
spiegel sprach/ Ja liebe Mutter/wenn du deines
gmachs wilt thun/so ker dē arsz von dem wind/
so gehet dir der gestand nicht in die Nasz. Die
Mutter sprach/lieber Son/gibe mir doch etwas
von deinem gut. Eulenspiegel sprach/liebe Mut
ter/wer da nicht hat/dem sol man geben / vnd
wer etwas hat/dem sol man etwas nemen/mein
gut ist verborgen/das es niemands weiß/findest
du etwas das mein ist/das magst du angreifen/
doch ich gebe dir vō meinen gut alles das Trumb
vnd schlecht ist. Dieweil / da Eulenspiegel sehr
frant was/das die leut meintē er w3rd sterben/
vnd sprachen in an/das er Beichtet/vnd
die GOTTES recht nem/das there
Eulenspiegel/denn er befand
wol/das er des Lagers
nicht auffem.

Wunderbarliche Historien/

Die vntz. History

Wie Eulenspiegel seine Sünd berewen / da rewet ihn dreierley
Schuldheit/die er
nicht gethan
hatte.



Eulenspiegel solt rew vnd leid haben vber
seine Sünde in seiner Krankheit/das in
die Gottes recht werden möchten/das er
deste süßer sterben möchte/sagt im ein al-
te Begin zu der sagt Eulenspiegel/ das geschick
nicht/das ich süß sterb/denn der Todt ist bitter
auch warumb solt ich heimlichen Beichten / da
ich in meinem leben gthan hab/das ist vielen lan-
den vnnnd leuten wol bekant/wen ich etwas gut
getha

gethan hab/der wol das vber mein ehewen nicht
schweigen. Mich hat dreierley gerewet/ vnd ist
mir leid das ich es nicht gethan habe. Die Begün
sprach/lieber Gott das lassēt euch leyd sein / ist
etwas bösz das jr nit gthan habt/vnd lassēt euch
leyd sein ewere sünd. Eulenspiegel sprach / Liebe
Fraw/mie ist leyd/das ich noch dreierley nit ge
than habe/vnd kund es auch noch nie vberkom
men/Die Begün sagt/es seind drey ding/Seind
sie gut oder bösz/Eulenspiegel sprach es sint drey
ding/das erst ist/in meinen jungen tagen / wenn
ich denn sahe / das ein Mann auff der Strassen
gieng/vnd der rock lang vnter dem Mantel auß
hieng/dem gieng ich nach/ vnd meinete der Rock
wolt jm empfallen/das ich in denn möcht auffhe
ben/vnd weñ ich denn zu jm kam/so sah ich/das
jm der Rock so lang was / da warde ich zornig/
vnd het jm gern den Rock so weit abgeschnitte
als lang er vnder dem Mantel herfür gieng/vnd
das ich das nicht kundt/das ist mir leyd. In das
ander ist/wenn ich sah jemandes sitzen oder gehn/
der mit ein Messer in den Fenen grublet/das ich
jm nit mocht das Messer in den Hals schlagen/
das ist mir auch leyd. Das Dritt ist/das ich nicht
mocht den alten Weibern / die ob ihren Taren/
den arsz zuslicken/das ist mir auch leyd/ wenn sie
sind niemand nütz mehr auff erden/ denn das sie
das erdtrich bescheissen/ da die frucht auffsiehet.
Die Begün sprach/ Ey behüt vns Gott/was sa
get jr nun.

Ich hör wol/wenn jr starck weret/vnd het

Q in die

Wunderbarliche Historien/

die macht/ie nehet mir mein loch auch zu / wenn
ich bin ein frau von sechzig jaren. Eulenspiegel
sprach das ist mir leyd das es mir geschehen ist. Da
sprach die Begün so bewar ench der Teuffel/ vnd
gieng von im vnd ließ in ligen/ Da sagt Eulen-
spiegel es ist kein Begün so andechtig/ weñ sie zor-
nig wird/ so ist sie böser denn der Teuffel.

Die vley. History.

Wie Eulenspiegel sein Testament macht/
vnd der Pfaff darinn die hend
bescheiß.



Derdt Geistlich vnd weltlich personen/
das ie ewer hend nicht verunreiniget an
Testamenten/ als in Eulenspiegels Te-
stament geschähe.

Ein

In pfaff ward Eulenspiegeln zubracht/das
 er in beicht solt hören/als nun der pfaff zu im ka-
 me/gedacht der pfaff in im selber/er ist ein aben-
 thewlicher Mensch gewesen /darmit hat er viel
 gelts zusamen bracht/das kan nit fehlen/er muß
 ein mercklich sum gelts haben/da soltu nit abzie-
 hen in seinem letzte end/vielleicht wirdt dir auch
 etwas darvon. Als nun Eulenspiegel dem Pfaff
 fen begund zu beichten/vnd kamen also zu wor-
 ten/vñ vnder anderm sprach der pfaff zu im. Eu-
 lenspiegel mein lieber Son /bedenckst ewer Seel
 seligkeit in ewrem end/ir seit ein abenthewlicher
 Gesell gewesen/vnd habet viel Sünd getrieben/
 das laßt euch leid sein/vnd habet ir etwas von
 gelt/ich wolt das wol geben in die Ehr Gottes/
 vnd armen Priestern als ich bin/das wil ich euch
 rathen/wenn es ist wunderlich gewinnen / vnd
 wenn ir denn solchs thun wollen/so offenbarts/
 vnd gebt mir solliches Gelt / ich wil das bestel-
 len/das es sol in die ehr GOTTes kommen.Vnd
 wöllt ir mit auch etwas gebe/so wil ich ewer ail
 mein lebtage gedencen / vnd nach lesen Vigiltien
 vnd Seelmessen. Eulenspiegel sagt /ja mein lie-
 ber Herr / ich will ewer nicht vergessen / kompt
 nach Mittag wider / ich wil euch selber in die
 Hand geben ein stück goldes das seid ihr gewiß/
 der Pfaff was fro/vnd kam nach Mittag wider
 gelauffen / vnd dieweil er auß was/da her Eu-
 lenspiegel ein Bannen/die thet er halb voll Men-
 schen Dreck's/vnd setlet ein wenig gelts darauff/
 das das Gelt den Dreck bedecket. Als nun der

Er ist Pfaff

Wunderbarliche Historien/

Pfaff wider kam/sprach er/mein lieber Son Eulenspiegel/ich bin nun hie/wöller ihr mir nun etwas geben/als ir mir denn gelobt habt/das wil ich jezunt von euch empfangen. Eulenspiegel sagt/ ja lieber Herr/wein ir nur züchtig wolt greiffen/ vnd nicht geizig sein/so wil ich euch lassen greiffen einen griff auß dieser Kannen/darbey solt ihr mein gedenden.

Der Pfaff sagt/ich wil thun nach ewerem willen vnd darein greiffen/auß das genawest so ich kan. Da thet er die Kan auß/vnd sagt/greiff hin ein lieber Herr/die Kann ist voll gelts/vnnd leger heraus ein handuoll/vnnd greiffst doch nicht zu tieff.

Der Pfaff sagt/ja lieber Eulenspiegel/vnd im ward so ernst/vnd die Geizigkeit betroge in/das er greiff mit der Hand in die Kann / vnd meiner ein gut handuoll zu ergreiffen/da befand er/ds es hart vnd weich was/vnder dem gelt/da nicht er die hand wider zu ihm/da waren im die finger von dem Dreck beschußen. Da sprach der pfaff/ O wie ein vortheiliger Schalk bist du/betruugestu mich in deinem letzten end/da du in deinem ehewerbh liggst/so döcfft die senigen nicht klagen/die du betrogen hast in deinen jungen tagen. Eulenspiegel sprach/lieber Herr/ich warnet euch doch/Ihr soltend nicht zu tieff greiffen / betruugt euch nun ewere begierlichkeit / vnnd thut vber mein warnung/das ist fürwar mein schuldt nit.

Der pfaff sprach/du bist ein Schalk ob allen Schalken außgelesen/kundest du dich zu Lübeck von

von dem Galgen reden / so antwortest du auch mir
wider / vnd gieng damit hinweg / vnd ließ Eulen
spiegel also liegen. Eulenspiegel rieß ihm nach /
das er harren solt / vnd das Geld mit im nemen /
der Pfaff wolte nicht warten oder hören / vnd
gieng also heim zu hause.

Die c. History.

Wie Eulenspiegel s. in gut in drey theil aufgab /
ein theil sein freunden / das Ander theil
dem Rath zu Nöllen / vnd das
Dritt theil dem Pfaffen
herr.



Wunderbarliche Historien/

Als nun Eulenspiegel ihe Kräncker war/
da setz er sein Testament/vñ gab sein güt
in Drey theil. Ein theil sein freunden/das
ander theil dem Rath zu Nöllen/vnd das
Dritt theil dem Pfarherr daselbst/doch mit dem
bescheid / wenn GOTT der Herr vber ihn geböt/
vnd von Todts wegen abstünd/so solt man sein
Leichnam begraben auff das Geweyht erdtrich/
vnd sein Seel begraben mit Vigilien vñ Selmes-
sen / nach Christlicher Ordnung vñnd Gewon-
heit / vnd nach vier Wochen solten sie einheilig
die schön Risten/die er jnen mit Köstlichen schlüs-
sein wol bewaret/auffschliessen/ vnd freundlich
mit einander / auch sich gütlich darüber vertran-
gen. Das namen die drey Partheien also gütlich
en an/vnd Eulenspiegel starb.

Da nun alle ding nach laut des Testaments
vollbracht/vnd die Vier Wochen herumb warn/
kame der Rath/ der Pfarherr / vnd Eulenspie-
gels Freund/vnd eröffneten die Rist/ seinen ver-
lassenen Schatz zu theilen / wurde darinn nichts
anders gefunden/ denn Stein. Je einer sahe den
andern an / vñnd wurden zornig/ der Pfarherr
vnd der Rath meiner / die die Risten in verwa-
rung gehabt hetten / sie hetten den Schatz heim-
lich darausz genommen / vnd hetten die Risten
wider zu geschlagen/ die Freundt meineren / die
Pfaffen hetten den schatz heimlich darausz genom-
men / vnd hinweg getragen. Also schieden sie in
vñnwillen von einander/vnd wolte der Pfarherr
vñnd der Rath Eulenspiegeln wider aufzgraben
lassen/

lassen / als sie begundten zu graben / da was er schon faul / das niemands bey im bleiben mocht / da machten sie das Grab wider zu. Also bleibt er liegen in sein grab / vnd ist ihm zu gdecht auß ein Stein gehawen / den man noch sihet.

Die cj. History.

Wie Eulenspiegel starb / vnd die Sew die Baar vmb warffen / vnder der Vigilien / das er dahin dürmelt.



Nach dem Eulenspiegel sein Geist hette auffgeben / da kamen die Leut in den Spittal / beweineten ihn / vnnnd legeten in auff ein Baar / Da kamen die pfaffen / vnd wolten ihm ein Vigilien singen / huben an /
da

Wunderbarliche Historien/

Da kam des Spittels saw mit iren jungen Sercklin/ lieffen vnder die Baar/ vnnnd begundten sich jucken/ das Eulenspiegel von der Baaren darme let/ Da kamen die Frayen vnd die Pfaffen/ vnd wolten die Saw mit den jungen Sercklin zu der Thür aufziagen/ die Saw was zornig/ vnd wolt sich nit vertreiben lassen sondern lieff mit den jungen Sercklin also zerstrewt in dem Spittal/ da sie herum sprungen / lieffen sie vber die Pfaffen/ vber die Beginen/ vnd vber die Brandten/ vber die starcken/ vnd vber die Leich da Eulenspiegel in lag/ drausz ein grosz gschrey ward/ von den alten vnd jungen Beginen/ das die Pfaffen lieffen die Vigilien stehn/ vnd lieffen zu der Thür aufz/ die andern versagten doch zulezt die saw mit den sercklin hinweg. Da kamen die Beginen/ vnd legten den todten wider auff die Baar/ vnd kam vnrecht zu ligen/ das er den Bauch gegen der erden ferr. Als nu die Pfaffen hinweg giengen/ sprachen sie/ wolten sie ihn begraben / das möchten sie thun/ sie wolten aber nit wider komen / Also namen in die Beginen vnd trugen in auff den Kirchhof/ vnd legeten in zum grabe wie er lag/ Da kamen die pfaffen wider/ vnd sprachen/ was Rath sie daz zu geben wolten/ wie man ihn Begraben solte/ er möchte nicht ligen als die andern Christen Menschen im Grab/ mit dem wurden sie gewar/ das der Baum vmbgkert was/ vnd er auff dem Bauch lage/ da wurden sie lachen/ vnd sprachen/ er zeiget sich selber / das er verkert wil ligen/ dem mögen wir also thun.

Die

Die cij. History.

Wie Eulenspiegel wolt begraben werden
von den Beginen.




Bey Eulenspiegels Begrebnus gieng es
wunderlichen zu/ wen sie all stunden auff
dem Kirchhof / umb den Todtenbaum/
da Eulenspiegel innen lag/ da legeten sie
ihn auff die beyde Seil / vnd wolten ihn inn das
Grab sencken/da brache das Seil entzwey / das
bey den Füßen was/ vnd der baum schoß in das
Grab/ das Eulenspiegel kam auff die Füß zu ste-
hen in dem Stock. Da sprachen sie all/ laßt in ste-
hen/ wenn er ist wunderlich gewesen in seinem le-
ben/ wunderlich wil er auch sein in seinem todt/
vnd also warffen sie das Grab zu / vnd lieffen in
alle

Wunderbarliche Hystorien/

also stehn / vnd setzten ein Stein oben auff das
Grab / vnd hiewen auff das halbe theil ein Eul/
vnd einen Spiegel / den die Eul in Alawen hat/
vnd schrieben oben an steln. Disen Stein sol nie
mand erhaben / Sie lehnt Eulenspiegel auff/
recht begraben. Vnd diese Oberschriffe
stehet zu Möllen auff seinem Grab /
inn ein Stein gehawen. Im
Tausent / Dreyhundert
vnd Fünffzig
sten Jar.

EPV



EPITAPHIUM.


ERHABEN, EVLENSPIEGEL

DIESEN STEIN SOLL NIEMANDS



LEHNTHIE AVFRECHT BEGRABEN,


ANNO DOMINI M. CCC. L.



St.B.28.4.38.U



Biblioteka Jagiellońska



stdr0018107

